




6
22-f
8



GB. 1/2

6-22. f. 8.



SERMONUM

LIBRI TRES.



MEMORANDUM FOR THE RECORD

BERNARDI GUILIELMINI

C. R. SCHOLARUM PIARUM

SERMONUM

LIBRI TRES.



R O M Æ

EX TYPOGRAPHIO PALEARINIANO.

ANNO REP. SAL. CICD. IOCC. XLII.

SUPERIORUM *PERMISSU*.



INSTITUTIONAL RESEARCH

RESEARCH REPORT

NOV 20 1942

RESEARCH



RESEARCH

RESEARCH REPORT

RESEARCH REPORT

RESEARCH REPORT

RESEARCH REPORT

V
SANCTISSIMO DOMINO NOSTRO
BENEDICTO XIV.
PONT. MAX.



BERNARDUS GUILIELMINUS SCHOL. PIAR. P. F.



*ERENDUM non est,
BEATISSIME PATER,
ne rem Tibi non gratissimam faciant
ii, qui Sanctitati tuæ offerunt, aut*
de

dedicant Clarissimo Nomini tuo libros, quos aut de Legibus cum Canonicis tum Civilibus, aut de Ecclesiastica Historia & Disciplina, aut de Ritibus Sacris & Theologicis Dogmatibus divulgant. Compertum est enim omnibus, Te quanquam variis semper Christianæ Reip. Muneribus occupatissimum, in hisce gravissimis studiis versatum esse eo fructu, ut quod in iis perfectum est ac summum, totum in Te exprimeres, ac veluti tuum efficeres, & eos, qui studia eadem digne recolerent, amares plurimum, ac laudibus & præmiis cumulares. Hinc fortasse putabit quispiam me non initurum apud Te eandem gratiam, qui non eorundem studiorum specimen Tibi exhibeam, sed plane diversum, utpote quod ab amœnioribus literis Musarumque Choro unice petitur ac

deprom-

depromptum esse videatur. Sed me non terret, nec valde movet suspicio hæc, BEATISSIME PATER, quum libellus, quem exhibere Tibi ausus sum, Sermones contineat, quosdam scilicet veluti duces Morum ac magistros vitæ bene ducendæ, quos pro Instituto meo præcipue ad erudiendam Juventutem, qua potui diligentia, elucubravi, & in Romanis Academiis magna ex parte publice pronunciavi. Nemo autem non videt hujusmodi opus nulli decentius atque convenientius, quam Summo Pontifici dedicari. Is enim est Divino Jure constitutus Inspector vitæ nostræ ac Morum Censor primarius, cujus est æquum ab iniquo secernere, sanctissimas Leges & interpretari & condere, quid quisque sequatur, aut rejiciat, definire, licentiam denique sententia sua damnare, atque infli-
Et

Et interdum pœna cohibere . Quid vero dicam si , qui ea Dignitate ornatur , is Vir sit , cujus vita integerrima sanctissimique Mores lex esse possint palam proposita bene vivendi , ac vivum ceteris ad colendam Virtutem incitamentum ? Fauste igitur ac feliciter mihi res vertet , BEATISSIME PATER , quum hæc in Te duo complexa sint , & suprema Dignitas , quam veneremur , & Virtus eximia , quam imitemur . Enimvero per omnes Honorum gradus ad Apostolicam Sedem ascendisti : ad singulos autem non paria solum , verum etiam majora merita attulisti . Tantum abfuit , ut antiquissima Gentis tuæ Nobilitas Te , ut Patriciis bene multis evenit , fastui , otio , luxui , deliciis traderet , quinpotius acerrimos admoveret stimulos ad omnes scientias celeriter

comparandas , & ad semitam cujus-
cunque Virtutis strenue persequen-
dam . Ex quo factum est ut ad Fo-
rum eloquentiam cum veritate , ad
Tribunal doctrinam cum æquitate ,
ad primaria Sacerdotia prudentiam
cum integritate conjungeres : ad hoc
vero Augustissimum Catholicæ Eccle-
siæ Imperium omnium votis efflagita-
tus , omnium plausu ac lætitia exce-
ptus cum Divinarum & humanarum
rerum cognitione sinceram Religio-
nem , cum constantia & fortitudine
beneficentiam ac liberalitatem , cum
amplitudine denique ac majestate
facilitatem privati pene hominis at-
que singularem humanitatem afferres.
Quod igitur ego hisce meis Sermoni-
bus nitor de Moribus formandis dis-
serere ac statuere , id Tu , BEATIS-
SIME PATER , re ipsa longe excellen-
b
tius

tius præstas . In Te enim perfectum ,
idemque efficacissimum exemplar con-
tinentiæ , laboris , vigilantie , Vir-
tutumque omnium non Roma solum ,
non Italia , sed universus Orbis suspi-
cit , amat , admiratur . Quamobrem
Libellum hunc meum , in quo quæ-
dam vitæ tuæ imago adumbrata est
ac delineata , non diffido fore SAN-
CTITATI TUE si minus propter tenui-
tatem ingenii mei acceptum & ju-
cundum , saltem propter dignitatem
rei non gravem neque molestum .
Ex Collegio Ecclesiastico sexto Kal.
Junii 1742.

EXHIBEO Tibi, LECTOR BENEVOLE, Sermones, vel si mavis lucubrationes de Moribus, Carminibus comprehensas. Dices fortassis Sermones de Moribus metum incussuros nonnullis verentibus maledicentiam: comprehensos autem Carminibus non multis placituros: nam pauci sunt nunc temporis, qui ament Carmina, pauci, qui magni faciant. At satis mihi futurum est, si paucis iis placeant æquis rerum iudiciis, qui vertunt non mediocri malo rei literariæ, & præpostero iudicio ætatis nostræ, id negligere atque etiam repudiare, quod omnis antiquitas coluit atque amplexa est. Non enim ignorant homines sapientissimi non solum profanos Auctores maximi momenti res summa cum laude interdum versibus pertractasse: verum etiam Viros bene multos sanctissimos atque gravissimos, quin etiam Prophetas ipsos cælesti Spiritu afflatos res Divinas magnamque Sacræ Scripturæ partem * hoc dicendi genere luculenter exposuisse. Quis igitur Carmina jure contemserit, quis non inconsulto, non injuste condemnaverit? Quod vero attinet ad metum nonnullorum, illi profecto Sermones meos timebunt injuria. Vide Tu, si libet, primum Libri primi, eumque testem adhibe animi mei veritatis quidem studiosissimi: non ejus tamen, quæ violando homines odium pariat, sed quæ vitia arguendo Virtutis amorem conciliat. Nihil enim mihi unquam antiquius fuit dicto P. Syri Mimi admonentis, *Pacem cum hominibus habendam esse, bellum cum vitiis*. Lege igitur absque metu ullo, & siquid boni inveneris, eo velim utaris plurimum, atque etiam perfruaris: quod vero inconcinni, duri, incomiti occurrerit, id totum per me licet prætereas, damnes, deleas. Nulla enim scribenti mihi voluntas fuit, nisi quæ in faciendam Tibi rem gratam maxime propensa esset ac penitus occupata. Vale.

b 2

JO:

* Videlicet Lib. Job a Cap. 3. usque ad v. 6. Cap. 42. versu hexametro compositum, Lib. Psalmorum, Lamentationes Jeremiæ, & omnia ferme Scripturarum Cantica. Vid. Praefat. Job, S. Hieron. qui citat Philon. Joseph. Orig. & Euseb. Cæsariæ.

JOANNES FELIX

A VIRGINE PRÆSENTATA

Cl. Reg. Matris Dei Scholarum Piarum

PRÆP. GENERALIS.

CUM Librum, cui Titulus *P. Bernardi Guilielmi Cler. Reg. Schol. Piar. Sermonum Libri tres*, duo ex nostris, quibus commissum fuit, recognoverint, & approbaverint, ut typis mandetur, si iis, ad quos spectat, ita videbitur, facultatem in Domino concedimus. In quorum Fidem &c.

Datum Romæ in Ædibus nostris Scholarum Piarum apud S. Pantaleonem pridie Nonas Aprilis anno 1742.

Jo: Felix a Virgine Præsentata
Præpositus Generalis.

Laurentius a S. Hyacintho
Secretarius.

IMPRI-

IMPRIMATUR, ()

Si videbitur Reverendissimo Patri Sacri Palatii Apostolici
Magistro.

F. M. de Rubeis Archiep. Tarsen. Vicesgerens.

APPROBATIO.

SERMONES *P. Bernardi Guilielmi Cler. Reg. Scholarum Piarum* Jussu Reverendissimi P. Magistri Sacri Palatii Apostolici summa legi cum voluptate ; in quibus nihil plane reperi , quod Fidei Catholicæ bonisque moribus ad-
versetur ; nudi sunt , atque venusti ; mira Latini Sermonis
castitas & elegantia , multaque in iis ad efformandos adole-
scentum mores accommodatissima . Quamobrem Libellum di-
gnissimum puto , qui typis edatur .

Datum Nonis Aprilis Cl. Id. Idcc. xlii.

*Michael Angelus Giacomelli SSmi Dñi Nostri
Cappellanus Secretus .*

IMPRIMATUR, ()

Fr. Nicolaus Maria Ridolfi Ordinis Prædicatorum Sacri Pala-
tii Apostolici Magister .

INDEX

I N D E X S E R M O N U M.

LIBRI PRIMI

S E R M O N E S.

I.	<i>De Malis Satyræ.</i>	Pag. 1.
II.	<i>De Officiis Adolescentium.</i>	6.
III.	<i>De Iisdem.</i>	12.
IV.	<i>De Ethica Officiorum Magistra.</i>	16.
V.	<i>De Officiis Conjugum.</i>	20.
VI.	<i>De Officiis Militum.</i>	25.
VII.	<i>De Officiis Aulicolarum.</i>	31.
VIII.	<i>De Nobilibus Artibus Architecturæ, Pi- cturæ & Sculpturæ.</i>	40.

LIBRI SECUNDI

S E R M O N E S.

I.	<i>De Poësi moderate excolenda.</i>	45.
II.	<i>De Mediocritate in omnibus procuran- da.</i>	50.
III.	<i>De Methodo & Delectu studiorum.</i>	55.
IV.	<i>De Perversitate animi indocilis.</i>	60.
	<i>V. De</i>	

		XV
V.	<i>De Infania amoris .</i>	64.
VI.	<i>De Neglectu familiæ & rei domesticæ.</i>	67.
VII.	<i>De Ostentatione falsæ scientiæ.</i>	71.
VIII.	<i>De Falsa probitate .</i>	77.

LIBRI TERTII

SERMONES.

I.	<i>De Laudibus BENEDICTI XIV. P.O.M. & de censura vitiorum Virtutibus ejus contrariorum .</i>	83.
II.	<i>De Mala educatione liberorum.</i>	90.
III.	<i>De Injusta reprehensione aliorum .</i>	97.
IV.	<i>De Rebus gestis Clementis XII. Pont. Max.</i>	103.
V.	<i>De Laudibus Arcadiæ & Principis Sa- xonix .</i>	109.
VI.	<i>De Consolatione in obitu amici .</i>	113.
VII.	<i>De Gravi morbo singulari arte supe- rato .</i>	117.
VIII.	<i>De Longo itinere nonnullis periculis obito .</i>	124.

*Primum ego me illorum, dederim quibus esse poëtas,
 Excerptam numero; neque enim concludere versum
 Dixeris esse satis, neque si quis scribat, uti nos,
 Sermoni propiora, putes hunc esse poetam:
 Ingenium cui sit, cui mens divinior atque os
 Magna sonaturum, des nomenis hujus honorem.*

Q. Horat. l. i. Sat. 4.

*Hunc servare modum nostri novere libelli,
 Parcere personis, dicere de vitiis.*

Mart. l. 10. Epigr. 33.



LIBER PRIMUS.

SERMO PRIMUS.

Explicat scopum libri sui. Indicat argumenta sermonum. Profitetur, ubi reprehendit vitia, nullam se habere voluntatem ullius hominis indicandi, aut lædendi. Satyras damnat: unum dumtaxat earum genus licitum esse demonstrat.



E Te Sermonum, JOSEPH^a
doctissime, nomen
Terreat; hunc titulum miser
incultusque libellus
Præfert, sed jaculis incedit nu-
dus & ira.
Dicere de vitiis licet, atque
opponere sese
Religiosum hominem contra
debet; at mihi lex est

Parcere personis nullo violabilis ævo;
Nam labem scelus est alienæ inspergere famæ.

A

Addē,

^a Josephi Herculani U. S. R. Secretarius Plumbi, Academiae Inter- cundorum Princeps, literis omnibus
cretarius Plumbi, Academiae Inter- omniq; humanitate ornatus Præsul.

Adde, quod e multis, quos omni ex ordine notos
 Mi fecit ratio vitæ, aut occasio felix,
 Nemini ego, si non fallor, mihi nemo inimicus.
 Cunctis namque fui concors & junctus amore,
 Et siquem potui, juvi: tamen usque recepi,
 Et fateor, majora datis, animoque per omne
 Tempus ero memori: Superi autem in me mala vertant
 Omnia, queis alios læsi prudensque volensque.
 Namque hæc fixa mihi est sententia mente, nocere
 Primum ipsi sibi, deinde aliis, quisquis nocet. Ergo
 Nemo meis timeat quidquam a sermonibus*: ipsam
 Horrescunt umbram Satyræ, & prodesse laborant.
 Cunctis, puberibus præsertim; hi sunt mihi curæ.
 Ecquid enim lustris juvat instituisse duobus
 Primam hanc ætatem conclusam parjete sancto,
 Vix male donatam si libertate voluptas
 Abripit in præceps, & longo tempore cultos
 Una dies sæva percellit grandine fructus?
 His timeo; nec enim quam sint fragilesque, quibusque
 Expositi ventis, ignoro. Cum mihi vero
 Jam rude donatos nostra observare potestas
 Nulla sit, & scripto præstet, quam voce monere,

Quan-

a Sermo successit Satyræ, Satyra Comædiæ, Comædia Tragediæ, quæ omnia inventa sunt ad perstringenda hominum vitia. Quum enim apud Græcos lata lex esset, ne quis in quemquam expresso nomine diceret, aut scriberet, quod Tragedi, & Comædi faciebant magno publicæ tranquillitatis incommodo, teste Hor. in Art. Poët. in vitium libertas excidit & vim Dignam lege regi: introducti sunt Satyri, qui tactis propriis hominum nominibus, eorum mores & vitia traducerent. Quum autem id sensim facerent, quam par est, licentius ac mordacius, Satyra quoque odio haberi cepit: ut potius nomen maledicium: vitiorum acerbe castigantium.

Ideo Poeta mallet, ne lectores acerbitate nominis territi aufugiant, maluit sermones, quam Satyras appellare; inquit Ascens. in Serm. Horatii explan. ubi subdit: Sermo autem dicitur; eo quod feratur inter duos, aut plures vicissim loquentes. Tunc enim dicitur sermo, quando ad presentes loquimur. Acron vero hujus nominis causam hanc assignat: quia Horatius vili potius sermone, quam summi confecti. Duplex autem hæc de causâ hi Sermones vocantur, cum quod ad presentes habiti sunt, salutem majorem ex parte, tum quod vili sermone confecti sunt. Nemini ergo debent metum ullum, aut ullam maledictiæ suspicionem injicere.

SERMO PRIMUS.

3

Quantum est exiguis in viribus, inque iuvandi
Antiquo studio, custodem denique qualis-
Cunque sit, hoc illis statui donare libello;
Qui si non renuent aurem præbere, moncbit
Officii quemcunque sui, seu destinet ille
Arma sequi, malit seu Palladis alter in arte
Sistere: sive togæ vocet hunc illustre Latinæ
Munus, sive illum in foedus sociale Hymenæus.
Hæc est, inclyte Vir, nostri farrago libelli,
Si pauca excipias conficta exempla docendi
Virtutem causâ, quædam & narrata, mihi quæ
Evenere, putem nec amicis noscere vanum.

Ergo qui multum me diligis, inque virorum
Illustrem admittis coetum doctamque coronam,
Aurea qui lati veniunt in tecta frequenter,
Et venerantur Herum clarum virtutibus æque,
Artibus ingenuis, atque omni indagine rerum:
Ergo, inquam, quo me vultu dextraque benigna
Excipis, hisce meum ne dedignere libellum
Excipere: invenies etenim te plurima digna:
Scilicet ore tuo sapienter dicta, mihi que
Lecta velut gemmas, sed clausas vile metallo.
Non tamen ex illo, quo sunt arma: monere
Hoc iterum præstat: nam si cortantis ad instar
Quandoque exagitor, circum ficta oppida pugno.
Nullus homo est Bassus, nullus Sanctonicus, aut qui
Nomen habet simile: ille est puta superbia, falsa hic
Religio, nemo contra non iret utramque.
Armatus, nemo reprehenderet æquus euntem.

A 2

At

a Vid. Sermones libri primi.

b Vid. Sermones lib. 2.

c Vid. Sermones ultimos lib. 3.

d Singulis Mercurii diebus multi illustres & docti Viri in ejus palatium conveniunt, ubi erudite & sapienter de præclaris quibusque artibus, ut sese of-

fert occasio, disputant. Idem fit apud March. Lucatelli veterem auctoris amicum, singulis diebus Lunæ, idemque diebus aliis apud alios Illustres Viros Urbis.

e Vid. Serm. 3. lib. 3.

f Vid. Serm. 8. lib. 2.

At furor est hominem signato nomine lingua
 Figere, & opprobriis media prostrernere arena.
 Nam præbent aconitum pro medicamine diræ,^a
 Et vitio majore minus curare laborant.
 Quanquam quos homines, quanta virtute & honore
 Claros interdum aggrediuntur, & illita felle
 Spicula vipereo jaciunt! sed in axe sereno
 Clara micant, & progrediuntur Sidera, quidquid
 Raræ atro ex limo foedaque palude coaxent.
 Laus est magna penes sapientes, indiciumque
 Claræ virtutis sese tollentis in altum,
 Invidia & probrum; recidunt, vertuntque profundum
 Uulnus in auctorem, cruciantque domestica monstra.
 Nam qui carnificem ignoti, restimque timendam
 Vitant, semper habent in amaro pectore testem,
 Qui cogit sceleris longas expendere poenas.
 Vidi ego febre senem properantem ad limina lethi,
 Altum & moerentem, quod semper adesset imago
 Dirarum^a, quas condiderat juvenilibus annis,
 Nec magis admisso miserangebatur ab ullo.
 Ecquis enim, lacrimans aiebat, vulnere per me
 Inflicta haud paucis curavit? nam maledictis
 Nil citius volat, excipiturque libentius; avo
 Scripta manent, unoque oritur numerosa propago
 Nata in perniciem multorum, & plena veneno.
 Læsi hos, tutari quos virtus atque potestas
 Contra debuerat furiosi militis arma.
 Hos, inquam, illæsus læsi, sum aggressus & ultro.
 Heu quæ me miserum lacrimæ, quæ vota piabant
 Hoc scelere! Hæc contra nitebar, & apta timorem
 Pellere, quæ poteram, dicebam; sed fuit anceps
 Exitus, hocque super mihi nunc spes plena timore est;
 Namque ratem a portu novus æstus agebat in altum.

Hinc

^a Videlicet Saryæ.

SERMO PRIMUS.

5

Hinc semper cavi, si quem fortasse canino
Rictu adolescentem novi, ne limen iniret
Pieridum, aut plusquam versum unum conderet, huncque
De variis hominum officiis & mutuo amore,
Quo sese amplecti naturæ lex jubet, & quem
Ipsarum edocuit durissima corda ferarum.
Non laceratur enim tigris a tigre, ursus ab urso.
Ergo feris homines pudeat didicisse magistris.
Quantum his consilio, quantum ratione supersunt,
Tantum odii præcant, tantum moderamine & iræ.

Permissum est Satyræ genus unum scribere, mentem
Arrigat urtica quisquis mordetur ab illa.
Namque operis magnum est exemplar, & optimus auctor,
Et major Juvenale, auctore & quolibet auctore
Ætatis^a: stilo hic tenui nitidoque juvenat
Gesta suæ scripsit. Scripsit sua furta suamque
Perfidiam: stultos non dissimulavit amores,
Non odia & rixas & quæque pudenda patravit.
In se ipsum invehitur, fremit, urget, se premit unum,
Et socios scelerum queritur, non indicat ullum.
Augustine, sequi tua si vestigia quisquam
Audet, & ulcisci sua coram admissa fatendo,
Plaudemus, quod nostra quoque Heroes ferat ætas,
Et peccati odio superari posse pudorem
Nunc quoque demonstret, vulgi & dicteria vinci.
Quod si nemo viget tam forti pectore,^b saltem
Hoc ab eo petimus, ne crimina fingat, iisque
Ustulet ora Viris illustribus, aut manifestet
Clam commissa: bonum namque est pretiosius auro
Nomen, & integræ sunt jura facerrima fama.

SER-

^a S. Augustinus.

^b Ut verecundius de se omnes scribant necesse est, si quid est laudandum, & prætercant, si quid reprehendendum est. Accedit etiam, ut minor sit fides,

minor auctoritas. Cic. ad Lucej. fam. l. 5.
Et Arist. apud Laert. lib. 5. cap. 1. Nemo de se debet prædicare vel in laudem, vel in vituperium.

SERMO SECUNDUS.

*Fausto ingenuo adolescenti absolutis studiis ex collegio
discedenti dat varia monita.*



AUSTE, mihi a teneris genitor
quem credidit annis
Formandum studiis & mori-
bus, hæc quoque dicta
Accipe quondam a te poscen-
tis plura magistri,
Munere nunc solum veri fun-
gentis amici.
Tempora prætereunt : nonus
jam labitur annus,

Auges quo modicum numerum dignissimus unus
Nostrorum juvenum. Jam cunctæ Palladis artes,
Jam rerum secreta tibi patuere resecta
Hinc Peripatetica, sed clarius inde lucerna
Democriti. Tandem quod votis sæpe petisti,
Liberioris iter vitæ patulosque penates
Ingredieris, dominusque tui rerumque tuarum.
Nil tibi præteritis de moribus objicio, nil
De studiis: etenim præter magnam ingenii vim,
Patria quam virtus dedit & tibi sidus amicum
Nascenti, assiduum facilisque volensque laborem
Palladia nulli cedens in laude tulisti.
Adde, quod ingenti Divorum munere fictus
Es meliore luto; vidi urbanumque probumque:
Vidi, jam fatear, vultuque habituque modestum
Corporis: auctor erat puræ Deus incola mentis
Harum virtutum, sed cultor sedulus ille,
Ille, tuo lateri qui affixus qualibet hora
Hæsit nunc tristi, læta nunc fronte monendo

Te

SERMO SECUNDUS.

7

Te quid erat dignum vitatu, quidve petitu.

Sed nunc liber abis & nostra lege solutus

In mare præruptum: facili sine cortice nare

Incipies: age, FAUSTE, manu bene nitere utraque,

Nitere, FAUSTE, utroque pede, omnes exere vires:

Namque altus gurgis, quem tranas, sunt vada multa,

Inque volutata circum furit æstus arena.

Si rapit absorptum dubiæ semel impetus undæ,

Nequicquam clamabis; eo nam litore rarus

Vir bonus appellit, digitos supponere mento

Qui possit gelidoque ori, quod plurimus imber

Jam subeat; comitum ridebit cetera turba,

Et te forte mori tacitum quis coget. Aquæ fons

Regis in æde fuit, fontis sed pervius usus

Omnibus: accedunt æstumque sitimque molestant

Forte levaturi complures, quos nec honestas,

Nec ratio, sed aquæ conjunxerat una cupido.

Ut grex, quem multo vexavit Sirius igne,

Fontem obsederunt facto velut agmine, turbam

Præter & urgentem, caput uni pondus adauxit,

Labitur & præceps. Risum per longa volutant

Atria crudeles socii, bibit auribus ille,

Naribus ille miser bibit & clamore dehiscit

Horrifico. Pransum regem tunc somnus habebat.

Ecce autem minitans resupino mystace & hasta

Helvetius laxus braccas, croceusque ruberque

Apparet, fugiunt risores, solus in unda

Qui superârat, opem poscit. Quis crederet? olli,

Sponte, inquit licetor, tacitusque illabere fundo,

Aut cogam: domini jubet alta silentia somnus.

Mergitur infelix, victoque ut ab hoste redisset,

Tranquilla ad valvas accensus fronte resedit.

Rides? At caveas aliquo ne tempore de te:

Paucis historiam mutatis fama loquatur,

Exem-

Exemploque tuo fieri posse omnia credas.
 Urget præcipitem momento temporis uno
 Sæpe bonum comes improbus, exultatque ruina.

Quos igitur fugias homines sermone docebo
 Te facili atque brevi. Delectant otia multos,
 Qui sola tentant operosi plurima lingua,
 Sive ubi sollicito potatur calda ministro,
 Sive ubi densum humeris cogunt spectacula vulgus.
 Omnia magnarum norunt secreta domorum,
 Norunt, quem renuit trepidans Babylonia regem,
 Quid Mofchi, quid Thraces agant: tamen ignorant se,
 Quamque domus fragili sua sit tibicine fulta.
 Garrulitas ridenda, sed est metuenda, minores
 Quæ ferit & magnos nullo discrimine lingua.
 Quisquis nunquam habitat secum, sed semper ubique est,
 Fœnum habet in cornu, longe fuge, FAUSTE; dicacis
 Fama nocet, nullum secretum creditur illi,
 Qui plenus rimis ex omni parte fatiscit.

Sed non tota mali summa est in vortice linguæ:
 Sunt alii, quibus officiunt magis ocia, quique
 In pejora ruunt. Vinum, Venus, alea, morum
 Et pestes aliæ testes, quæ conficiunt rem
 Quamlibet ingentem quatuor, vel quinque kalendis.
 Sed quæ res periit, potis est fortuna referre,
 Jus habet in corpus nullum. Si decedit ævi
 Flos, teriturque vigor vel tota nocte choreas
 Quum ducunt, lætumque melos lugente pudore
 Solo, vel dubiis cœnis, vel fornice nigro...
 O ramosa lues Musæ reticenda pudicæ!
 Si vigor his, inquam, tentari cœperit, herbas
 Frustra contundet Glaphyrus, frustra papyrus
 Ambiguam inficiet longa ratione Galenus.
 Nec data cera Deos, nec picta tabella movebit,
 Qui sæpe indomitam pœna hac fixere juventam.

Novi

SERMO SECUNDUS.

9

Novi ego præclara ditique ex stirpe creatum
 Egregium forma juvenem cunctisque beatum
 Naturæ donis: pater hunc, licet unicus esset,
 Et matre invita dederat formare severo
 Nobis imperio: namque ingens spiritus olli
 Extulerat vanas & avita superbia cristas.
 Impatiens frangi duras traduxit apud nos
 Tres, quatuorve hiemes, ut equus, qui carcere clausus
 Plura loco ante fugam vestigia figit eodem,
 Et robusta premit, mordetque repagula. Tandem
 Erupit: finem expectas metamque laboris?
 Ex thermis Pauli quinto post mense mihi fit
 Obvius, apprenditque manum, dicitque salutem,
 Qua caret ipse: peto nomen; namque ossea dextra,
 Et turpes macie vultus, oculique madentes
 Imbre putri, vox & tussi interrupta frequenter
 Ignotum mi reddiderant. Multo ora pudore
 Suffusus, vestris nunquam ô de sedibus, inquit,
 Gressum amovissem. Petimus nocitura, datisque
 Largiter amentes fruimur, lætique venenum
 Haustu avido bibimus. Nec plura loquutus abivit
 Gressu incerto, obiitque diem vix mense peracto.
 Hoc tibi de folio recitatum crede Sybillæ
 Exemplum. Miseri taceo nomenque genusque;
 Nil prodesse tibi, sed multum cetera possunt.

Si noctu vigilare lubet, patet Alphefiboei
 Musarumque domus: si forte pericula mavis
 Evitare, parant tenebræ quæ plura per urbem
 Noctivagis, pluteumque tuum librosque recentes,
 Quorum non parva est tibi copia, consule solus.
 Consule & antiquos, nec profecisse putato

B

Te

a Nomen Arcadicum Clarissimi Viri | Generalis Custos, & Pater Arcadiæ.
 Marii Crescimbenii, cujus ædes perpe- | Frater ejus Philippus C.R. Scholar-Piar.
 tuo literatis omnibus patuerunt. Fuit | floruit & ipse non mediocri literatura.

Te quidquam, nisi quæ sunt iacta minoribus annis
 Semina virtutum recolas, durusque labores
 Maturam in frugem deducere, quæ nisi canis
 Non datur: omnis enim juvenum sapientia flos est
 Herbaque *, quam totam siccus depascitur annus.

Sed jam liberius tecum loquar: ingenua non
 Contentus forma mihi sæpe es vergere visus
 In luxum, quanquam simulaveris. Indolis hujus
 Invenies alios, quorum est perfriktus in ore
 Jam pudor: hos inter si fluxeris, hoc ego de te
 Suspikor, hoc metuo, ne tortis arte capillis
 Et gravis unguento, (caput hoc juro, allia malle
 Olfaceres ^b) speculi censura comulus, atque
 Ornatus mulier bis captæ more Lacanæ
 Occurras quandoque mihi: non larva, nec atri
 Me Lemuris facies offendet acerbius. Ista
 Non uno servo contenta est forma, nec uno
 Curru: sunt Phrygiæ vestes & galbana rafa
 Et gemmæ digitis, & apex quærendus & aurum
 Pileolo: bibulæ sua sunt munuscula danda
 Albina; nec enim caret hoc cacoëthes amore:
 Danda est & famulis creberrima sportula avaris,
 Ne te abigant: vivunt nam sapius ære clientis,
 Quam dominæ. Sed qua tibi tanta pecunia vena,
 FAUSTE, fluet? Meus, inquis, habet ditissimus agri
 Quadringenta ^c pater. Brevis est & fabula pulchra,
 Quæ modo mihi subiit. Torquebat solis ab ortu

Ad

a Adolescentia significat fructus futuros: reliqua tempora demetendis fructibus, aut percipiendis sunt accommodata. Cat. Mij.

b Ejusmodi objurgatione adolescentem unguentis delibutum castigatum fuisse a Vespasiano, ac petitione magistratus frustratum tradit Suet. in ejus vit.

Nihil enim est aut nequius, aut turpius effaminato viro. Cic. 3. Tule.

c Age dic: daves veniam rogo tuo, si quum obsonia plus aquo falsa daret, diceret sibi copiam falsis esse? Inquiebat Zenon Cirtius ad similem responsum. Laert. lib. 7. cap. 1.

Quadringenta autem sestertia erant pro-

pto-

Ad noctem multam funem post terga relictum
Ocnus arundinibus teneris juncoque palustri.
Sed quid? ut assidui studiumque laborque diei
Cessârat, nil funis erat; nam turpis asellus
Post tergum domini tantundem funis edebat;
Aversis oculis quantundem torserat ille.

Agri dives erat juncique uberrimus Ocnus,
Illi sed deerat, quo fune ligaret asellum.
Tu cave, post patrem post funem tertius unquam
In scenam venias, fieres nam fabula tota.

Plura forent dictis addenda, sed imminet umbra
Jam major, currusque vocat, qui te feret Albam,
Placat ubi genios in aprico rure soluta
Roma foro & studiis autumnus læta reducto.
Innuat impatiens en virga mulio, eundum est;
FAUSTE, vale: te forte sequar vice functus & ipse
Post aliquot soles. Jucundæ in collibus Albæ,
Aut in Aricino dicam tibi cetera clivo.
Interea recoles, quæ dixi stans pede in uno
Pauca hodie; sed multa satis servare volenti.



proventus annuus, seu census Dignitatis Equestris. Qui enim ad ejusmodi summam pervenissent Tiberii Neronis edito inter Equites Romanos numerabantur. Is etiam constituit, ne cui jus esset gestandi aurei annuli, & sedendi in theatro Lege Julia in quatuordecim

Ordinibus, nisi cui ingenuo ipsi patre avoque paterno sestertia quadringenta census fuissent. Vid. Plin. lib. 33. cap. 2. 400. vero sestertia respondent summæ circiter 10000. nummum hodiern. Monet. Rom. Librarum vero Gallicar. circiter 50000.

SERMO TERTIUS.

*Pergens Fausto dare monita, hortatur ad colendam Religio-
nem, deterret ab ambitione, excitat ad studium Jurispru-
dentia, & ad ineundam gratiam Potentiorum, cujus ca-
ptanda & conservanda modum docet.*



ALVE, FAUSTE, iterum: specus
hic, nisi fallimur, ille est,
Qui dedit Umbricio sedem,
quum fessus in Urbe
Vivere iter Cumas propera-
ret, remque domumque
Totam una veheret rheda, ca-
roque sodali
Ultima verba daret ^a. Non
est Urbs alta Quirini,

Vivis qualis erat Juvenalibus, Umbriciisque.
Artibus ingenuis locus est, sunt multa laborum
Emolumenta. Thorum quoniam facit herba, fluitque
Hinc fons ingenuo topho (nam marmora prisca
Trivit longa dies) patet inde virentibus agris
Fertilis Ægeriæ vallis, sedeamus, & audi
Quæ tibi ab incepto Romæ sermone supersunt.

Multis Umbricius causis, quas tristis Aquinas
Sæpe tibi attonito numeravit, abibat ab Urbe:
Multis te causis hortabor in Urbe morari.
Religio mores mutavit, & omnia Sancti
Principis exemplo nota & virtute reguntur.
Non impune datum est peccare, aut nectere fraudes.
Crede; locus meritis non ullus apertior Urbe
Roma, non ullus Roma est doctisque probisque
Utilior: quicumque sacram diætaria in Urbem

Jactat

^a Vide Juven. Sat. 3.

Jactat mente furens, aut Romæ non fuit unquam,
Aut admisit ibi, quibus illam tenuit & odit.
Nam peccatur, ubi nebulo coit unus & alter,
Quos si quis veniat Cato, tristi dissipat ore. ^a

Te primo docui sermone quid evitares;
Attentum hoc breviter, quæ sint facienda, monebo.
Ordinar a sacris ^b: namque hinc incœpta petuntur
Quælibet, huc redeunt. Divinis rebus adesto,
FAUSTE, libens, jugique Deum pietate manumque
Purus adorato: crede hinc faustumque futurum
Et felix, animo votum quodcumque movebis.
Fortunæ Deus est rector, moderator honorum,
Auctor opum; si quis quidquam desiderat horum,
Huc adeat, vel si demens aliunde requirit,
Probrum pro titulis poenam pro munere poscet. ^c

Ambitione nihil tenebroso erupit ab Orco
Turpius in terras, nil sævius. Illa verendam
Fallit amicitiam, socium foeda arte ab honore
Dejicere aggreditur, rapit haud concessa favori
Munera, vim tentat, sancti convellit & æqui
Leges: quid tandem linquit mala pestis inausum,
Quæ patre calcato solium conscendere suasit? ^c
Non hac, FAUSTE, via, non his anfractibus ibis
Ad trabeas æque Superis invisus & inis.
Votis pone modum, de te nil grande tuisque
Coram aliis narra, tacito nec pectore senti.
Sola meret dominos divina modestia Fasces,
Solaque contemnit, dura quum sorte negantur.
De te, quod non sis evectus honore, queretur

Ne-

^a Comcedi nescio quid turpe populo
exhibitori, audito Catonis in theatrum
adventu, omnes aufugerunt.

^b Prima officia Diis immortalibus
debentur. Cic. 1. Offic.

^c Tullia Ser. Tullii filia, uxor Tan-

quini Super. regium solium aditura con-
specto in via patris necati cadavere, au-
rigam ejus reverentia lora retorquen-
tem compulit, ut per medium patris
cadaver carpentum ageret.

Nemo, ferent omnes, si non merearis, acerbe.

De studiis age quod superest, quodque utile Romæ
 Censeo præ cunctis. Dat Justinianus honores,
 Auget opes idem. Jus anceps nosce, & agendis
 Causis verba para Baldi mentemque profundam.
 Jure domus sua cuique, suus servatur agellus,
 Jure greges, tabulis res jure relicta supremis:^a
 Jus fontes damnat, delatos crimine falso
 Absolvit, populos pariter regesque gubernat.
 Uno quaque loco, modicis ars quaque tenetur
 Limitibus, potis est quia duci vita sine illa:
 Omnibus una locis omnique scientia juris
 Tempore consulitur: labefactat omiſſa potentes
 Urbes, communis vitæ sacra vincula solvit.^b
 Adde, palatinis tibi quod nascentur in hortis
 Forte brevi violæ, quas mite Favonius aura
 Nutriet, ut sancte commissas rexeris urbes,
 Atque tuis oculis causas inspexeris æquum
 Judicium dicturus. Opem dabit unica legum
 Norma, fidem nulli potiore tutus habebis;
 Namque carent odio leges, nec amore moventur:
 Res & gesta sacra pendunt in lance, nec aurum
 Croci, nec vultum formæque Lycoridis ardent.

Sed quoniam novus es, nec sæva pericula nosti
 Incustoditæ minitantiæ ubique juventæ;
 Fabor in aure aliquid. Veniet tibi siqua Lycoris
 Obvia, siqua tibi juvenum de more placebit,
 Mollibus & verbis ea mollia verba vicissim
 Reddet, & absentem propter palleſcet uterque:

Heu

^a Nihil est in civitate tam diligenter
 retinendum, quam ius civile. Etenim
 hoc sublato nihil est, quare exploratum
 cuiquam possit esse, quid suum, aut quid
 alienum sit. Cic. pro Cæcin.

^b Qui ius civile contemnendum pu-
 tat, is vincula revellit non modo judi-
 ciorum, sed etiam utilitatis vitæque
 communis. Idem ibid.

Heu mihi! de FAUSTO, de jure & legibus actum est.

Namque solet curas alias sua cuique Lycoris

Excutere, & dominans se sufficit omnibus unam. ^a

Hos, FAUSTE, occurfus fugies cane pejus & angue:

Illud enim bibitur solis quandoque venenum

Luminibus ^b, pectusque subit, populatur & artus.

Rectius invises Proceres, sacrique Senatus

Purpureos Patres integræ exempla datuos

Vitæ, & aperturos aditum studiisque bonisque

Artibus. Horum aliquem totis tibi viribus opta

Fautorem: sanguis tibi primus honestaque fornix ^c

Amplum iter expedient, sanctum & penetrabile recludent,

Deinde probi mores, oculi non cuncta videre

Proni, parca manus gestu, sermonibus apta

Lingua, tacere potens, donec te jussit ille

Respondere. Fidem dictis servare memento

Perpetuam: tibi non mentiri impune liceret. ^d

Illius arcanum nunquam scrutaberis, & si

Quod tibi committet, secreto in pectore condes,

Non commendabis, nisi quem bene noveris intus,

Quique sua possit vita tua dicta tueri.

Nullius mores, nullius facta reprendes,

Præcipue Procerum. Imberbi censore quid usquam est

Intolerabilius? Longo nil tempore posces,

Nec nisi quum multis adiget te dicere, siquid

Sive tuis opus est inceptis, sive tuorum.

Hoc caput est: breviter dices, qua parte laboras,

Quaque tibi primum possit succurrere verbis:

Ce-

^a Nam fure amoris nihil est vehementius. Auth. quibus modis Nat. eff. leg. §. Novimus.

^b Oculi sunt tota nostra luxuria: hi nos in omnia quotidie vitia præcipitantes, mirantur, adstant, concupiscunt. Quint. in Declam.

Ut vidi, ut perii, ut me malus obstitit error. Virg. Ecl. 8.

^c Liberalitates commendatoria ad nationes omnes Epistola. Ex Arist. ap. Stob. Serm. 63.

^d Plurimos læsere, pessum imo dedere mendacia. Næt. Jamb.

Cetera sponte feret. Non aulam creber adibis,
 Non rarus nimium; hac ratione ignotus & illa
 Contentus fieres. Sed quem video advenientem?
 Non fallor, jam noster adest TENCINUS^a, & illum
 Umbella nosco rubra rubroque galero
 Et veste & numero fervorum: huc advenit Alba
 Passibus incedens lentis; mora nulla, venito,
 Occurramus: eo nihil est humanius usquam,
 Nil generosius. Hisce fides est proxima dictis.

SERMO QUARTUS.

*Adolescentem philosophicis rebus plus aequo addictum hortatur,
 ut mentem vertat ad salubriorem meditationem.*



ARTESJ de mente mihi sen-
 tentia^b certa est
 Exemplo, DIODORE, tuo:
 nam mens tua semper
 Cogitat, inque ipso vigilans
 fugit otia somno.
 Nocte dieque sophos volvis,
 priscisque recentes
 Componens fatagis verum re-
 perire: quibusdam at

In rebus latuit semper, semperque latebit.^c
 Non mihi sunt anni Priami, vel Nestoris, inter
 Versor adhuc quintam decadem, vidique sophiam
 Ter mutare vices. Priscum systema recessit

Adve-

^a Eminentissimus Cardinalis de Tencin
 Archiepiscopus Lugd. Galliar. Primas,
 Regis Christianiss. Legatus apud San-
 ctam Sedem.

^b Cogitatio a me divelli nequit. Si
 cessarem ab omni cogitatione, illicitum esse

desinerem... sum igitur precise res co-
 gitans. Cart. Medit. 2.

^c Antiqua est querela a Democrito
 ad nos usque pervagata, physicarum re-
 rum veritatem in puteo trusim delite-
 scere.

Adveniente novo, quod erit vetus, ut volet alter
 Neutonus, vel Lebnitius Si nil magis unum est
 Quam verum, cur multa animos sententia versat?
 Cur tot tam multis fervent certamina seclis?
 Ut quo torqueris *, studium moderatius optes,
 Atque ex incertis discas emergere, res &
 Discere vitæ aptas ducendæ, & quærere mores.
 Hæc hominem, DIODORÉ, decet meditatio, verum hæc
 Repperit, hæcque potis sola est præstare beatum.
 Utilitatis enim quid habebis, ut omnia nôris
 Naturæ secreta, atque unus feceris aurum,
 Naturæ si non Auctorem nôris, eique
 Parueris? Quid scire juvat num materies sit
 Composita ex atomis, aut postremo ex elemento,
 Si non perpendis dilabi quolibet in te
 Momento, celeremque suo minitare ruinam
 Pondere nil contra Libitinæ tela paranti
 Ex virtute, manet quæ sola in funeris hora?
 Immortalen animam centum rationibus, atque
 Priscorum sensu sapientum ostendere, doctum est:
 At nil deque domo deque hospite sollicitum esse,
 Illam qui excipiet digressam corpore, stultum.

At capit astrorum motus, phænomena, vel quæ
 Apparent cælo, vel quæ terraque marique,
 Explicat, & quales sint res quantæque minutim
 Pensat, & evolvit densa e caligine causas.
 Hoc bene, si juvenes doctura viam properaret
 Ticinum, aut Pisas: sed magnum portat in æquor
 Vasculum aquæ: nulla est quanquam indoctissima quondam
 Secretas inter mentes a corpore, quæ non

C

Præ-

a Sirenum nos exercet inertia . . .
 quod petis hic est. Hor. lib. 1. Ep. 11.

b. Id. ep. 3. Hoc opus, hoc studium
 parvi properemus & amplius,

Si patria volumus, si nobis vivere cari.
 c Virtus, integritas, probitas in bo-

mine, non lingue volubilitas, non ars,
 non scientia requiri solet. Cic. pro Planc.

Præcellat te notitia, primumque fopporum.
 Referet haud igitur num plurima sciveris, unum hoc
 Quæretur, fueritne tibi mens crimine pura.
 Notum ibi vel pueris plusquam experientia monstrat
 Cuiquam doctorum nunc pene magistra virorum.

Post as pneumaticum siphonesque, experiundum est
 Quid nostris solidum sit rebus, quid diuturnum.
 Omnia præcipitum labuntur ad instar aquarum.
 Sis mihi tu testis, ROMA inclyta, nam quod in Urbe
 Terrarum domina contingere cernimus, orbis
 Sentit idem totus. Mihi non evolvere mens est
 Secula prisca: etenim si quis fortasse rediret
 Cæsar, ubi sua tecta, suos ubi quæreret hortos,
 Balnea, naumachias, turres, templa, amphitheatra?
 Rudera nil præter pavidus spectaret in Urbe
 Non Urbem inveniens, non se, non ossa suorum.
 Haud ego bis decimo repetam quidquam altius anno:
 Imus ubi fuerant aedes, ubi sunt modo, nuper
 Ivimus: huc illuc subierunt marmora, turpes
 Asperapi ubi lateres faciem ostendere, platea
 Latior hæc, brevior facta illa est. Terra lapisque
 Mutatur: quid nos, sumus heu qui pulvis & umbra!

VERTICE jam quinto sedet Augustissima rerum
 Infula, quæ multos pro votis omnibus annos
 Infideat. Procerum quot funera vidimus, atque
 Florentum juvenum? nobiscum quique supersunt
 Seclo orti elapso, quam intra mutantur & extra?
 Vix sanum invenies: dolet hic podagra, dolet ille
 Asthmate, surdescent aliqui, multi sine vitro
 Haud noscunt passu distantem tertio amicum.
 Jam frontem sulcant rugæ, jam tempora circum
 Albescunt crines siccoque humore recedunt.

Quis

^a Nemini exploratum potest esse, quo modo habiturum sit corpus, non dico ad annum, sed ad vesperum. Cic. 1. de Finibus.

Quis curas animi quis acumina dixerit, aut quum
 Spes urget, timor angit, amor quicunque molestus
 Exagitat, pendet lis, agris grando minatur,
 Subter & uruntur miseras hypochondria costas?
 Annos adde decem: nostrum quot terra recondet,
 Vel quot eo spatium peplum lugubre notabit?
 Omnes ut vestes veterascimus: unus & idem
 Ipse es, magne Pater Superumque hominumque, tui nec
 Anni deficient post secula mille: ruina
 Urgetur quidquid non in te nititur uno.
 Proxima stultitiæ est hominum sapientia, soli
 Quæ satis una sibi est, & nomine gaudet inani.
 Qui sibi multa negat, quorum est brevis usus, & aurem
 Præbet consilii æquum suadentis amici,
 Sollicitus ne se facti ullius atque cupiti
 Poeniteat, toti præponimus hunc Peripato.
 Hic, DIODORE, sapit, oculos qui pandit egenti,
 Divitis a misero qui vim defendit avari,
 Nullum qui lædit, læsus qui parcit, & illam
 Non putat illuxisse diem sibi, qua bene non est
 De populo meritis, nullumque lucratus amicum.
 Utilius causas meditare serius horum,
 Quam fluxumque, saleumque maris, genescimque colorum.

^a Non sibi soli se natum homo memi-
 merit, sed patria, sed suis, ut perexi-
 gna pars illi relinquatur. Idem ibid.

^b Socratis omnis oratio & in virtute
 laudanda, & in omnibus hominibus ad
 virtutis studium cohortandis consume-
 batur, perfectum sibi opus esse ratus;

si quis satis esset concitatus sua cohor-
 tatione ad studium cognoscenda perci-
 piendaque virtutis. Quibus enim id
 persuasum esset, ut nihil mali se le-
 se, quam bonos viros, iis reliquam fa-
 cilis in esse doctrinam. Desid. Jacot. de
 Doctr. Philosophor. ex Cic.

SERMO QUINTUS.

Viro Patricio gratulatur non quod uxorem duxerit nobilem, pulchram, divitem; sed quod probam. Eum hortatur ad agenda viro digna, & ad imitanda exempla majorum suorum.



N priscis siquid sapienter Roma triumphis

Instituit, fuit ille, duci qui servus ovanti

Adstabat, monitusque dabat gestatus eodem

Curru, ne victor sibi plauderet, & populari

Inflatus nimium fortasse dehisceret aura.

Namque coronati postes, densæque fenestræ,
Et via testa croco, & cives e sedibus omnes
Effusi celso sublimes pegmate, misti
Vel populo ambiguo clamantes: jo triumphe
Certatim, sonitus fidium clangorque tubarum
Et plausu & lætis plena omnia vocibus ire
Transversum victorem agerent, facileque caducum
Sinciput afficerent subita vertigine, ni quis
Hunc prope mortalis naturæ testis adesset,
Qui tot læta inter fati meminisse doceret.

Adsum ego, MARCELLINE, tibi comes additus unus
Tot laudatores inter, qui certa monere
Ordiam, & prono populo contrarius ibo.
Iustar enim victoris ovās, veherisque per urbem

Aura-

a Imperatori triumphanti adstabat servus auream coronam gestans imminuentem capiti victoris; quod sic Juven. explicat Sat. 10.

Quippe tenet sudans hanc publicus,
& sibi Consul
Ne plaudat, curru servus portatur eodem.

Aurato curru, vehitur LUCRETIA ^a tecum,
 Vosque omnis tectis & agris effusa juvenus
 Turbaque miratur matrum: vos versibus astra
 Incomitis tollunt pueri super, atque puellæ:
 O digno conjuncta viro pulcherrima conjux! ^b
 O par, cui nullum Venus æquum junxit, & in quo
 Regna Cupido tenet, tota & vis fervet amoris!
 O... sed ego medius cœptos abrumpo triumphos:
 Nam pars una chori jure atque ex ordine canto,
 Non quæ qualiscunque mihi dictavit Apollo:
 Omnia namque novis solet indulgere maritis
 Ductus adulator, nec veris gaudia falsa
 Secernit, vitiis metuit nec prodere laudes.
 Me culpabit Hymen, solos qui admittit amores,
 Qui lususque jocosque procax & libera verba
 Et Fescenninos ^c in connubialia festa.
 Quid mihi cum nato Veneris Bacchique remoto
 Longe homini sacris ab talibus? Ille juventæ
 Sola voluptatis dulcissima pocula præbet,
 Ille suis facibus flammæ succendit in unum
 Corpus in ardentemque genas oculosque micantes:
 Quid multa? insanit. Nil mirum: nam quid amaret,
 Ni quod eum a puero fœdi docuere parentes?
 Non ita formabis, dederint quam Dî tibi prolem,
 MARCELLINE, tibi tua nec LUCRETIA solam
 Ob faciem, ob nigros oculos, ob labra placebit
 Purpurea: heu! veluti flos decidet ista venustas:
 Vultum ruga brevi, frontemque senilis arabit,
 Et tua quanquam aderit, sit ubi LUCRETIA quæres.

Quæ-

^a Nomen uxoris.

^b Talis est, qualem optat Juv. Sat. 6.

Sit *fermosa, decens, dives, facunda, vetustos*

Porticibus disponat avos, intactior omni

Crinibus effusus bellum dirimentem
Sabina.

^c Fescennini versus dicti a Fescennia urbe Etruriæ, vulgo Gallesæ, ut putant, cantari soliti in nuptiis, pleni erant omni obscenitate & probro.



Quæret idem de te, & mirabitur illa vicissim.
Non igitur quod sponsa pari formosa marito
Nupserit, aut grandi faciat te dote beatum
Judicio vulgi: non quod gradiatur amicta
Ornatus Argivæ Helenæ, collumque manusque
Sidera gemmarum vario splendore lacestat,
Vel quod ab Assaraco genus aut Antenore ducat,
Gratulor: hæc siquidem bona sunt communia multis,
Quæ animi dotes defunt moresque pudici.
Immo Threicio quæ Cressa puella tyranno
Nubit, habet pretiosa magis melioraque, sive
Naturam spectes, nam lecta e millibus una est;
Seu fortunam, auro nam Ganges ditat, Erythra
Gemmis & Xanthus Phrygianis vestibus: ultra
Nil habet, immo mali, quam dos, est portio major:
Quippe viro mala sponsa malo datur, unde propago
Deterior veniet. Sed abibam longius, ad te
Jam redeo, latorque, novelle marite, quod uxor
Orta domo magna, non ulli dote secunda,
Non ulli forma tibi cesserit: hæc tamen aucta
Tantis muneribus nullo sit turgida fastu,
Nullis fortunæ illecebris sit capta, nec ausa
Quidquam horum, peccant quæ magni sæpe penates.
Quin ea divitias, formam, genus, & quod amare
Suscipimus infani multaue extollere laude,
Despicit, una animi reputans bona, dotis & instar
Virtutem ostentans solam, referensque parentem
Moribus innocuis utrumque disertius, ipsa
Quam voce, incessu, præstantis imagine formæ.
Artes edidicit tenues monstrante severa
Matre, omnes arcente seris & veste cinædos.
Illa suas molli vestes intexuit auro,
Pinxit acu pallam, capitis redimicula nevit
Fila manu ducens subtilius arte Batava.

Artem

Artem at longe omnem divina modestia vincit.

Vive tui, sponse o felix, securus amoris;
Non hæc ornando capiti cirrisque ligandis
A quarta octavam famulas adhibebit ad horam,
Non hæc, moris ut est hodie, longa otia ducet
Inter amatores oculis subducta mariti:
Namque ubi sunt hodie prisca connubia seeli,
Cumque pudore fides sacri & reverentia ~~modi~~?
At tua semper erit tecum LUCRETIA, vel cum
Discedes peregre, te corde animoque sequetur
Clausa domi famulas inter, nunc pensa operamque
Distribuens, nunc thure lares geniosque vaporans,
Atque manus puras tollens felice mariti
Pro reditu, paribus quem votis ambo petetis.
Jussa dabis, conjux lætissima jussa facesset,
Nilque vetabis, opus nisi quod moderatius & rem
Curet utramque, potest si res non una videri
Horum, quos animus regit unus & una voluntas.

Prærit illa domi; tu publica munera obibis,
Consilioque reges urbem, patribusque præbis
Forti animo suadens leges servantur ut æqui,
Ut bona contineat pax & concordia cives,
Pareat & duro repressa licentia fræno.
Nam quibus assuesti juvenilibus artibus, ense
Ludrica vel tentans certamina, vel pede terram
Pulsans, atque viam faciens sine termino, agenſve
Aut Davum aut Pyrrhum toto plaudente theatro:
His, inquam nugis vale dic; jocularia & ista
Grandior abjicias: etenim quod comicus & quod
Saltator faciunt, vel quod mirmillo mariti
Non sunt patricii dignum decus. Haud nisi raro
Uttere; nempe domi quum res tibi facta forique,

Quum

^a Cum hujusmodi forte uxore dicebat alterum, quo ducitur, alterum, quo est-
Hipponax, duos dies esse jucundissimos: fertur. Apud Stob. Serm. 68.

Quum fuerit consultum agris pecudumque magistris,
Aut curis solves animum studiisque severis. ^a

Ne longum faciam, majorum exempla tuorum
Consule: nam piētos horum longo ordine vultus
Aspicias, & tecum muto licet orē loquentes
Hortantesque sequi, vel quos in rebus agendis
Rexit consiliū rara & sapientia, vel quos
Juvit natura. ^b causasque inquirere rerum.

Hi MARCELLINÆ gentis nomenque decusque
Excoluere, tuum facturi hac lege, propages
Ut famam gestis, moresque initeris avorum. ^b
Hoc age, MARCELLINE, viam virtutis apertam
Corripe: jam faciet pulchra te prole parentem,
Deque suis addet LUCRETIA moribus, & vos
Et vestros natos similes utrique parenti
Agnoscentque suos atavi, serique nepotes
Nati ad virtutem vestigia vestra sequentur.

SER-

^a Ludo & joco uti quidem licet, sed sic ut somno & quietibus, ceterisque quum gravibus seriisque rebus satisfecerimus. Cic. 1. Offic.

Nec luisse pudet, sed non incidere ludum. Hor. lib. 1. ep. 14.

^b Cur Allobrogis & magna gaudeat ara

Natus in Herculeo Fabius lare, si cupidus, si

Vanus & Euganea quantumvis molior agna,

Si tenei um attritus Casinenſi pumice lumbum

Squalentes traducit avos, emtorque veneni

Frangenda miseram sunſſas imagi-

ne gentem?

Tota licet veteres exornent undique cœta

Atria, nobilitas sola est atque unica virtus. . .

Esſo bonus miles, tutor bonus, arbi-ter idem

Integer: ambigua ſiquando citabere teſſis

Incertæque rei, Phalaris licet impetret, ut ſis

Falſus, & admoto dicteſ perſuria ſacro,

Summum crede neſas animam præſerre puſiori,

Et propter vitam vivendi perdere cauſas. Juven. Sat. 8.

SERMO SEXTUS.

*Adolescenti Militiam adire cupienti exponit belli incommoda .
Ne vero minus aque sentire videatur de arte nobilissima ,
subdit ejus decus & emolumenta .*



ESTES urbanas pertœsus & otia
paciſ

Ad Martemque ſagumque ruiſ,
MARCELLE, nec audiſ

Conſilium timidæ matris, nec
vota puellæ

Nobilis & pulchræ, qua te
cupit illa morari

Conjugium obſiciens properan-
ti. Tertius adſum

Hinc harum lacrimis accitus & inde rogatu
Sape tuo, tanquam gravis hæc nie judice cauſa
Sit dirimenda. Foret mihi ſi res integra, nec te
Ad bellum hortarer, nec acerbum matris inirem
Conſilium. Quid enim juveni ſit durius uſquam
Connubiale jugo? ^a Vitæ cum matre per annos
Pluſve minuſve decem ducendæ commoduſ eſſem
Suaſor utrique: nunc nam tardius illa volentem
Imperitare ^b, domum conduceret, ipſe pericliſ.
Liber ab innumeriſ tacite fieres vir, & aptuſ
Duro oneri proliſ formandæ moribuſ, atque
Rite domuſ moderandæ. Iſtæ ſententiæ ſi te

D

Com-

^a Plato l. 4. de leg. cenſet uxorem
non ducendam ante trigefimum annum.
Ariſt. 5. Polit. c. 16. non ante trigefimum
ſextum. Ea quippe ætate & corpꝯ ro-
buſtius eſt & conſtantior animuſ aprior-
que ad familiam adminiſtrandam. Quod
ſi juniores ſæva illa Veneriſ urtica mo-
rderit, nullum mea ſententiâ ſalu-

briuſ remediũ, quantum fieri poteſt
inter pareſ, celeri conjugio.

^b Antiquuſ poetam audiui ſcripſiſſe
in tragædia,

Mulierẽ duã pejoꝯeſſe, quam
unã. Plut. in Carcul.

Uno animo omneſ ſocruſ oderunt nu-
ruſ. Terent. in Hecy. t.

Commovit, verbum non amplius addo. Sed horrens
Te Bellona vocat: nosco vultumque oculosque:
Nam nutas, vocesque alias non percipis æquus.

I quo coepisti pede: demum non ita pessum
Bellatoribus omnia eunt, ut eos quoque nisu
Matrum nos lacrimis, nos & complexibus artēis
Dislineamus. Agros colit hic, nemus ille pererrat
Venator, multi cumulata mercibus æquor
Nave secant, multi variis sese artibus ortu
Præclari licet exercent: sed maxima turba est
Nobilium nata omnigenos haurire liquores,
Ludere, græcari large, dormire profundum,
Nil urbi præter numerum addere, demere fruges
Humano generi. Postremos odit & horret
Mater annans operum, primos non approbat. Ergo
Quid superest, quod agas? soli servire Minervæ
Non vis, nec mutos ævum inter ducere libros.
Macte animo, MARCELLE, bonas tibi suggerit artes
Mavors: miles eris, non qualis Homericus ille,
Uno qui cecidit pugno, terramque momordit:
Nec qualis Plautinus erat, quem risimus ambo
Altum in Phylacida * denso doctoque theatro,
Dum rueret, tereret, disperderet omnia verbis. ^b

Miles eris, bellumque tibi prius hoste movebis
Quolibet: est nam te tibi nemo infentior ipso.
Arma modumque dabit vincendi bellicus ardor:
Nam fauces veteri solitus recreare Falerno,
Placabis quandoque sitim vel flumine vivo,
Vel, stomachum cohibe, viridi spissaque lacuna.

Mol-

a Nomen Arcad. clariss. viri Francisci Laurentini Generalis Custodis Arcadiæ, cuius voce ac præceptis formati egregii adolescentes Plautinas comœdias solent doctè naviterque agere omnium doctorum virorum ac procerum

concurfu & plausu.

b Vid. apud Plaut. Militem gloriosum, cuius machæra

... misere gessit factum facere ex hostibus. in Prol.

Mollibus in plumis longo das lumina sonno:
Is sed erit brevior, quum lassus in aslere duro
Procumbes, gravido nutans aut vertice circum
Terga fugacis equi vice lecti mollis habebis.
Dulcisonos calamosque lyrasque in tympana rauca
Terribilesque tubas mutabis: ahenea pulehris
Induces facili pro murice tegmina membris.
Multa feres faciesque, gelu parieris & æstum,
Nec questus lacrimasve sines erumpere, quod Mars
Longis exciperet fannis altoque cacinno
Denique naturæ votis contrarius ibis:
Namque aliter non fit miles, MARCELLE, nec arma
Qui se non vicit, feret usquam victor in hostem.

Altera militiæ lex est, quam non violare
Bis licet ^a: hanc imis ante omnia fige medullis.
Parendum est ducis imperio quæcunque iubentis,
Aut amnis reperire vadum, aut transire natatu,
Aut penetrare hostis latebras, aut fallere silva.
Nunc primum hostilem per apertum invadere murum
Urbem, nunc agmen postremum claudere, contra
Tutarique sequentem hostem, nunc pulvere cœco
Surgit ubi nubes & densa cadavera plumbi
Fulmen sternit, eo suere atque lacerare mortem.

Hæc metuam? capitis mihi in urbe pericula cœtunt
Occurrunt paria, objecto terrore minora,
Damno eadem. Nam quid mors istac distat ab illa?
Num minus hic, dubia qui coena crudus obivit, ^b

D 2

Pu-

^a In bello errare bis non licet. Ex
adag. Nam capitalis est quolibet in du-
centi contumacia.

^b tremor inter vina subit, ca-
lidumque tridentem
Excussit e manibus, dentes eripere
recessi.
Uncta cadunt laxis tunc pulmenta-

via labris.

Hinc tuba, candela, tandemque bea-
tulus alio

Compositus lecto crassisque litatus
annona

In portam rigidos talces exponit.
Pers. Sat. 1.

Putrescit, quam qui tormenti glande petitus
 Extemplo rigit? num qui vino vel amore
 Fervidus a scivit sibi diram in pectore vulnus,
 Procumbit melius, quam qui mucrone vel hasta
 Pro rege aut patria certans definiit ævum?
 Causa necis laude hunc decorat, probro afficit illum.
 Confirmas igitur quo me terrere laboras.

Maeste animum, juvenis generose, haud te moror ultra.
 Imo gradum ut citius moveas; post aspera dura
 Omnia felicit tibi jam clarissima dicam.
 Præmia militiæ. Quacunque ex stirpe creatus
 Induit ut sagulum, genus exuit, atque aliquo esse
 Incipit in numero: vallum non litigat extra,
 Nec procul a castris: fit liber, & omnibus idem.
 Aut ultro colitur, castrensi aut veste timetur:
 Nam fit militibus quæcunque injuria, regem
 Lædit, & ultrices ciet omni ex parte cohortes.
 Urbe autem capta signisque ex hoste relatis
 Victor ut exultat, prædam dum vectat, opimas
 Et legit exuvias! illi par nulla voluptas.

Perge age jam mihi dic forti quis milite honoris
 Plus habet & lucri? nulla est domus ampla nec ullum
 Nobile ubique genus, cui non sua Stemmata^b primus
 Indiderit miles factis, umbone notato
 Clarus & induperatori delectus ad omne

Dis-

a Periculosa juvenis indolem descriptam habes uno versu ab Hor. l. i. epist. 1.

Invidus, iracundus, iners, vinosus, amator.

Sed Nemo adeo ferus est, ut non miterere possit.

Si modo cultura patientem præbeat aurem. Ibid.

b Multaque præterea sacris in possibus arma.

Captivi pendens currus curvæque secures.

Et crista capiti & portarum ingentia claustra.

Spiculaque clypeique creptæque rostra carinis. Virg. 7. Æn.

Hinc originem habuere Stemmata Nobilium, quibus multo plus affert dignitatis res militaris, quam juris civilis gloria. Cic. pro Muræna.

Discrimen belli. Quis agros atque oppida magnis
Obtinet titulis, quæ non & balthæus unctæ
Vel caligæ dederint? Bello ingens copia rerum
Nobilitasque venit. Tibi non aliunde vetusta
Fulget origo, tuis nec tanta accessio facta est
Rebus: utrumque atavis servare & reddere debes
Auctum postgenitis. Laus est exordia parvis
Ducere principiis. Partes ne posce tribuni
Primo aditu, meritis nec præmia quare priora,
Olim tyro fuit Pompej victor ^a, & orbis
Terror Alexander; nodosam vertice vitem
Et Marius fregit, quum pigra castra dolabra
Lentus muniret. Sed prisca hæc fulmina belli
Prætereo: Moschos ^b qui nostra ætate ab agrestibus
Ufu & more rudi claras traduxit ad artes,
Armis & nostris docuit certare modoque:
Ignotus princeps didicit navale Batavo
Fabrorum in numero duras agitare secures
Et terebras, pinis acta testudine costas
Innectens, sternensque humili tabulata carina:
Nec puduit juvenem pedites numerarier inter,
Et fossas aperire, & tympana tundere buxo.
Non hos tyrones, MARCELLE, Gradivus inani
Spe pascit; primi venient ad munera pili,
Atque olim tensa conducent agmina dextra.

Disce ubi vel densare manum, vel tendere cornu
Res poscat, rursus vel flectere; quæ juga turma
Utilius teneant, quæ valles, quo statuenda
Castra loco, qua parte dolos fugiasve struasve.
Disce quid addiderint antiquo tempora bello

No-

^a Julius Cæsar.

^b Petrus Alexiovitz dux Moscorum
par antiquis ac fortissimis quibusque

Imperatoribus. Vid. ejus vit. in list.
Acad. Reg. Scient. an. 1715. pag. 141.
edit. Amstelod.

Nostra, quid abstulerint *. Nam propugnacula & arma
 Olim poscebant majori robore membra,
 Majori nunc vi poscunt & acumine mentem.
 Eminus hic etenim pugnatur, cominus illic.
 Natura haud modico tibi robore membra creavit,
 Ornavitque animum meliori munere, magno
 Ingenio ^b, quo qui non pollet, inutilis arma
 Induit ad lixas mittendus onustaque plaustra.
 Est alias inter ars belli longa; Vegetj *
 Nostrorumque frequens præclara volumina versa:
 Pugna sed disces plus libris omnibus una. ^d



SER-

a Inventio pulveris pyrii & bellicorum tormentorum artem nullam valde immutavit, ut legentibus vitam v. g. C. Cæsar & Ludovici Magni patet.

b Illud ingenii magni est præcipere cogitatione futura, & aliquando ante constituere, quid accidere possit in usramque partem, & quid agendum sit, quum quid evenierit: nec committere aliquid, ut aliquando dicendum sit: non putaram. Hac sunt opera magni animi & excelsi & prudentia consilioque fidentis. Temere autem in acie versari, & manu cum hoste configere, immane quiddam & belluarum simile est: sed quum tempus necessitasque postulat, decertandum manu est, & mors servituti sursumdique anteponenda. Cic. 1. Offic.

c Legæ Vegetium lætis peruro & eloquentem ductorem veteris rei bellicæ: re-

centioris vero Errardum, Stevinum, Dogenium, Sardum, Marchium, Davillæum &c. in quibus artis militaris studiosus nihil desideret.

d Irridet eos Hor. qui se artem aliam scire putant sine praxi & exercitatione.

... Sapiens crepidas sibi nunquam Nec solas facit: sutor tamen est sapiens: quo?

Us quavis tacet Hermogenes, cantor tamen atque

Optimus est modulator, ut Alfenus vafer omni

Abjeto instrumento artis, clausaque taberna

Sutor erat: sapiens operis sic optimus omnis

Est opifex, sic rex solus. Vellunt tibi barbam

Lascivi pueri &c. l. 1. Sat. 3.

SERMO SEPTIMUS.

31

Narcissum Aulae famulatu initiatum hortatur, ut vana ornamenta deponat. Ostendit præter virtutes alias in Aula maxime necessariam esse patientiam. Studia & mores Aulicorum describit.



OSTQUAM quid faceres hæsi-
sti tempore longo,
Aulicola es tandem, NAR-
CISSE: recenter ab ore
Barba revulsa, comæ cinctino
& pulvere multo
Comtula, in obsequiis pronun-
ciat caput, & pede dextro
Urbane cedente retro, manus
utraq; blando

Ori admota, dein nobis porrecta beatis,
Et vestis, qualem Ganymedes gessit, & aurea
Pyxis Havauensi folio, vel cornea cæpa
Farta Argenteratensi, & glans balsamo Etrusco
Una, alia Hungaricæ Reginae plena liquore,
Horarumque index rutilans, pictumque flabellum,
Et reliqua, incedit qua vix Urania pompa,
Declarantque novum vitæ genus, & quod adisti
Urbanum munus. Sed si, NARCISSE, tulisti
Ambiguam præter nihil ista crepundia in Aulam,
Non tibi pro votis res cedit, erisque, quod olim
Illa fuit cornix, cui cum sorderet amictus
Ater, & horrentes rugoso in corpore plumæ,
Collegit plumas alias viridesque rubrasque
Et flavas glaucasque, caput tum versicolore

Crista

a Quum adolescens quidam contior,
ut Narcissus hic noster, Diogeni propo-
sisset quæstiunculam, Dic tu mihi prius,

inquit, utrum sis masculus, an femi-
na, Laert. l. 6.

Crista exornavit, stellato & syrmate caudam
 Pavonum in morem produxit, & addidit alis
 Eorū volucris spolia, & se denique forma
 Alitis ignotæ spectandam præbuit amplo
 Concilio volucrum. Primo est mirata caterva
 Prodigiosum animal non ullo tempore visum.
 Sed mox quum rauca cornicula voce salutem
 Dixit, aves fraudem novere, & psittacus alas
 Vellere, & auratam pavo discerpere caudam,
 Et reliquæ corpus nudare. Venuſta aliena
 Veste odium movit, propria turpiſſima riſum.

Quæ, NARCISSE, geris, tua non sunt, vel potius tu
 Non es, quæ geris. Ex alieno carpere laudem
 Atque timere, injustum est insanumque. Quis ergo es
 Detractis spoliis quærendum est atque putandum.
 Servitio Procerum nitidos sectaris honores,
 Magnorumque requiris opem validumque favorem.
 Consilium non damno, reat licet esse latentem
 In patriis laribus, privata aut qualibet æde
 Tranquillum tutumque magis, quam trudere se se
 Turbam hominum in mediam, crebro quos æstuat inter
 Invidia, ambitio, insatiabilis ardor habendi.
 Perge tamen, sed non tibi sit grave pauca monentem
 Auscultare. Meis nec enim sermonibus aures
 Nunc primum præbes: docui nam semina rerum
 Te, sparsique levi, ceu spargor & ipse farina
 Horum, inter cives quæ monstrant ducere vitam.

Rides, quum noster tibi Glabro sit obviuſ, ille
 Aulicola a puero Glabro, cui terga flagellat
 Fictitiæ pars una comæ, pars altera pectus,
 Utraque non molli non crispo facta capillo,
 Sed rigido & recto, caudæque simillima equinæ,
 Rara pilis, unum bis pectine tacta per annum,
 Crinibus Anchisæ confuta, aut Nestoris: ala

Imminet occipiti, claretque foramine multo
Pileus, & nostro non multum dispare forma.
Ad decus accedit capitis de gutture linum
Pendens & bifidum, nigrum quod longior usus
Fecit, & e gelido creberrima guttula naso.
Adde manus lotas solis quandoque kalendis,
Et coenum, veteri quod crassius hæsit alutæ,
Et plenas olido manicasque sinumque tabaccho.

Heus apage; hæc etenim movit mihi nauseam imago.
Cauponæ melius, quam Glabro serviat aulæ,
Inquis. At extremum Glabro luridus occupat unum,
Tu, NARCISSE, aliud. * Cauponæ convenit ille,
Tu scenæ: nam utrumque nitens mediocriter Aula
Respuit, hunc propter sordes, te propter odores.
Neuter captabit fortunæ munera: nam sit
Quamvis capta oculis, naso bene pollet acuto.
Hunc igitur propera muliebrem ponere mundum,
Orna animum virtute, & corpus veste virili,
Inde aliquid spera. Sed quâ virtute, requiris.
Dictis adde meis animum. Patientia primum
Est opus Aulicis, magna hinc patientia, demum
Aulicis opus est patientia maxima ^b. Noli ut
Verbosum ridere nimis: nihil est pleonasmî
Hoc sermone: imo hac nunc es formandus in arte,
Et debes audire iterum. Patientia primum
Est tibi opus, dominum seu spectas, sive sodales.
Pharmakon hoc summo cape mane, hoc vespere sero.

Visne, ut agas melius personam, hic experiamur?
Heus, NARCISSE. Vocat dominus, fuge, curre. Volastî
Quamlibet, argueris nimis esse moratus. At hoc, quod
Impero, fac citius. Rursum currisque facisque,

E

Len-

* Dum vivunt stulti vitia, in convivia currunt. Hor. l. 1. Sat. 2.

^b Aulicola interrogatus quomodo in

Aula profecisset, respondit: Injurias accipiendo, & gratias agendo. Sen.

Lentus es usque tamen. NARCISSE, venito. Tulisti
Factum opus. At quid id est operis? nihil hoc facit ad rem,
Vecors, in pedibus caput est tibi: te meliorem
Perge, voca; primus quicumque occurrerit, ille est.
NARCISSE. En revocat. Soso quid pronus in aurem
Dixisti? fateare: scio namque omnia. Forte ut
Dicere cœpisti causam, tibi terga repente
Vertit, & abrupto sermone minatur. Ad istac
Mussasti? periisse puta: scit enim omnia, & ultra.
NARCISSE. Ecce quater media te jam vocat hora:
Ne scapulis, ne fronte cave testeris, amaro
Siquid habes animo, nam trabs pariesque loquuntur,
Et tabulae & statuae: mutum preme corde dolorem,
Ique libens; semper latos ostendito vultus,
Dicito verba favis magis dulcia, poscito magnam
Erratis minimis veniam, sis denique ad omne
Imperium domini facilis, velut igne propinqua
Cera premi in cunctas, vertique parata figuras:
Nam non vitares funesta pericula vitrum.

At meus, inquis, herus non est his moribus: illo.
Nobilius nihil est, nihil est humanius usquam.
Donat saepe, jubet raro, cum nemine quidquam
Conqueritur; mihi quin oculo connivet amico,
Meque amat ante alios. Tibi cetera gratulor, ævum
Nam priscum tales dominos vix protulit: ast hoc
Postremum, NARCISSE, fides si certa fatenti est,
Non bene vertet. Heri primum testantur amorem,
Blanditias adhibent, dextra amplectuntur amica,
Ut sensim explorent animum moresque suorum:
Deinde ista siquid patet arte, quod ante latebat,
Illico friget amor, mellitis aspera verba
Succedunt, veræ & fictis amplexibus iræ.
Anne aliquid latitat, cujus te forte puderet,
Si notum fieret? veteri es bene notus amico:

Verum

Verum audi solus. Ludis, NARCISSE, bibisque,
Cetera scit quædam Phyllis, nisi nomine fallor,
Quam sæpe invisit, cui donas munera, propter
Quam tabescis. Ab hoc, fumi nihil igne vereris
Effluat ad dominum? lusor, potator, amator
Non poteris latuisse diu. At ludoque meroque
Jam dudum abstineo, nec certos exeo fines,
Aut in utroque modum: virtutem Phyllidis ipsa
Phyllide amo magis, atque ideo sine Phyllide possum
Vivere: quod rarum est nostram inter conditionem.
Qua mihi igitur culpa dominus succenseat? Ipsa hac,
Quod culpa caruisse putas: nam causa querendi est
Semper in arbitrio domini; reus est, domino qui
Non subito consentit. Aget, quod forte laboret
Mutare, & facti recidat ne dedecus in se,
In te ipsum vertet^a; quia peccat nemo potentum.
Ecquid ages, dicereve alieno errore gravatus,
Qui nescis, NARCISSE, tuos, renuisque moneri?
Hic labor, at muto quantuslibet ore ferendus.

Hoc quoque finge animo, quod magnis semper in Aulis
Evenit. Assiduus noctuque diuque secundo
Conclavi stabis, dominoque fideliter annis
Pluribus auscultabis anhelans muneris hujus,
Alteriusve vices. Veniet te junior alter,
Imberbis, sciulus, sibi fidentissimus, atque
Omnitenens, primoque loco statuetur, & illi
NARCISSUS plenus meritis canisque capillis
Serviet. O miserum, nitida qui fidit in Aula!
O tormentum ingens, sævum, crudele! dolebis,
Nec lamentari, tua nec producere jura
Fas erit: imo senex truderis ineptus in ædem
Aulicis miseris erectam in fine Suburræ,^b

E 2

Si

^a *Quidquid delirant reges, plectuntur Achivi.* Hor. l. i. ep. 2.

^b Ad templum Sancti Laurentii in Fonte.

Si nihil in feros loculis servaveris annos.

Hocne sapit stomacho ? tamen est glutire necesse.

Sunt hodie, NARCISSE, fenes rerum omnium egeni,

Queis hilaris nupsit prima fortuna juvena,

Quique potentis heri fuerant amor, atque voluptas.

Sic olim tumuit quadrupes phaleratus, & aurea

Mandit fræna, trahit nunc trito epirhedia collo.

Sed de cirratis jam sermo sodalibus esto :

Hinc etenim pariter tibi multa ferenda supersunt.

Ergo tibi, NARCISSE, oculo connivet amico,

Teque amat ante alios dominus. Seges ista futura est

Rixarum foecunda : movet nam filius albæ

Gallinæ invidiam, movet hæc terramque erebumque,

Ne fortuna diu tibi rideat : utque pudendum

Per latebras serpat vitium, primum esse susurrant

Te delatorem : frontem tibi nemo serenam

Ostendit, præsentem silent te protinus omnes.

Hic nixus cubito dormit, foede ille lacertos

Tendit hians, abeunt alii, duo crebra vicissim

Verba ferunt timidi, tendas ne proximus aures.

Peste laborantem certatim arcere videntur.

Os aperis, alius te scommate figit aperto,

Tecto alius jaculo mage vulnerat. Illa bilis

Si tibi movit, & incendit color igneus ora,

Rident, jucundam gaudentque reponere scenam.

Objurgas, centena tibi vox obstrepat auri

Acrior ; haud aliter quam quum latrat icta lycisca,

Undique concurrunt hirti, allatrantque molossi,

Mordentque, & præstat causam perdendo pacisci.

Nam si cum domino quereris, poscisque nocentes

Ad poenam, hunc circum cuncti velut agmine facto

Te contra pugnant, & veris falsa remissent,

Donec suspicio de te gravis insidet illi,

Quamque merent ipsi, tu poena dignus haberis.

I nunc,

I nunc, & sodes aliorum nomina defer.

Nil, miser, ergo tibi superest, nisi probra supino
Ore bibas, crudusque imo sub pectore condas,

Ingenui, sed non, inquis, tam turpia miscent
Jurgia; disceptant civiliter, & simulare

Consilium vultu noverunt. Hinc quoque ne te
Non facile expedias, vereor: nam liber & ultro
Candidus es, proprio res & cognomine dicis.

Vecordem dicis vecordem, fallere suetum

Dicis mendacem, gibbum, luscumque, glabrumque,

Quisquis ut est, quemcunque vocas. Non utitur Aula hæc
Nomenclatura; silet, aut virtutis amictu

Abcondit vitium. Vecordem, fallere suetum,

Prudentem dicit, cautumque, & monstra pusillis

Indigitat navis ^a. Sed adhuc enormius erras.

Care, tibi quisquis dixit, dextramqueprehendit;

Exultas, olim Pylades ut nactus Orestem:

Pandis ei subito secreta, omnique doces de

Vita, de studiis, fidibusque armisque, præisti

Queis omnes focios, æquavistique magistros.

Quas tribuis laudes tibi, libertasque loquendi

Dissidium parient plusquam civile: vocabit

Te quis Aristotelem, quis Ariona, vel quis Achillem.

Nobilia hæc sunt gibbo, luscoque, glabroque

Nomina, sed probrosa magis tibi dicta; resultant

Atria nam longo post hæc præconia risu.

Addunt judicium prudens, animique sagacis

Vim magnam, natumque novum gratantur Achatem

Cui-

^a — hunc varum dissortis crucibus, illum

Balbutis scaurum pravis saltum male talis.

Parcius hic vivit, frugi dicatur; ineptus

Et jactantior hic paulo est, concin-

nus amicis

Postulat ut videatur. At est truculentior, atque

Plus æquo liber, simplex fortisque habeatur:

Caldior est, acres inter numeretur Hor; l. 1. Sat. 3.

Cuilibet Æneæ; laudant secreta tenentem,
Solertemque virum, emissis hinc inde cachinnis.
Ni regis hic animi jamjam turgentis habenas,
Verum auscultabis velamine tu quoque demto.
Nam nihil ignosci sibi vult, qui garrit in omnes.

Fer, NARCISSE, alios: nullo patientia fructu
Uberiore viget. Pulcher te & turpis amabit,
Te doctusque indoctusque: omnes nam sibi plaudunt
Utlibet, idque audire pudet, quod non pudet esse,
Aut facere. Hinnit equus, bos mugit, cetera promunt
Bruta sonum, quoties locus & res poscit & hora.
Disce docendus adhuc quod monstrant bruta; silendum est,
Niquid habes melius verbis, atque oris hiatu.

At caveas, moneo, ne quum sincerior esse
Definis, assentere: etenim hoc est turpius illo.
Mi satis est, si non nebulonum more, bonorum
Traducis mores, & iniqua laude ruentes
Sponte sua in vitium veluti calcare perurges.
Audita virtute hilares ostendito vultus,
Aspectu vitii coram serpentis eosdem
Contrahe; nam verbis reprehendere munus & atas
Et pudor impediunt. Vitium magis ore silenti
Subtristisque premes, quam nos sermone, Deoque
Vindice demonstrato. Æquali est tanta potestas.

Aulicolam aut aliqui fortasse probumque piumque
Ridebunt. Fies ideo improbus? huic scopulo, omnes
Quo semper fatui pereunt, hærebis? at istam
Cur non cæsariem attondes, pompamque decusque
Foemineum, sapiens quod ridet quilibet? aut cur
Verborum effluvio differs opponere vallum,
Quum plures in te reprehendant hoc vitium, quam

Qui

^a In obsequio comitas adfit; assentatio vitiorum adjutus procul amoveatur, quæ non modo amico, sed ne libero quidem digna est. Cic. in Læl.

Qui te stulte ridiculum probitate putarent? ^a

Horum rumores facias uno asse minoris,
Nec cura, crepitent seu sursum, siue deorsum. ^b

Sola etenim probitas tibi conciliabit amorem,
Atque fidem domini: livorem vincet & astus;
Hosque prius, qui te riserunt, coget honorem
Ferre tibi, vacuumque caput nudare, tuisque
Plaudere si minus, at non obtrectare triumphis.

Cujus enim pectus non expugnabis honestis
Moribus, ingenuo vultu, sermone benigno,
Parco & prudenti, cuicunque favere parato,
Nulli animo nocuisse, omni procul ambitione,
Arte procul miseros homines spe pascere inani?

Eja agito, NARCISSE, viam percurrito apertam.
Si non pervenies ad rerum culmina, recte
Factorum capies ingentia præmia laudes,
Atque illam, imbuitur quæ nullo felle voluptas. ^c



SER-

^a Ceterum si te video celebrem secundum
dis vocibus vulgi, si te intrante cla-
mor, plausus, & pantomimica ornamen-
ta obstreperunt, si tota civitate te fe-
mina puerique laudaverint; quid ni
ego tui miserear, quum sciam, qua
via ad istum favorem ferat? Seneca.
Epist. 19.

^b Verba sunt pene ipsa Senecæ conte-
mentis ejusmodi nebulones.

^c Nunquam mehercule ego neque pe-
cunias, neque tella magnifica, neque
opes, neque imperia, neque eas, qui-
bus maxime adstricti sunt, voluptates
in bonis rebus esse numerandas duxi:
quippe cum viderem homines rebus his
circumfluentes, ea tamen desiderare
maxime, quibus abundarent. Cic.
in Parad.

SERMO OCTAVUS.

Quintum lucri cupidum hortatur ad amplectendas nobiles artes Architecturæ, Picturæ & Sculpturæ quarum Deum autorem esse demonstrat. Clementem XII. Pontificem Maximum bonarum artium fautorem & Urbis instauratorem laudat.



URSUM, QUINTE, petis qua
vitam præstat in arte
Ducere; sæpe datis ignoro mer-
cede quid addam
Consiliis. Nostras ad Musas
castra penumque
Vix hortor transferre: quid
has mihi consulis artes,
Inquis, quæ studio plerunque
coluntur inani?

Quid profunt Musæ, quid vestra poemata, nugæ?
Quis vatum locuples per carmina factus? amaram
Dant apiumque hederamque; quid hoc, ubi scissa lacerna
Admittit frigus, premit aut angusta domi res?

Hæc tu in tantorum conventu & luce virorum?
Os occlude, miser, ne te tuus indicet esse
Abderitanum ^a sermo. Nil deficit illi,
Qui nil optat; ^b habent Musas & carmina vates,
Id satis est, miseris non sunt satis omnia ^c avaris.

At miscere tibi quoniam libet utile dulci,
Ingenuoque homini dignam vis pergere ad artem:
Non longam ire viam jubeo: Capitolia votis

Ipsa

^a Abderitas populos Thraciæ stupori
mentis obnoxios fuisse tradit Cic. l. de
Nat. Deor.

^b Non esse cupidum pecunia est: non
esse emacem vestigal est; contentum

vero rebus suis esse, maxima sunt cer-
tissimaque divitia. Cic. in Parad.

^c Desunt inopia multa, avaritia &
omnia. Sen. ep. 168.

Ipſa tuis hodie ſunt reſpondere parata. *
Hunc teſtor florem juvenum, qui gnaviter artes
Exercent promuntque, quibus Deus auctor honores
Contulit ingentes, ingentia contulit omnis
Præmia conditio. Noſtris mentem arrige dictis:
Nam tua res agitur. Quid cauſæ dixeris eſſe,
Quinte, quod ad ſtudioſum pueri quum vique miniſque
Sint cogendi, ultro natura & ſponte feruntur
Ad pingendi artem ſculpendique ædificandique?

Aſpicias hos etenim cuneis parvaque ſecuri
Ligna parata focis turmatim ſcindere, vile
Cogere cæmentum, lapides veſtare, lutoque
Nunc vel in adiculam componere, nunc vel in hoſtem
Moliri oppoſitum vallum turrinque timentem
Vim zephyri: cultrix vel parvula turba Deorum
Templa facit, niveis ornatque altaria vittis.
Sæpe vides alios calamo, ſetiſve coactis
Nunc ſpumantis equi, nunc Thraciſ in arma ruentis
Effigiem formare: quod & riſu ora reſolvat,
Addunt inventiſ nova, vel jam fingere diſcunt
Naturæ maculas imitantes turpius: Aulo
Enormem appingunt naſum, Rutilaque tumentem
Amplificanc gibbum, Tuccam faciunt Polyphenum.
At quis non veteri lino, cretave ſequaci
Corpora noſtra puer, quæ non virguncula format,
Et locat in cunis, & parva in ſede reclinat?

Rides, Quinte? docent tamen hæc nos philoſophiam
Ludicra: nam pueri divina ab origine ſenſum

F

Ho-

a Tertio quoque anno nobilium artium architecturæ ſculpturæ & picturæ monumenta publice exponantur in Capitolio ad excitanda laude & præmiis juvenum ingenia, legata ad tam præclarum inſtitutum pecunia a

Clem. XI. Pont. Max. bonarum artium ſautore ac patrono. Habitus eſt hic ſermo in acad. ibi magnificentiffime celebrata an. 1732. coram Emmentiffimis S. R. E. Cardinalibus & ampliffimo conſeſſu ex omnibus Ordinibus.

Horum traxerunt operum, praxisque capacem. *

Artibus his usus Deus est, quum prodiit extra
 Se ipsum operans, artes has limo immiscuit udo,
 Ex quo constamus. Jussit natura creatrix
 Res causis prodire pares, similique moveri
 Indole. Quando igitur Deus est primordia rerum
 Aggressus, cuicumque locum signavit in orbe
 Æde velut magna: cælos ad fornicis instar
 Erexit duplici nitentes cardine, terras
 Libravit medias immobile fundamentum.
 A terris undas, & ab undis abscidit auras:
 Pars suprema Deos, volucres agitabilis aer,
 Terra feras cepit, ceperunt æquora pisces.
 Hinc omnis fabricæ ratioque ordoque domorum
 Doricus Etruscusque. Dehinc mirabile coepit
 Sculptor opus. Docilem fingens manus abdita limum
 Condidit humanos artus vultumque decorum,
 Ossaque cum nervis hærentia, cumque micanti
 Junctas arteria venas, tenuissima pellis:
 Quas tegit objectas oculis tamen atque videndas.
 Hoc primum est, opifex quod castigavit ad unguem,
 Hoc tibi, Praxiteles, tibi magne Lysippe, imitandum
 Hoc dedit exemplar fictor Deus ante Prometheum.

At quis sat digno celebrabit carmine, factò
 Quas veneres pictor divinus, quosque lepores
 Addidit? Ex auro flavos per terga capillos
 Demisit, candore eboris frontemque manusque
 Obduxit, pinxitque genas violisque rosisque,
 Jussit & ex oculis cælestibus æmula flammis
 Lumina succendi. Sed dixerit omnia nemo
 Ornamenta hominis: siquidem latet intus imago

Al-

* venerabile soli
 Sortiti ingenium, divinarumque ca-
 pacet,
 Atque exercendi capiendisque ar-

tibus apti,
 Sensum a cæsti demissu traximus arce,
 Cujus egens prona & terram spectan-
 tia, Juv. Sat. 15.

Altera nobilior, divæque simillima^a formæ,
Quam non nostræ artis, non nostri sanguinis edunt.
Hanc, Quinte, integritas, pudor hanc probitasque fidesque
Et veri decorat species & cultus honesti.
Illi nil humilis tellus, nil astra dederunt:
Est divina quidem, sed scripta in pulvere imago:
Quælibet aura nocet, delet fera quælibet illuc
Appulerit. Mentem cohibe, si forte tumescit,
Pelle voluptatem, nulla est fera sævior illis.

Ad rem propositam redeamus. Nos Deus esse
Artifices voluit; pueros infudit in ipsos
Nobilium species operum, quæ siquis inerti
Desidia liber primis tractabit ab annis,
Hunc olim divinum hominem fore nemo recuset,
Qui sit templa Diis positurus, tecta domosque
Magnificas homini, securas civibus arces:
Qui revocet, Libitina, tuis heroas ab urnis,
Et longum donet vitam producere in ævum
Marmore vel Phrygio, vel nobilis ære Corinthi:
Arbiter aut olim venturi temporis ante
Ora oculosque alta res in caligine mersas
Facunda exponat tabula. Vidi ora severi
Judicis, extremo qui tempore fasque nefasque
Discutiet: vidi mistum, aut vidisse putavi
Ingenti turbæ pavidum te, Quinte, sed ibam
Pone ego pallidior. Spectanda est tristis imago
In Vaticano: ^b sæpe huc te confer, ab illa
Et sapere, & mores componere disce per artes
Fidas virtutis comites vitæque magistras. ^c

F 2

Non

^a Quid parem Deo facit? animus, sed
hic rectus, bonus, magnus. Quid aliud
voces hunc, quam Deum in corpore hu-
mano hospitantem? Sen. ep. 3.

^b Judicium extremum in prospectu

aulæ Sixtinæ pictum ab immort. mem.
viro Mich. Ang. Bonarota.

^c Sicut initium adium est janua, sic
ad virtutem primus aditus est encyclo-
pædia. Phil. L. de Prof.

Non dum te ista movent? Superest ut, Quinte, videres
 In Capitolinis hodie quæ sedibus illas
 Gloria consequitur. Priscos ubi Roma triumphos
 Duxit, & extremæ cumulavit munera terræ,
 Hic artes omni potiores laude celebrat,
 Quæis delubra, domos, monimentaue cetera debet,
 Atque alias inter nitidum caput extulit urbes.
 Hic sua victori proponit præmia; quanquam
 Ipsa sit una sibi merces victoria & unum
 Munus honor. Quantam dant Lumina prima Senatus.
 Purpurei lucem! quantam qui Maximus orbem
 Divino regit imperio, paribusque tuetur
 Consiliis CLEMENS! In apricum, quod vetus atas
 Signorum obruerat, profert, molesque petitas
 Temporis insidiis operoso marmore fulcit,
 Ornat & arte pari: Divis nunc æde paranda,
 Nunc tabulis mentes acuitque, manusque potentum
 Fervidus artificum movet, & decora alta reformat
 Artibus ingenuis, præcæ non invida laudi.^a

Hæc legis, & cupidus famæ lucrique morâris?
 Eja age, consiliis quantocius utere, dumque
 Pono modum dictis, dubiæ tu ponito menti.

LIBER

^a En tibi inscriptio subiecta aræ statuz ei in Capitolio erectæ.

CLEMENTI. XII. PONT. MAX

OB. SENATUS. PRIVILEGIA. AMPLIFICATA

EXORNATAM. EDIFICIIS. URBEM

LAXATAS. AREAS

DIRECTAS. PROLATAS. STRATASQUE. VIAS

VETERA. SIGNA. MULTO. ÆRE. COMPARATA

IN. CAPITOLIUM. INVECTA. MAGNIFICEQUE. DISPOSITA

S. P. Q. R.

OPTIMO. ET. MUNIFICENTISSIMO. PRINCIPI

STATUAM. DECREVIT

A. S. C. L. DCCC. XXXIV.



LIBER SECUNDUS SERMO PRIMUS.

*Timet libro suo in lucem edito. Dicit se scribere ad erudiendam
juventutem exemplo P. Paulini, cujus orationes laudat. Poësi
unice intentos non probat, sed eam damtaxat tanquam orna-
mentum aliarum disciplinarum concedit.*



N, PAULINE, tibi promissus
sæpe libellus
Prodiit in lucem. Vidisti mem-
bra seorsum,
Nec corrugasti nares, veluti
tuus est mos
Ad tricas apinasque : at ju-
diciis instar amici
Feceris hoc, vereor : nam quam
mihi curta supellex

Sit, me non fugit : fateor noscoque salilli
Quantula sit mensura mei. Jam pagina discet

No-

a. Sunt apina tricaque, & siquid nullius momenti, dictæ ab his duobus op-
vilus istis. Mart. l. 14. ep. 1. nempe res | pidulis nullo negotio a Diomede eversis.

Nostra, quid interfit privata dicier auri,
Dicier & cunctis, qui pangunt carmina, vel qui
Acres olfaciunt emuncta carmina nare.
Horum ego iudicium formido. Nam quid ubique est
Tam miserum tam turpe, tibi quam siquis ab æde
Musarum antistes dicat: cur carmina condis,
Aut quo hæc admissio meruere piacula chartæ,
Queis crocus & scomber foret aptior, & piper & thus?
Si mihi quis notus Musis & carminis auctor
Dixerit hæc, contra nil respondebo, sed ultro
Omnia concedam largus pro quolibet usu.

Hæc tamen haud multum me libera verba movebunt,
Horum si fuerint, qui culpant non quia crasse
„ Compositum, illepidèye putetur, sed quia nuper;
„ Vel quia turpe putant patere minoribus: illis
Non scribo: versent antiquos, iussa sequantur
Unica majorum: ast auctoribus officit ætas
Si præsens, quidquid dicent, facientve secundum,
Hic laborabit vitiis. Hæc denique summa est:
Scribo juventuti, cui vena Poëtica cordi.

^{21.} Nos etenim ratio vitæ præfecit alendis
Ingeniis juvenum^d: hos exempla domestica scalpunt
Valdius externis. Hi te, PAULINE, Latina
Purgatum auctorem linguæ mirantur, & omnes
Ore tuo pendent taciti, quum verba figuris
Omnibus exornata facis, præscamque loquendi

In-

^a Nec satis apparet, cur versus fa-
ctus, utrum

Minxeris in cineres patrios, an triste
bident al

Moverit incestus: certe furit. Hor.
in Art. Poët. Illi enim videtur malum
poëtam, dum versus scditat, pœnam
luere pro magno aliquo facinore.

^b Item lib. 1. epist. 1.

^c Nempe unum erit ex operibus præ-

sentis temporis, quæ ab illis improban-
tur.

^d Institutum Scholarum Piarum, ut
ex nomine patet, est juventutem studio
literarum allicere ad Pietatem, ac bo-
nis moribus informare. Ordinem hunc
fundavit Romæ an. 1622. Ven. P. Jo-
seph Calasantius Nob. Aragon. qui ibi-
dem magna Sanctitatis fama obiit an.
1648. 8. Kal. Sept. ætatis an. 92.

Instauras artem. Dixit Germania laudes
Te dignas ^a, dicetque alias, imitanda juventæ
Quod monumenta locas Ciceroni proxima. Eidem
Hos ego versiculos dicto, ne forte libebit
Quum post Virgilios Flaccosque recentibus uti,
Omnes cogantur conflare aliunde libellos,
Qui modice hunc nostrum, paucos si exceperis, ante-
Cellunt: quin multi velut agri somnia, mentes
Corrumpunt teneras, falsarum & imagine rerum
Deludunt. Ergo bonus es formare Poëtas?
Non mihi tale mei bene conscius arrogo munus,
Nec veluti tu oratores, ita fingere vates.
Possum ego, nec cupio. Miraris? idonea rebus
Omnibus eloqui vis & divina Minervæ
Ars est, quæ populos concordia in pace fuetur,
Quæ leges & jura foro defendit iniquis
Judiciis, Divûmque metu, aut virtutis amore
A vitiis homines absterret, & ardua celsò
Suadet adire animo; quæ verbo denique ut uno
Omnia concludamus, honore ^b potitur & ære.
At quis consequitur Fasces, quis colligit aurum,
Qui solas coluit Musas? mihi parcite, Musæ,
Vester inops chorus est, ^c nullo ardet murice Pindus.
Ergo meis totus præceptis nemo Poëta

Fiet,

^a Vid. Aët. Erudit. Lips. an. 1727.

pag. 546. & aët. 1729. pag. 191. quæ re-
terunt orationes elegantiss. P. Paulini
& S. Josepho Schol. Piæ. in Archigym.
Rom. Eloquen. Profess. Editæ fuerunt
Romæ an. 1727. & Lipsiæ 1728.

^b Dux sunt artes, quæ possunt locare
homines in amplissimo gradu dignitatis,
una imperatoris, altera oratoris. Cic.
pro Muræ.

^c Quid petis a Phœbo? nummos ha-
bet arca Minervæ.

Hæc sapit, hæc omnes fecerat una

Deos.

Præter aquas Helicon, & fersa ly-
raque Dearum.

Nihil habet, & magnum, sed pec-
tinatæ sopher.

Quid tibi cum Cirrha? quid cum
Permessidis unda?

Romanum propius, divitiisque fo-
rum est.

Nunc ara sonant: at circum pulpita
nostra.

Est steriles cathedras basia sola cri-
pant. Mart. l. 1. c. p. 76.

Fiet. Homo soli nemo sibi nascitur; omnes
 Utilitate aliqua naturæ lege tenemur
 Et prodesse aliis, & nullum lædere: quis mi
 Ex puris putis præstabit utrumque Poëtis?
 Aut satyras scribet, sapiens quas nullus amavit,
 Quasque premunt celeres probrosa morte secures:
 Aut si non tanto chartam calamumque veneno
 Inficiet, turpes quandoque docebit amores,
 Et putris in Venerem sua late incendia fundet,
 Et dicet juvenum citras & libera vina:
 Aut etiam, si Djs placet, arma virosque sonabit.
 Nil super hoc? quanquam bella omnia, docta, diserta,
 Non satis est: Adriæ peragrabam litora nuper,
 Adque diem multam prænsurus sisto vocante
 Me caupone, suam & multis laudante culinam.
 Haud mora, pisciculos assos apponit, & inquit;
 Hesterni venti rhombos soleasque profundo
 Sub mare merferunt; damnum reparabimus istis
 Parvis, sed sapidis. Dum laudat, ptando, sed quo
 Plus edo, acuta fames minus exaturatur: ephœbus
 Discum affert aliumque aliumque, ego fessus edendo
 Non saturatus eram. Causam, PAULINE, requiris,
 Qui scis nec ventrem mihi vulturis esse, nec ursi?
 Pisciculi multum succi, nil carnis habebant.

Admoneo juvenes scriptor, quod voce magister
 Sæpius admonui, mihi nec succensuit ullus
 Vel pater illorum, vel avunculus: esse Poëtas
 Hos ego non hortor; nam carmina quisquis ut artem
 Eligit, atque colit, rebus sit ineptus agendis,
 Non sibi, non aliis accommodus. Ergo Poësim
 Damnas? haud equidem: nam sic me Dique Deæque
 Semper anient, ut ei nil detraho; sed neque plura
 Cedo, quam sit par. Homini placet esse Poësim,
 Quod color est rebus: rerum substantia plena est,
 Omni-

Omnibus & numeris componitur ante colorem.

Illustrent mentem juvenes & luce sophorum
Et consultorum juris. Quo distet iniquo
Rectum, quo stultis sapientia consiliis, &
Quo verum falso discant, aliasque per artes
Ingenium versent. Hæc est substantia, robur
Hoc perfecti hominis; vestes phaleræque Poësis,
Ornatusque, quibus certis prodire diebus,
Certis atque locis præclarum est atque decorum.
Arcades exemplis Infœcundique * relucet
Perpetuis. Illi scrutantur viscera rerum,
Hi nodos juris solvunt, causasque perorant,
Hic urbem Prætor, Judex regit ille tribunal,
Denique quisque bonas exercet idoneus artes;
Sed quum in Janiculo lauris hederisque theatrum
Fertile, Aventino vel colle recluditur, omnes
Et Musis dignos recitant, & Apolline versus.

Hæc, PAULINE, velim vestigia certa sequatur,
Nostris quæ monitis formatur & arte juvenat.
Quod siquem, ut tanto in numero, natura Poëtam
Effinxit^b, puram qui sorbeat Hippocrenen;
Votis ille meis evadat Horatius, illo
Vel si quis melior, fiat Maro, fiat Homerus.

G

SER-

a Dux sunt Romæ celebres Academiæ,
Arcadum altera, altera Intœcundorum.
Hi cœtus suos cogunt in Hortis Gymna-
sij in Monte Aventino, illi ad radices
Janiculi in nemore Pagræasio quibus in
theatris audire est frequenter quoran-
tis clarissimorum ingeniorum lucubra-
tiones.

b Eos, qui Poëtæ nascuntur, frustra
quis conaretur a Musis advocare teste
Ovid. l.4. Trist. eleg.10.

At mihi jam puero cœlestia sacra pla-
cebant,

*Inque suum furtim Musa trabe-
bat opus.
Sape pater dixit: studium quid inu-
tile tentas?
Maonides nullas ipse reliquit opes.
Morus eram dictis, totoque Helicone
relictis
Scribere conabar verba soluta me-
dis.
Sponte sua carmen numeros venie-
bat ad aptos,
Et quod tentabam scribere, versus
erat.*

SERMO SECUNDUS.

Faustino juris sui factio commendat mediocritatem, ostendens quam perniciosum sit ab ea discedere. Naturam cupiditatis explicat, cui si non tempestive resistitur, hominem in ingentia mala precipitat. Indicat quanam sint licitæ voluptates.



OBILITAS, FAUSTINE, tibi est, ædesque refertæ
Præclaris belli ducibus patri-
busque togatis,
Sunt tibi divitiæ, sunt prædia
multa tibi non
Forma nec ingenium defunt;
sunt munera Divûm
Divisa in multos, in te colle-
cta sed unum.

Munus at hoc majus, minimum quod forte putasti,
Dicta tibi a puero lex, parce talibus uti,
Nec turgere, ullum nec fastidire minorem.

Nulla tibi vestis fuit usque huc serica, nullum
Vesti aurum intextum, Bredana subucula nulla e
Pectore subtiles extendens molliter alas.
Veste incessisti nummis ter quattuor emta
Et pulla, præter quod cingit colla decenter
Linum cæruleum, sacrorum insigne Virorum.
Parca fuit oculis permessa pecunia, servo
Utilis ipse tibi raro usus es, & nisi tanquam
Teste aut affixo lateri custode, capillos
Vix licuit crispare, uncta candere farina
Nunquam. Frugali mensa vinoque salubri,
Et ludo precibus brevior & munera vitæ
Omnia complexo studio ^a formatus es hanc ad

Usque

^a Recensuit hucusque regulas Collegii Nazareni.

Usque diem, qua prima virum te barba fatetur.

Quorsum hic spectabat vitæ modus? Unguiculis ut

A teneris assuefieres mediocria amare, &

Nulla infinitis bona fluxa exposcere votis. *

Hoc medium, FAUSTINE, omnes tenere beati,

Atque tenent; ab eo nunquam discesseris hilum,

Aut eris infelix. Natura cupidinis hæc est:

Quo plura indulges, inhiat quoque plura ^b, nec ingens,

Omnia si injicias, implebis guttur: ut ignis

Flante noto sepem vicinam corripit, inque

Bacchatur segetem, tum volvitur in nemus atque in

Annosam silvam: domino nil sufficit igni.

Est penus infanæ fortuna cupidinis, utque

Capta est illa oculis & tempore mobilis omni,

Undique pleno hodie fundit sua munera cornu,

Cras repetet majora datis, & dejiciet, quem

Erexit nuper, dejectumque eriget; hoc nam

Perpetuo fallax volvit mortalia ludo. *

Finge tamen læta constantem fronte, quid optas

Primum? Divitias. Quantas? Duplicare mearum

Summam. Macæ animis, ordire negocia, volve

Præscas membranas, titulos inquire sepultos

Fundorum, litem vicinis atque remotis

Intende; haud deerit claro modus & locupletis. ^d

At facta tandem fistes in duplicem summam?

Solus eris; quot-enim-quot condito ab orbe momordit

Turpis avarities, duplicatum quadruplicare *

G 2

Nisi

^a In omnibus rebus mediocritas est optima. 1. Off. Tamen magis offendit nimium, quam parum. De Orat. Qui desiderium suum clausit, cum Jove de felicitate contendit. Sen. ep. 53.

^b Cupiditas indulgendo augetur, resistendo extinguitur. Ex Apoph.

^c Fortuna Jovo læta negotio, & Ludum insolentem ludere pertinax

Transmutat incertos honores
Nunc mihi nunc aliis benigna.
Horat. l. 3. od. 29.

^d Pecunia omnia effici possunt. A&. 5. in Verr.

^e Mille talenta rotundentur, totidem altera, porro

Tertia succedant, & qua pars quadres acervum. Horat. l. 1. ep. 9.

Nisi sunt cumulum; nil sanctum nilque propinquum
 Sunt veriti; nulli didicerunt parcere, qui se
 Foede ipsos cruciant, natos cum conjugē multant
 Villibus & parvis epulis & gausape inempto.
 Tecti magna sui est labes, magna urbis avarus
 Quilibet, & fulvi lector cultorque metalli.
 Ergo ne unquam odium fias hominumque Deūmque,
 Utere concessis, FAUSTINE, nec undique, iturus
 Forte brevi ad tumulum nudus, grave congere pondus,
 Quod premat æternum te perditum & omnium egentem.

Ad fortunam igitur redeamus. Poscis honores.
 Quos? etenim vario sunt ordine. Posco minores.
 Papæ! es homo moderatus. Eris sed tempore longo?
 Nulla urtica gradus majoris te stimulat,
 Quum parium cinget crines aut infula, rubrum aut
 Pileum, & ornabit sandyx purissimus, ortu
 Quos olim superare tuo meritisque putabas?
 Paucis ambitio contenta est nata recēter:
 Quum robusta autem cupido sub pectore facta est,
 Quid non molitur, quæ non cellissima rerum
 Culmina per fas atque nefas sectatur^a? Amico
 Ex veteri, præfert sibi quem fortuna, sit hostis.
 Nemo salutatur, nemo est non bardus & excors,
 Qui non pandit iter sibi vi, nec stipat euntem?

Nil satis est, mihi crede, animo vesana libido
 Quem semel imperii pervasit. Fundere quondam est
 Visus Alexander lacrimas, quod nulla pateret
 Orbe ex devicto via ad orbes, quos sibi plures
 Stultus eo magis esse Sophos persuaserat. Hunc tu
 Non imitabere; sed potius, quum fors tibi quemquam
 Pratulerit, generosum illum fortemque Laona,
 Qui prætermisus quanquam dignissimus unus

Inter

^a Complures se scelere contaminarunt, imperii cupiditate. Cic. 3. Offic.

SERMO SECUNDUS. 153

Inter, præfectos urbi populisque trecentos,
 Tempia adiit Divis grates acturus, haberet
 Inclyta quod tot se meliores patria cives.
 O dignum quanquam ingrata Lacedæmone civem!

Ad rerum te finge vices, age fortiter. Ille est
 Verus honor, qui sponte venit, quæritque merentem.
 Perdit quanquam ingens meritum, qui se ingerit ultro.
 Ergo legitimos solum affectabis honores,
 Quamque frui, males sapiens, doctusque mereri.

At donec viridi flores fortique juvenia,
 Contemto rumore senum gravibusque querelis,
 Non oblectari juvenum de more recusas.
 Perge age, sed videas, FAUSTINE, quid expedit, & quid
 His nocet in votis. Incautos namque fefellit
 Et fallit tempus. lethalis in omne voluptas.
 Nunquam illam aspicias venientem: decipit ore
 Illecebris pleno, cupidis fallacia tendit
 Retia luminibus, jucundam instillat in aures
 Pestem, perque fores ignavi corporis omnes
 Interiora subit, perflatque in corda venenum.
 Est breve, mortales quidquid delectat omissa.
 Virtute & sanctis monitis rationis acutæ.

Cerne voluptatem fugientem. Lata venire,
 Tristis abire solet Venus ^b. Heu quo talia multis
 Gaudia, vel quanto sunt emta dolore! Fames hunc
 Pridem opulentum urget. Miraris? adire Corinthum
 Non semel est ausus. Profusum punit egestas
 Hoc scelus, & laxas inopina coercet habenas.
 Incutit ille metum quanquam blandusque tribusque
 Par prope Acidaliis: illum arcet sedula mater

Longe

^a Imitatrix est boni voluptas, malorum mater omnium, cuius blanditiis corrumpuntur, quæ natura bona sunt. Cic. 1. de Leg.

^b Fluit voluptas, & prima quæque evolat, sapiusque relinquit causas peccitendi, quam recordandi. 2. de Finib.

Longe a pignoribus caris, ceu a floribus Austrum,
Aprum ab aquis, sævum teneris ab ovilibus ursum.
Namque loquax certis de furtis fama susurrat,
Perdidit & toto nomen pretiosius auro.*

Sed modica est ratio sinceri nominis his, qui
Hocce luto sordent: reperit bene vividiorem
Quam feriat partem poena ingeniosa. Frequenter
Vidimus heu! medio tabere in flore juventæ
Nulli adolescentes formaque animoque secundos,
Qui columen miseræque domus patriæque fuissent,
Ni stamen toties Parca invitata scidisset.
Sævus amor plures occidit Marte cruento.
Principiis obsta, FAUSTINE, libidinis atræ,
Quæ quo infusa animo semel est, trahit usque volentem
Nolentemque magis fortis quocunque tyranno.

Quæ superest igitur non perniciofa voluptas?
Quæ, cuni es perfruitus, te nullo dente remordet.
Historiæ studium, citharæ sonus, aucupiumque;
Ludus cum paucis brevis & tranquilluss amicis,
Postque famem faciles epulæ, quæ in pectore crudum
Nil cras efficiant; post curas atque laborem
Vitalis requies, & somnus imagine nulla
Præteriti admissi turbatus; circulus, ornet
Quem doctique probique. Sed omnibus una voluptas
Eminet, hanc posito demonstrat Horatius evohe:
" Nil conscire sibi, nulla pallescere culpa. ^b

Huc vitæ, FAUSTINE, tuæ moderatio lexque
Religiosa tibi multos servata per annos
Spectabat. Refert multum quam vivere sancte
Cœperis, at vitæ complectitur omnia finis.

SER-

a *Fama malum gravius, quam res
trahit...*
... bonam perdere famam,

Rem patris oblimare, malum est ubi-
cunque... Horat. l. i. Sat. 2.
b Idem l. i. epist. 1.

Marco literarum cupidissimo præscribit formam studiorum. Incumbentem uno tempore multis & diversis libris reprehendit. Damnat lectionem librorum, qui possint Pietati ac bonis moribus officere.



AUDO, MARCE, tuos in Palladis arte labores,
Et quos a studiis fructus huc usque tulisti:
Sed tot emendorum fervens prurigo librorum est
Dira intemperies, mihi crede, potensque labores
Non solidos, nec adhuc maturos perdere fructus. ^a

Dic mihi, naturæ quæ mensa salubrior, illa,
Fercula quam centum, grandes totidemque lagenæ
Plus onerant, nigrum quam incus Vulcania truncum;
An quam tres patinæ quatuorve atque amphora duplex,
Altera major aqua, vino minor altera plena
Exornant moderate? Illa conviva recedit
Pallidior buxo, fragis rubicundior ista.
Cur ita? Quod modicus venter modica indiget esca,
Obruitur nimia. Coena glutitus in una
Mullus cum trutta, cum apro lepus, atque palumbus
Cum fulica sparso per singula aromate multo:
Mala, pyra, artocreas, montanus caseus, oris

Ad-

^a *Distrabit animum multitudo librorum... Sed modo, inquit, hunc librum evolvere volo, modo illum. Fastidientis stomachi est multa degustare, quæ ubi diversa sunt, inquinant, non*

alunt. Senec. Nec forte errant illi, qui bibliomaniam quoddam genus esse morbi arbitrantur. Remedium sunt libri pauci, boni, qui & legantur & intelligantur.

56: LIBER SECUNDUS

Advectum extremis vinum, dulcissimus humor,
Cassæumque geluque rigens cocolata teumque,
Sique alia inexit peregrina vocabula luxus,
Uno quid facient stomacho commista? Necessè est
Tanto victa acido massa putrescere, corpus
Inficere, & venas humore implere maligno...
At valet ille diu, servatque in corpore vires,
Qui bovis elixo dodrante duobus & assis
Turdis & pomo maturo vescitur, usus
Exiguus cyathis funoque carente culina.

Hoc est dicta tibi exemplo sententia. Mens est
Ut stomachus quidam, libri quædam esca: adolescens
Qui sapit, & properat studiorum attingere metam,
Seligit auctores, & pectore digerit imo
Tres quatuorve bonos. Parvis sapientia nata est
Principiis, sensim & reperit dialectica verum.

At tu librorum insatiabilis belluo, apertos
Sæpe decem in pluteo percurris mente oculisque
Ut satur, idque magis tibi quod nocet, e variis sunt
Depromti forulis, diversaque prorsus agentes.
Melchior hinc Canus, noster^a Borellius inde,
Vida, Metastafius, Corfinus, Cujaciusque,
Auctores, non inficias eo, nonine clari,
Sed nimis excedens angusto pro lare turba.
Numina Baucis inops duo vix in tecta recepit,
Plures nequidquam pulsassent ostia divi.

Quid valeant humeri tentandum est; Exere robur
Omne, feres solum vix uno tempore Canum.

Pigno-

^a Alphonfus Borellius familiari consuetudine usus est cum C. R. Schol. Piar. & Florentia & Romæ, ubi in eorum domo S. Pantaleonis diu commoratus vixit ceterorum more, & juvenes Religiosos in mathematicis disciplinis instituit. Pie ibidem an. 1679. obiit, & in

eorum Templo sepultus est illis ex asse, modico quidem, hereditibus institutis. Vid. ep. ad Lect. Præp. Gen. Schol. Piar. præfixam operi de Motu Animal. quod ex Borellii MSS. selegit, & in lucem edidit. Utinam & alia tandem aliquando in publicum prodeant.

Pignore vis mecum certare, quod occipit hærens
Scalpes, si posco quid libri pagina prima
Continet; aut siquid responsum dixerò contra,
Te non expedit? Tamen omnia congeris, atque
Misces philosophos, vates, legumque-peritos,
Et totam inglutire hauſtu vis Pallada in uno.

Hanc apage ingluviem. Seniores novimus, artem,
Discere quam prima ſolam incoepere juvena,
Non bene callentes^a; tu imberbis ſcire laboras
Omnia. Contraſto levis es velut amphora collo;
Undam guttatim effundens implebis, at ingens
Effluet, & rumpet fors debile copia vitrum.

Paucis ergo libris rem complectentibus unam
Nunc intende animum: cognôris quum penitus rem,
Ad fontes alios properabis. Non aliter fit
Clarus vir ſtudiis & dignus imagine macra.
Ars eſt longa, brevis vita; arte excellere bina
Viſus adhuc nemo poſt ſecula multa: recentes
Confer cum priſcis auctores, inſpice frontes;
Quod quiſquis voluit ſimplex duntaxat & unum eſt,
Nec magnam meruit complexus plurima laudem.^b
Ergo vagum ingenium certis includito metis,^c
Aut prædico brevi exhalandum more vaporum.

At quis tot ſe inter tam docta volumina, tamque
Splendida contineat? Minus auro terga relucent,
Quam veluti verborum gemmis interiora,
Et rerum invadente oculos animumque nitore.
Includam hæc juſſis monumenta illuſtria metis.
Namque docent variis hominum de moribus & de

H

Rel-

^a Optimus & graviffimus quiſque
conſtituitur ſe multa ignorare, & multa
ſibi etiam atque etiam eſſe diſcenda.
Cic. 3. Tuſc.

^b Quidam fuiſſe auctor traditur, qui
operi a ſe conſecrato titulum hunc

præfixit. De omnibus rebus & quibuſ-
dam aliis.

^c Certis ingeniis immorari & innu-
triri oportet, ſi velis aliquid trahere,
quod in animo fideliter ſedeat. Sen.ep.2.
ad Lucil.

Relligione: novas salibus res atque lepore
 Multo conspergunt. Nescit qui talia, nullo est
 In numero, nullo est, qui non capit extera verba:
 Quin studio discit nonnemo Britannica toto.

Tanta animi me, MARCE, rapit moderatio: namque
 Non ultra Europam præfixisti tibi metas.
 In pretio longe ante alias hoc tempore nostra est
 Lingua; diserta adeo præclaraque sensa feruntur
 Hoc sermone: nihil non docte, non sapienter
 Scriptum oculis præbet^a. Sed opus discernere multum,
 Cuncta nec amplecti: nam sæpe salubribus herbis
 Subrepunt angues, concresecunt sæpe cicuta.
 Totus splendide amat Septentrio scribere, totus
 Splendide & Occasus. Non est regionibus illis
 Una Fides, non est mens tot scriptoribus æqua.
 Negligit hic Superos, Sacra non probat ille, futuram
 Quidam animam dubitat post funera, crimina quidam
 Nulla putat. Quid enim labefacta Relligione
 Moribus est tutum? Quid non licet, est ubi rerum
 Arbitrium dominans & pro ratione voluntas?

Auctorum siquid coram lectoribus horum
 Virtutem redolens dices faciesve, cachinnis
 Excipiere velut corde expers consilioque.
 Explodere, minas si dixeris esse Tonantis
 Concussam horrendum sinuoso turbine terram,
 Si subitum poenas violati Numinis ignem
 Dimidias urbes populatum, si tumidum amnem
 Noctu homines mistumque pecus partesque domorum
 Aut ripa eiecisse, aut evolvisse sub æquor.
 Quippe putant cœco ferri mortalia casu
 Omnia, nec nostri tangi ulla Numina cura.

Heu

^a Egregiis hæc Scriptoribus atque in-
 sedit in animo Ciceronis sententia 2.
 Tusc. Videtur quidquid literis man-

datur, id commendari omnium erudito-
 rum lectione debere. Lectionem sine ulla
 delectatione negligo.

Heu! miseris tantum libri nocuere profani.

Hosce jube auctores tu tempus in omne valere. *

Afflant virus enim, tacito quod viscera tabo
Intrat, & in feros interdum prorogat annos
Funera. Non sensit cito, qui bibit, imo negavit
Jam suctus morbo externa se peste perire.

Dilige, scribuntur qua nobis omnia lingua, &
Selige: namque bono melius nil forsitan usquam est.

Denique, MARCE, stude magis ut sis relligiosus,
Quam doctus, quam philosophus. Sævo est metuenda.
Angue magis, quæ non probitate scientia pollet.

Versa & conde animo quæcunque volumina ubique
Sunt, te doctrina superabit rusticus Ægon,
Qui, dum erras, veri calleni sectatur & æqui.
O MARCE! o quantum est nostra in sapientia inane!
Disce hærare Deo: replet vacua omnia solus.



* Non est utendum his literis, quæ
sc. linguam & mentem excolunt, ut mores inficiant. Plin. l. 22. c. 13.

SERMO QUARTUS.

Artemidorum indocilis animi arguit, quod ingens esse malum demonstrat. Loquacitatem & scurrilitatem reprobendit. Superbiam maximo literis discendis impedimento esse ostendit. Docile ingenium perspicaci præponit.



ULTERIUS tecum non dissimulabo; nocerem

Namque tibi rebusque tuis inihiis, ARTEMIDORE,

Si mea te longo patientia tempore ferret.

Dementes sumus ambo: ego qui te recta docere

Nitor, tu qui me scis plura, meamque cathedram

Cum his rudibus circumstas. At rudis hic, rudis ille, Quos rudior spernis, faciunt quandoque Minerva Digna, tuum vidi nil unquam mercule dignum.

ARTEMIDORE, manus post longum tempus inanes Sunt, vacuumque tibi caput; & quod me magis angit, Stabit semper idem tibi cum manibus caput idem: Nam non es docilis. Vitium autem hoc in juvene ingens Et lethale malum est, quod idonea vivere mactat, Fruges pessundat præsentis spemque futuri. Nostra patet pridem tibi janua, abito, vel audi Demissis tandem cristis animoque superbo, Quæ sanam valeant furioso reddere mentem.

Virus ubi sceleris tellus exterrita primi Sensit, mutari sensit quoque semina frugum in Noxia^a; nec præter lolium, tribulos, paliuros,

Spon-

^a Patres aliqui & præcipue Ven. Be- lum animal fuisse venenatum, nullam
da, censuerunt ante peccatum Adæ, nul- herbam noxiam.

Sponte tulit quidquam. Magni stetit herba salubris,
Nec sine collecta est duro seges ulla labore.

Ipso hoc imbutum peperit te terra veneno.
Semina noscendi si unquam tibi certa fuissent,
Degeneraverunt non tam, ARTEMIDORE, parentum
Culpa, quam gestas quo turgida pectora, fastu.
En prope lustra tibi quatuor fluxere, sciendi
Quæ monumenta mihi monstras, quæ signa politi
Ingenii? Num sermonem, qui plurimus ore
Exit ubique tibi concedenti omnia linguæ,
Nil limæ, nulla ratione puerne senexne,
Vel plebs vel proceres adstent, vel foemina vel vir?
Hoc si scire tuum est, vincit te psittacus. Ille
Non etenim cudit nova verba, fideliter hæret
Syntaxi, noscitque suum, vocitatque magistrum,
Et quæ se docuit, recitat, metuitque quid ultra
Addere; nam nobis loqueretur America verba.
Ceterum ei nullum est hominum discrimen, uti tu,
Tam populo coram, quam magno principe garrit.

Scis homines simulare, tonos scis reddere vocum,
Cumque modis gestus, incessum. Non reor unum
Esse hominem, quum te video, sed sistere coram
Me puto blasforum monstroforumque catervam.
Nunc mihi foeminea resonas, nunc voce virili,
Nunc nullam profers toto sermone caninam
Literam, eam profers duplicem nunc est ubi simplex:
Nunc planum fingis mentum, nunc, fingis acutum.
Es modo gibbosus, modo cocles, vel modo claudus.
Quid non es? Maculas naturæ colligis omnes

Ut

^a Contendunt nonnulli Philosophi habere nos ideas rerum innatas & semina scientiarum, quæ studio aluntur, & maturescunt. Discere enim nihil aliud est, quam recordari. 1. Tusc. & de Senectute.

^b Quidam hoc praeclarum existimant,

si nunquam sileant, quum id sit certissimum contrarium argumentum. Ex Apoph.

^c Similis illi scurræ, qui mores aliorum tam inepto gestu exprimit, ut cum alios irrideat, ipse omnibus sit ridiculus. Arist. Est proprium stultitiæ aliorum vitia cernere, oblivisci suorum. 3. Tusc.

Ut scarabeus, inest quod forte bonumque relinquis.
 Hic quoque brutum aliud te vincit. Simia nam non
 Sola refert hominum vitia, aut informia membra.
 Quod sanum objicitur, quod rectum, imitatur; in armis
 Stat, ducit choreas, praesentes ore salutat
 Composito urbane, reveretur corpore flexo,
 Atque graves simulat se gestu expromere sensus.

Siquem oratorem, siquem tu forte poetam
 Audisti, friget cum versu oratio, stultam
 Nil vitat criticen. Humilis Maro, Tullius uber
 Plus æquo, tenebris offusus Horatius. Ergo
 Carmina percipies hæc nostra facillima. Rapum
 Est tibi pro cerebro & ventosa cucurbita, proque
 Consilio priscis Dea quædam ^a culta Latinis,
 Cui multo elleboro liquidaque litatur oriza.

Sed quid ego ajebam? mea me sententia fallit.
 Est dignum risu, quod de te huc diximus usque.
 Quod superest, iram quocunque in pectore pleno
 Phlegmate commoveat. Non tu vesanus es, illa aut
 Simplicitate animi, qua lævo sidere natos
 Ridemus ferimusque, & quando negocia cessant,
 Illorum alloquiis gaudemus, poscere amamus
 Respondere bonos præpostera quæque. Mamilla
 Sed tibi sub læva quiddam salit; haud tibi acumen
 Mentis abest, imo nimis est subtile: penetrat
 Nam crassam raro tam elata superbia frontem.

Dicis ut absurdum, atque a vero turpiter erras,
 Siquis vel ridet, vel corripit impatiens; os
 Purpura suffundit subito tibi multa. Pudorem,
 Qui longe est omnes pulcherrimus ante colores,
 Crederet esse, fores cui non sat notus; at ira est;
 Est furor; absurdum nam absurdis pluribus urges,
 Ulla nec est hominis tibi, nec reverentia veri.

Tur-

^a Moria, sive stulticia.

Turpius est quidquam, quid iniquius? Ultero doceris,
 „ Et nescire pudens prave, quam discere mavis.^a
 Te coram voces sociis viresque loquendi
 Defunt: dicit enim quisquis quodcunque, refellis,^b
 Aut mussas, donec quod habes, opponere contra
 Posceris: opponis subito pugnantia secum;
 Siquid & effaris rectum usquam, protinus utris
 More tumes pleni. Tibi enim solum est cacoëthes
 Te ostentare, oculos cunctorum & vertere in unum.
 Vertimus, ARTEMIDORE, sed ut vertisse solemus,
 Quum monstrant hominem bino cum corpore & uno
 Vertice, vel quatuor manibus, vel duplici naso.
 Denique te ut monstrum aspicimus, cui humana figura est
 Exterius formosa, atque omnibus integra membris.
 Sed pars illa Deo similis, mens conscia veri,
 Quæ facit una hominem, pars in te perdidit illa,
 ARTEMIDORE, decus, meliorem perdidit in te
 Dotem animi; curva est, enormis, proxima brutis.

Finge animo durum ingenium, rude, debile, nullum,
 Sit tamen id docile; una plus ediscet in hora,
 Integro quam tu, sapiens stultissime, lustro.
 Aures præbebit, quod non capiet, sibi rursus
 Comiter urgebit repeti, summittet honestam
 Frontem, servabit demum alta silentia: nullum est
 Clarius indicium juvenis gnarique bonique.
 At finge illud idem magnum, perlucidum, acutum,
 Sed frangi impatiens stimuli: malum artibus omen,
 Moribus & pejus dico, ARTEMIDORE. Fuerunt
 Indocti omnes indociles, vitiisque notati.

Si libet ergo hodie pactum statuemus utrinque:
 Aut mihi parebis nil præter iusta iubenti,
 Aut ad te verbum dicam non amplius ullum.

SER-

^a In Art. Poët.

^b Cum omnis arrogantia odiosa est, tum illa ingenii multo molestissima. Di-
 vim. in Verr.

SERMO QUINTUS.

*Thelesinum ingenuum juvenem puellæ plebejæ amore captum
ab incæpto deterrevit conatur, exponens quot quantaque
hinc mala proveniant.*



UID tuus iste color sine san-
guine? quid, THELESINE,
Per totum macies vultum dif-
fusa recenter
Indicat? Ex oculis effugit so-
nnus, opimæ
Desipiunt epulæ tibi, desipit
humor Jacchi.
Amplius haud rides, solito ne-
que more jocularis.

Qui mihi nuper eras, totus mutatus ab illo es.
Noster, ut ante, tibi non gratus sermo, nec usus
Pristinæ amicitiaæ jucundus: corpore præsens
Es mihi, mens volitat longe per inane. Quod, oro,
Quod genus est istuc morbi, THELESINE, tibi te
Qui rapit, antiquumque mihi furatur amicum? ^a
Astrologum facies tua me facit, & tua vatem
Lumina. In inficias non ibis, amore laboras.
Hujus enim sunt hæc symptomata singula morbi.
Quid remedi? Superat reliquos hæc intima morbos
Pestis; amatur enim teterrima pestis ab ægro. ^b

Si jaculis, THELESINE, fores alicujus Elisæ,
Aut certo validæ percussus Amazonis arcu,
Deploranda minus tua fors foret: æquum Hymenæus
Par etenim posset stabili conjungere nodo.

Sed

^a *Dii boni! quid hoc morbi est? adeo
homines immutari
Ex amore, ut non noscas eundem*

*esse? Ter. in Eunuc.
b Hoc se vixissimum quod nemo vult
in amore janari. Quintilian. declam. 15.*

SERMO QUINTUS.

65

Sed notum, succensa tua est quo sulphure flamma,
Notum ubi versaris noctuque diuque, quibusque
Deliciis gaudes. Heu rerum oblite tuarum!

Te: Nigrina tenet lotricis filia, cani

Et veteratoris: maternam despicit artem

Cantrix, sed multum didicit retinetque paternæ.

Totam habet in vultu dotem atque in voce dolosa

Totam virtutem. Patula spectare fenestra

Mos est improbular, numerare ars prætereuntes,

Allicere & stolidos manifesta in retia turdos.

Suntne hucusque tibi, turdorum nam unus & horum,

Incolumes plumæ? Miser o THELESINE, Cupido

Est nudus, similes facit & sibi dirus amantes.

Orbat luce oculos, mentem ratione, crumenam

Auro: de Croeso nam quolibet efficit Irum.

Testis es ipse, Agcedum mihi jam fateare, Nigrina

Argenti quantum facti insectique dedisti.

Distinctas auro crepidas pallamque imitantem

Floribus & vivo ridentia prata colore

Unde habet? unde periscelidas colloque micantes

Baccas? unde basim, statua quæ longior ipsa est?

Tam nitido in cultu, tanto in splendore & odore

Est rei, THELESINE, tuæ bona portio. Servis

Mercedem debes semestrem, pro lare proque

Non modicis epulis integro emunctus ab anno

Nil persolvisti. Tua clamat hospita Bassa.

Pro nitidis tonsor cincinnis, dimidiis pro

Calceolis sutor, proque usibus omnibus omnes

Mussant artifices clarum, ulteriusque recusant

Vendere opus verbis, nec adhuc traxere, verentes

Patricium, ad Prætorem. Una est contenta Nigrina,

Cujus in immanem fluxerunt omnia luxum.

Euge, bene, egregie, prudenter, magnificeque!

Quid superest, præter solennia dona facesque?

I

Ma-

Maſte animo, coeptis inſiſte illuſtribus, urge
 Nobile conjugium: bis ſenos nam bonus annos
 Te genitor ſumtu ingenti curavit in Urbe
 Hunc ſuſtentari in finem, hoc ad opus memorandum
 Audiet ut digno de nato talia, quanto
 Exiliet plaſu! quanta fraterque ſororque
 Lætitia! ante omnes quanta fauſtiſſima mater?
 Noſtra o, clamabunt, heros de ſtirpe creatus!
 O decus, o ingens antiquæ gloria gentis!

Ecce nurum ſocrus jamjam amplexura virumque
 Limine ab ornato procedit. Panditur aula
 Splendida imaginibus majorum. Addenda vetuſtis
 Poſcit imago locuna nova. Pingito, Zeuxi, Nigrinam,
 Stemma, genus, dotem ſubſcribito, & addito vitam,
 Si libet: inde inter matronas ponito auitis
 Illuſtres titulis, illuſtres fortibus auſis.

O pudor! o toto manſurum dedecus ævo!
 Tantulus eſt ſenſus naturæ, tantula reſtat
 Pars tibi cordis, & hæc te non infamia terret?

At nitor fruſtra ſervare perire volentem.
 Sermo omnis contra Nigrinam præterit aures.
 Tantum cæcus amor juvenilia pectora turbat.
 Ergo perge tuum, veſane, reviſere ſolem,
 Perge tuos luſtrare illo fulgore triumphos.
 Ito, tibi injicitur per me mora nulla; tenere
 Quis ſine fune etenim fuſioſum poſſet amantem?

Hærent terrificis ſuſpenſa cadavera tignis,
 Aut variis pendent diſſecti e quercubus artus,
 Ut ſe a flagitiis, qui non virtute moventur,
 Terrore abſtineant. Quem ſtultus deſpicit, hunc vos
 Sermonem, ingenui Juvenes, audite, futurum
 Securique metus monumentum, conſilii que.

Incauti poſtquam THELESINI in pectore vulnus

Fe-

SERMO QUINTUS.

67

Fecit amor sava tygre, sava savior urso:
Languit: hinc factus juvene ex florente cadaver
Palluit horrendum: quin membra cadaveris uno
Non hæere loco: sparsa hinc auresque oculique,
Inde caput sine mente: animæ quæcunque supellex,
Fortunæ late effusa est quæcunque; pependit
Denique cor ramo salicis fragilisve genistæ.

Nulla Nigrinas omnes discrimine, nullo
Albinas omnes fugite, o quicumque vetusto
Stenmate fulgetis. Nam vincunt corda potenti
Philtro, prævertunt connubia Numine lævo,
Quæ sequitur malefuada fames * & turpis egestas. ^b

SERMO SEXTUS.

Lentulum domesticam curam turpiter negligentem jocosè arguit, ostenditque, id, quod nonnulli prudentiam vocant, stuporem esse ac socordiam.



Ut primum nato imposuit tibi,
LENTULE, nomen,
Augur erat: vir enim factus
lentissimus ad res.
Evastisti omnes. Longo dum
pressa dolore
Te pareret mater, Lucinæ mu-
nus obivit
Torpedo, fuit obstetrix remo-
ra, ubera labris

Admovit testudo, picem glutenve tepenti
In latice affricuit tibi circum corpora lotrix:

I 2

Deni-

^a Primis illis furiosis amoribus re-
sinctis novi succedunt.

^b Hujusmodi inauspicatos conjuges

eorumque prolem ad inopiam redigere
quotidiana experientia docet.

Denique quidquid eo fuit unicum tempore, quidquid
 Viscosum, torpens, tardum, influxit tibi totum
 In cunas; movit quas nulla sororcula, nullus
 Verna. Negas? Te verba movent hæc nostra minus quam
 Pasquilli statuam. Vitium est irascier, inquis.
 At majus vitium est non posse irascier*. Eja
 Irascare semel: tua namque negocia pessum
 Hac bonitate abeunt. Potat tibi servula vinum,
 Carbonemque oleumque coquus, crudumque tepensque.
 Portat nocte domum, atque uxorem lautius ipso
 Nutrit hero. Expilant te coram scrinia nati,
 Te coram rixantur, hiant, & vertice tecto
 Hic sedet, ille cubat scamno super omnia fœde
 Discinctus. Vetito miscent convicia ludo
 Servi non ab hero procul; ad me haud pertinet istuc,
 Inquit is, affirmat cunctas per Erinnyes ille.
 Atria & interea sordent, & aranea telas
 Ducit ubique domo in cessante magistra laboris.

Pareat ecquis enim domino, cui Pythias audax
 Imperat, & timido quandoque irata minatur?
 Harpyæ jussu facis hujus, quod nec amici,
 Nec potis ulla tibi est rerum suadere tuarum
 Utilitas. Fundi sepem cecidisse moneris,
 Et cum fure pecus sata devastare: videbo
 Cras, inquis. Pluviam suggrundia mota cadentem
 Admittunt super usque toros; cras, inquis, hiatum
 Claudemus. Matura nimis seges excita vento
 Disperdit cœrèrem, tactu contaminat uvam
 Livida sinceram, sitienti citrea in horto
 Poma cadunt, pereunt fructus; moriuntur & herbæ.
 Cras, inquis, segetem, cras uvam, citræa, fructus,

Omnia

* 2. Ira calcar est virtutis: hac crepta
 inermis animus, & au conatus magnos
 piger interfigit. Sen. l. 3. de Ira cap. 8.

Ut enim autem ira, non ut Duce,
 sed ut milite. Aristot. lib. 1. de Ira
 cap. 9.

Omnia cras demum curabimus. Euge, cerebrum
Cura hodie, cura socordia pectora: sæpe
Nam facit una malum nox irreparabile. Quanto
Tempore cras istud fessi expectabimus? Aedes,
Expectando cadunt, sterilefcunt prædia, tota
Res perit. Imo tibi periit post-utile, quantum,
LENTULE, honestatis? Tempus teris omne, quod una est
Virtutis mensura. Die prudentia crescit,
Fit constans animus, largus, pius, integer, æquus.
Hac ratione carent pueri virtute; nec artes
Noverunt, dormire boni, nugari, esse.

Lustris quid multis tu laudis adeptus es, & qua
Re gesta? Ante focum palmis nunc pronus apertis,
Nunc resupinatus sedisti mensibus octo,
Sudasti reliquis, sed grande agitando flabellum.

Ast animo reputo, longaque indagine rimor,
Quid sit opus, quid non. Meditatio seria nullam
Rem frustra aggreditur: properantibus omnia deque
Sufque abeunt. Me, stulte, vetas imitari illum,
Qui olim cunctando Romanam restituit rem?
Restituit siquidem Fabius cunctando, quod hostis
Annibal & vitiis & sumtu & tempore sensim
Conficiebatur. Cunctanti quum mala per se
Avertuntur, inest sapientia: quum mala crescunt,
Stultum est cunctari, nec fortem opponere murum.

Curio Nomenti fuit olim abdomiue magno,
Tranquilloque animo, quod-ei fors-cunque tulisset.

Post

a Cras te visurum, cras dicis, Po-
stume, semper;
Dic mihi cras istud, Postume,
quando venis?
Quam longe est cras istud? ubi est,
aut unde petendum?
Numquid apud Partbos, Arme-
niosque latet?

Jam cras istud habet Priami, vel
Nestoris annos;
Cras istud quanti, dic mihi, pos-
sit emi?
Cras vires: hodie jam vivere, Po-
stume, scrum est:
Ille sapit quisquis, Postume, vi-
xit heri. Mart. l. 5. ep. 58.

Post epulum de more uber lautumque cubabat
 Molliter, & toto perflabat pectore somnum.
 Ecce autem clamans horrendum serva cucurrit,
 Nunciat & totam sævo igne ardere culinam,
 Perque volutari vicina cubicula flammæ.
 Ille expectatus paulum caput erigit atque,
 Surgendumne, inquit, confestim? Fumus iniret
 Quanquam os, & crepitans aures pervaderet ignis.

Ad vivum depicta tua est hæc, LENTULE, imago.
 Ardet in æde tua gula: nati ficedulas &
 Mullos esuriunt, sitiunt & Massica pura.
 Ardet cum luxu socordia, fumus & atrum
 Nescio quid redolet grave naribus atque timendum.
 Hæcæ faces inter dormis. Clamamus amici
 Certatim; euge, volant ad summum incendia tectum,
 LENTULE. Tu pingui nos adspicis ore, petisque
 Surgere num sit opus. Dum semisopitus oberras
 Plurima consultans, recti via, siqua patebat,
 Obruitor, redeunt ad avita animalia^a mores.

O prudentem hominem formatum more, modoque
 Temporis hujus! Agas, ut de te nemo queratur,
 Ut tranquilli omnes vivant, faciantque beati
 Quidlibet. Os, oculos, aures tu claude, molestus
 Ne tibi sis aliisque. Hodie hæc prudentia regnat.

LENTULE, qui tempus pretiosius æstimo totis
 Divitiis Arabum, vereor ne plura loquendo
 Tecum illud perdam: namque audis me modo eodem
 Vultu, jisdem oculis, quibus audisti incipientem.
 Hoc est indicium, quod ahuc sis LENTULUS intus.
 At forte est animi moderatio, forte triumphus
 Victæ iræ; nolo tibi quidquam demere laudis,
 Debita siqua tibi est. Bonus es clemensque favisque

Dul-

^a Fuit quoddam tempus, quum in | gabantur, nec ratione animi quidquam
 agris homines passim bestiarum more va | administrabant. Cic. l. 1. de Invent.

SERMO SEXTUS.

71

Dulcior, at *stomachis* bilefcunt dulcia multis.
Fert punctum Veneris *, qui dulci mifcet amarum.

SERMO SEPTIMUS.

Reprehendit feiolos aliquos, qui ſibi tanquam magiſtris aliorum plaudunt, & falſam ac pernicioſam interdum ſcientiam apud vulgum venditant.



Oc quis idem de ſe præſenti
tempore ſentit,
Quod Sophos ^b antiquus, qui
ſolum hoc ingenue ſe
ſcire fatebatur, quod nil ſci-
ret? Sapientes
Paſſim hodie invenies, & apud
nos vulgo oriuntur,
Omnia qui nôrunt, quos cu-
nis Pallas in ipſis

Uberibus veri plenis lactavit, & ora
Hiſtoriæ ſucco implevit, Sophiæque medullis.
Noſtras hi noctes rident longosque labores
Et modicam frugem. Illorum fert omnia tellus
Sponte ſua, nullo verſata ligone nec ullo
Vomere ſciſſa. Neges ne forte, quod ordiar, audi.

Æger erat nuper Chryſippus. Ut aſſolet, illum
Viſit amicorum longiſſima turba, ſedentque
Hi circum atque alii lecto ſuper, inque ſeneſtris
Stat bona pars. Vario recreant ſermone jacentem.
En tibi in anguſtam jam cellam Papilus intrat,
Papilus ille bonæ verſatus in arte culinæ,

Sed

* Venus eſt talorum juſtus ex qua-
tuor conſurgens talis diverſam faciem
aſſidentibus. Talis autem jaſtitiæ de-

narios tollebat univerſos, qui Venerem
jecerat. Suet. in Aug. c. 18.

^b Socrates,

Sed novus in medica : nam nunquam merce Galenum ;
 Hippocratem nunquam vidit , nec novit utrum per
 Venas circumeat sanguis , quotiesque diei
 Unius spatio totus præterfluat . Ille ,
 Quidquid id est , dederat vix nobis ore salutem ,
 Ægrum adit , & dextram petit anxius , inde sinistram ,
 Atque diu pulsus pertentat utrumque , matellam .
 Suspicit , & linguam : tum circiter intuitus nos
 Assidet , & , cura hac nunquam sanabitur æger ,
 Inquit ; inest medicis nam tanta incititia nostris .
 Cetera Cryſippo pronus muſſavit in aurem
 Et nova propoſuit , peregrinaque pharmaca . Credes ?
 Illum conſulimus cuncti . Nam quis ſine morbo , eſt
 Membrorum aut cerebri ? Poſcit collyria lippis
 Hic oculis , ille ignavo cataplaſma tumori :
 Hic caput , ille ſatus queritur . Stomacho medicinam
 Poſco ego ; namque mihi ſtomachus poſt prandium aceſcit .
 Reſpondet modulans ſermonem voce manuque .
 Maturus cedri cortex ſectusque minutim
 Atque incoctus aqua triplici cum dragmate mellis
 Mane tibi ter potus erit medicamen , aceto
 Nec rurfus ſuntis epulis vexabere . Dixit ,
 Totaque turba novo dicente Machaone plauiſit .
 Fama viri tanti volitat , jamque undique ad illum
 Curritur . Heu ! nobis adeo contermina mors eſt .

Pa-

a Phyſici recentiores revocant ad hunc calculum . Supponunt cavitatem ſiniſtram cordis continere duas uncias ſanguinis , quo pene toto evacuat , quoties cor contrahitur . Ea autem quantitas ſanguinis ex corde influens in magnam arteriam , pulſum unum , ſeu pulſationem efficit , quod uno minuto contingit ad minus ſexagies . Una igitur hora 3600es , ex quo inferitur , quicquidque hora per cor fluere 7200. uncias ſangui-

nis , quæ efficiunt 600. libras . Si ergo in humano corpore ſunt 25. libra ſanguinis , conſequetur una hora totum ſanguinem fluere per cor vices quater , & uno die quingentis ſeptuagies ſexies ; quod totum ſummam efficit librarum 14400. Quanta in motu inſenſibili rapiditas ! Quam admirabilis Conditoris noſtri Potentia , & Sapientia ! Vid. int. alios Bern. Nieuvent. in Vero uſu Conſtempl. Mundi .

Papilus at tanto non corpora nostra periclo
 Tractat, quanto animas Proculeius. Id licet illi,
 Quod libet, hoc mores systemate dirigit uno.
 Si libet ulcisci, licet ultio: namque ideo unguēs
 Et bilem natura dedit, iussitque tueri
 Quemque suum nomen, nihil & præponere honori.
 Quidquid avarities, quidquid vesana libido
 Sualit, posse aliqua fieri ratione modoque
 Contendit: potis est quod nemo resistere amorī,
 Aut quod semper abest curtis bona portio rebus,
 Quodque dolis cuicunque licet communibus uti.
 Mentiri urbanum est: nam verum lædit amicos.
 Iccirco ignoret licet omnia Silius, astra
 Ferto super doctrinæ laude, licetque Camilla
 Lufca sit, hanc oculos Veneris vultumque Dianæ
 Intrepidus dic habere. Humeros quum vertet uterque
 Hunc Bævium dices, hanc Gorgona: namque loquendi
 Nocturnis seges est conventibus atque diurnis
 Præsentum laudare, absentum carpere vitam.

Nostras hæc tu ergo conflagras incendia in ædes,
 Nec tensum metuīs, gestat quem Jupiter arcum?
 Heus, bene ducendæ, Proculei, dogmata vitæ
 Non natura dabit; nec enim distinguit honestum
 Capta tot illecebras inter mentisque tumultus.
 Consule, quam legem Superum Pater indidit imis
 Sensibus, idque, quod interius te sæpe remordet.
 Versa Majorum leges & sancta vetustæ
 Ætatis monumenta, alia & sententia menti
 Surget, & in patulo gradieris tramite recti.
 Tunc mihi doctor eris morum vitæque magister.

Sed non humano generi quicunque putat se
 Scire, vel esse aliquid, semper nocet; imo relaxant
 Multi animos, risumque movent. Quis non Cato ponat
 Triste supercilium, quum noster Mævius œstro

Percitus, undivomos equitat delphinas Arion
Alter, & algentes medio urit in aquore Nymphas,
Auritosque trahit scopulos, atque humida regna
Temperat attonito vocis modulamine Nereo?

Quis non excipiat magno te, Flacce, cachinno,
Gallica qui in coetu dicis liberrimus omni
Verba solœcismis foccunda, tonasque superbus
Puram Sorbonam? Ligerim tamen esse doces nos
Magnam urbem, Juram fluvium, Vogesumque paludem.
Scilicet est illi tredecim lustrata diebus
Gallia tota, loqui Gallo sermone disertæ
Edidicit totidem. Mirantur at Itala virgo
Et mater, gaudentque novo discuntque magistro.

Si fuso has posito delectat discere sacram
Historiam (siquidem Synodos & Dogmata Patrum
Lectitat, & sacri rimatur viscera Libri^a
Multa hodie doctor mulier^b) monstrabo magistrum
Plurima callentem, Flacco nec forte secundum.

Coetus habebatur doctorum nuper, eramque
Si minus ex his, ex coetu tamen unus. Agebat
De vita quidam priscorum & moribus, ad nos
Pervenisse querens nil præter fursur inanem
Et paleam. Quis enim jejunia nostra precesque
Comparet antiquis? aiebat: quis revocatus
Prisco de tumulo priscæ vestigia vitæ
Nunc ulla inveniat? Protenlis auribus unus
Jamdudum adstabat, tanisque silentia dextra
Imperat, & pleno de pectore multa reponit.

Tum

^a Satiùs esset si doctrinæ hujusmodi sermone nihil præter unam, alteramve sententiam scirent & citarent ex Sacris Literis. v. g. Salomonis Prov. 31. *Quasi vir lanam & linum, & operata est consilio manuum suarum... & digiti ejus apprehenderunt fusum.* Aut D. Pauli 1.

Cor. 14. *Mulieres in Ecclesiis taceant... Siquid autem volunt discere, domi viros suos interrogent. Turpe est enim mulieri loqui in Ecclesia.*

^b Alludit ad Comœdiam Gallico sermone scriptam, cui titulus: *La Femme Docteur.*

Tum vocem intendens; pessum dedit hæresis, inquit,
Una pias gentes, & rupit fœdera. Nomen
Sed fatale fugit modo me. Prædicimus omnes
Nomina multa. Sabelljne? abnuït. Anne Manctis?
Haud hujus larvæ. Fors Nestorii, vel Arii?
Neutrius. An quisquam priscorum? Non ego tempus
Supputo: at hæresiarcha modo quoque sævit, & urget
Ingentem turbam. Calvinum hic, ille Lutherum
Suggerit. Haud horum quisquam, respondet, & unguis
Rodit, & irritat repetito verbere frontem.

Omnes intenta dum turpia mente volutant
Nomina, circum oculos exultans volvit, & ohe!
Inveni, exclamat: jam plaudite. Lethisér ille est
Ille Rigorismus^a. Dicendo fervet, ut omnes
Risu improvisò disrumpimur ilia, & alter
Aterius nixus scapulis lacrimatur. At ille
Seriùs atrum hominem diris vovet omnibus atque
Imò Orco, patitur nec quemquam dicere contra.
Quodque magis mireris, homo est canusque togatusque,^b
Et qui hominum mores multorum vidit & urbes.
Mi male res vertant, si te hoc narrando fefelli.

Ille senex risum movet, iste juvenculus iram,
Iste mihi a læva, quem multi nomine dicunt
Mercurium, reliqui sed rectius Ardelionem.
Est primum imberbis, nec adhuc bene quinque peregit
Lustra; tamen quisquis sermo incidit, inserit audax
Se medium, vult atque chorum moderarièr unus.
Auctorum didicit densissima nomina, frontes
Multorum inspexit titulosque typosque librorum.
Auditque tuum Systema, Copernice, Ticho,
Auditque tuum: vidit numerosque cruceſque
Algebræ, solisque viam, coelique meatus,
Et terram omniparam, & phænômiferum acra, & æquior

^a Rigorismus credebatur esse hominem. ^b Obiit magno eruditionis fæto.

Ennosigeeum. Ut me paucis, cosmum & mycrocosmum.
Ingerit hæc repetit, refricat, requoquitque molestus
Omnia in omne loco, nostrasque interficit aures.

Huic aliud tam multiplici decus adde Sophiæ.
Novit enim Procerum secreta, & murmura vulgi,
Nominæ quemque suo vocat, atque negocia solus
Omnium agit, mutat, vendit, licitatur, emitque,
Et facit, ut facias. Sibi prætor nomina dixit
Proscriptorum, uxor sibi Consulis acta senatus
Omnia narravit. Frustra, Maro, habere cupisti
Centum ora & centum linguas; servatur in istam
Monstrum hoc ætatem: loquitur mihi plurimus ore hoc,
Huic alio, lingua compellat Symmachon una,
Calliodorum alia. Si ullo vos tempore, Musa,
Aras si vestras colui, & mediocria dixi
Carmina, adeste precor mihi nunc, & grande periculum
Hinc arcete, hominem procul amandate profanum.
Polliceor vobis flores apiumque hederamque.
Quod si me pœnas violati numinis usquam
Vestri a me luere optatis, non abnuo: quovis
Ibo, quidquid agam, a me dummodo distet hirudo hæc.
Perpetuus Samuelis^a ero comes, omnia pronis
Auribus accipiam verba illius: haud querar, ut me
Veste trahet, tectumque libens, olidamque tabernam
Ingrediar; cernam ligulas, femoralia, cuncta &
Frustra lucernarum: nova credam quæque, videbo
Repentes quamvis blattas & plurima cribra;
Omnia denique agam Calepino liber ab isto.

Audior haud solum impunis, sed munere magno
Pieridum ornatus; namque, optime Galle, mihi sis
Obvius, & sævo miserum discrimine solvis.

Quæ

^a Samuel pro quocunque Judæo. Judæi
autem præcipue Romæ nihil non agunt,
ut merces suas venditent. Circumstant,

orant, trahunt per vestes, enecant de-
mum imperitos & advenas, quibus per
eorum vicum transire contigerit.

SERMO SEPTIMUS.

77

Quæ docti ignorant multi, fumum cupientes
Vendere, novisti, nec ubique ostendere tentas.
Dicendi polles vi cum oratore, poëtis
Carmine respondes afflatus Apolline multo.
Nactus es historicum? Græcam, Latiamque renarras
Historiam: rerum naturam discutis inter
Philosophos: agili revolutas arte choreas
Ducis, ubi matrona decens & virgo pudica
Lætæ conveniunt: armis, ubi ludrica Martis
Prælia miscentur, certasque, referisque coronam.
Quid de pingendi, calami, fidibusque canendi
Arte loquar? Docto facis ore manuque magistra
Quæque vides. Cunctas in res tibi tanta facultas.
Non tamen his turges: nam notis plura vides te
Ignorare, pudet nec palmam cedere multis.
Socratica est laus magna animos compescere norma.

SERMO OCTAVUS.

Sanctonicum simulatorem probitatis corripit, & conatur ad bonam frugem revocare. Nonnulla ejus vitia ei ob oculos exponit. Hortatur, ut talis esse curet, qualis cupit videri.



ONEC te sola novi, SANCTO-
NICE, fama,
Nil mercede integrius, nil sanctius esse putabam.
Omnia credebam: decrant miracula sola,
Ut tua proclivi colerem vestigia fronte,
Eque via gressus te prætereunte referrem,

Sistere non ausus, non ausus tangere vestem.
Heu quantum nocuit multis, SANCTONICE, se inter
Insi-

Insinuare homines, animumque offerre videndum!

Ex quo te propius vidi, tua verba pependi,
Inspexi mores, mensus sum a vertice ad imum;
Esse aliorum hominum similis mihi visus es, atque
Ut verum fatear, meliorem forte putavi
Te Cinnam, ficta qui nil probitate colorat.

Quid nostros oculos inspergis pulvere, quum non
Fallere eum possis, qui fixit lumina cælo,
Quique dedit colubros & acutum cernere lyncas?
Usque modo nobis fama es dominatus, iniquum
Sed modo quasso jugum, falsis & vera repono:
Nam nequit hic alio pelli medicamine morbus.

Immortali animæ junxerunt Numina corpus
Tanquam mancipium dominæ servire paratum,
Poscit ubi virtus, ubi publica poscit egestas.
In cute curanda, SANCTONICE, totus es, aut quum
Abditus in pluma tranquillo pectore somnum
Persuas in lucem multam, aut lodice relictæ
Omnia sollicitus quum quæris Commoda^b, nil nos
Nostraque procurans, tibi dummodo sit bene soli.

Quis dicat tenero quam sit tibi lingua palato
Deliciosa? Cibos vulgares olfacis, atque
Corrugas nasum: nec enim sapor ille papillas
Vellicat, aut grato permulcet acumine fibras.
Haud ita fastidis truttam, mullum, ostrea, jure

Quæ

^a Nihil novi videtur statuisse Christiana Ethica, quum statuit corpus in servitutem redigendum. Nam Cicero exercendum est corpus, inquit, & ita efficiendum, ut obedire consilio rationis possis in exequendis negotiis & in labore tolerando. 1. Offic.

Major sum, & ad majora genitus, quam ut sim mancipium corporis mei. Sen. ep. 65.

^b Sic gerere nos debemus, non tan-

quam propter corpus vivere debeamus, sed tanquam non possimus sine corpore. Sen. ep. 14.

^c Nec sibi carnarum quivis temere arroget artem, Ni prius exacta tenui ratione saporem...

Est opera pretium duplicis pernoscere juris

Naturam &c. Hor. l. 2. Sat. 4. ubi irridet Epicureos abdominali natos.

Quæ bonus immergit sapido coquus; haud ita turdos
Ficedulasque crocum referentes clunibus aureis,
Et lepores & apros, lento quos versat in igne
Verna olidus, sensim inspergens fumante butyro.
Forti convenit hæc homini gula, mollietisque?
Nullus habet gustum virtutis Apicius, uni
Natus non aliter, quam muta animalia ventri.

Jam quæ te mulier, vel quis te mollior infans
Rebus in adversis? Pallefcis, spemque animumque
Despondens subito, quereris, lacrimaris, omittis
Omnia cœpta: animi est tibi vis tantilla pusilli.
Ast hortabaris nos forti pectore contra
Adniti quidquid fortuna sinistra tulisset.
Nam Deus est, rumpit qui gaudia nostra, daturus
Multo olim majora. Igitur, SANCTONICE, dicta
Confirmas his exemplis, hoc pectore, vultu hoc?
Priscorum historias facile est narrare, docere &
Verbis, paucorum est virtutem ostendere factis.

Instat siquod opus, careat quod laude lucrôve,
Indignaris, & hoc, inquis, non pertinet ad me:
Et quod agis, quanquam rarum exiguumque sit, illud
Multo teste facis coram; aut mediocriter actum
Nobis amplificas narrans operamque modumque,
Et quo consilio durum superare laborem est
Concessum, & quanto vicisti obstacula nisu,
Et quo cum populi studio Procerumque favore.
Strenuus hinc una superas facta omnia lingua.

Ad morbos animi quoniam devenimus ultro,
Vix & opinantes, in iis insistere multum,
Est operæ pretium. Magni &, SANCTONICE, veri

Sunt

a Si non ipso bonesto movemur, ut
viri boni sumus, sed utilitate aliqua
atque fructu, callidi sumus, non boni.
Nam quid faciet is in tenebris, qui ni-
hil times nisi testem, vel judicem? . . .
Qui virtutem pretio metiuntur, nul-
lam virtutem, nisi malitiam putant.
Cic. 1. de Leg.

Sunt morbi, quanquam non sentis ^a: imo minantur
 Iccirco casum graviorem, & taliter ægros
 Igne solent medici curare, altumque stuporem
 Excutere immisso vi ferro. In moribus autem
 Saucius, est satis ut patientem præbeat aurem,
 Atque fidem vero, curamque impendat honesto.

Vanum est ostentare humili, SANCTONICE, fronte
 Virtutem: colit illa animum, penetrale verendum
 Cordis habet dominans: hominem extra nomen inane est.
 An tu humilis ^b, qui gente nova satus, & mihi nota,
 Semper avos memoras atavosque, ubi sanguine clari
 Atque magis probitate viri decus illud, ut udum
 Calcavere lutum, exemplumque ab origine prisca,
 Non fumum cepere? Humilis tu, primus in omni
 Qui cupis esse loco, tristi qui concidis ore,
 Quum tibi quis titulos oblitus non dedit omnes,
 Aut non exhibuit sat prono vertice honorem?
 Nil usquam est vanum, si hoc non, SANCTONICE, vanum est.

At mihi succenses, vultumque ostendis acerbum,
 Audenti ambiguos animi penetrare recessus.
 Da veniam, quod sum vitium dicturus, apertum est.
 Si tibi momento non omni credimus, aut non
 Assentimur iis, narras quæcunque probasque,
 Turbaris, clamas, dominaris, ut imperiosus
 In servos herus, aut tardum induperator in agmen.
 Adde & vindictæ, quo forte moveris, amorem.
 Cur, siquis læsit me, vel pulsavit Amyntam,
 Frigidus es, nostroque malo nil tangeris? Imo
 Corripis iratos, suadesque ignoscere fonti.

Est

^a Ideo difficulter ad sanitatem pervenimus, quia nos agrotare nescimus. Sen. ep. 51.

^b Humilitas, ut vides, hoc loco Ascetarum sensu accipitur; nempe Virtus ea

eximia, quæ fundamentum est ceterarum: Apud antiquos Latinos & nomen vile quiddam & abjectum significabat, & Virtus prorsus ignorabatur.

Est animus siquidem parvus, quem injuria vincit .
 Hæc tibi, quum res nostra agitur, sententia constat,
 Digna quidem testisque viri sententia magni.
 At tibi si nocuit dicto, factove quis, ursum
 Tutius irritavisset: nam evadere ab urso
 Sæpe datum est, a te sors nemo recedit inultus.
 Ponticum ab officiis arces, Lepidumque ab honore
 Deturbas: nobis coram hunc, nos carpis iniquo
 Coram aliis animo. Luimus te iudice poenas
 Nostrorum scelerum, quæ Relligione revelas
 Motus, & officio censoris. Nam quod iniquum est,
 Non debet latuisse diu, ne serpat, & ulcus
 Proferat in partem sinceram, atque omnia perdat.
 Hic sancti flagrant impuris ignibus ignes,
 Atque profana piæ mista est, SANCTONICE, flammæ.
 Nam virtus violata minus, quam injuria pungit
 Te tua, & objecta virtute ulcisceris hostem.

Donec plena adeo tibi pendet mantica tergo,
 Eja age, jam frugi vir desine velle videri.
 Sis potius. Non difficilis res ulla volenti est.
 Certum ergo ad medium revocandi sunt tibi mores,
 Ultra quod, citraque nequit consistere rectum.

Numinis effigiem quondam efformare Sacerdos
 Mente volutabat, quum pruno occurrit, & ilam
 Protinus adnota tondetque ruitque securi,
 Atque orditur opus. Rectum de robore curvo
 Ut faceret, geminare ictus & vulnera anhelus
 Debuit, & tenuis superavit portio trunci.
 Ut frontem coepit formare auresque oculosque,
 Incidit in nodos, ferrumque hebetavit acutum
 Vincere duritiem constans: sed in ore remansit
 Læve licet, nævus multus, nec corpore toto
 Desuit. At gnavus livit gypsumque coloremque
 Antistes, simulacrum & castigavit ad unguem,

L

Et

Et plebi exposuit devotæ ^a rite colendum.
Ex pruno tantus labor est effingere Numen.

Nos ipsi sumus obliquæ, SANCTONICE, pruni,
Nodosæque; sacrum quemque ut redigamur ad usum,
Multo opus est ferro, multaue bipenne, recidat
Quæ trunci vitia, & ramos abscindat inanes.
Uni tanta penus ventri non convenit, unum
Non tot eget tunicis corpus. Gaza additur arcæ
Quid nova, ubi brevior restat via, funus & instat.
Jam cano capiti ^b? Quid fumus, & aura popelli
Debilibus lippisque oculis cerebroque caduco?

Hæc sunt abscindenda irritamenta malorum
Omnia, & incipies ex curva prunus habere
Formæ aliquid rectæ. Sed non hæc ultima rerum est.
Nitere concretos quoque pruno evellere nodos.
Sunt, qui nobiscum crescunt, SANCTONICE, nodi,
Non aliter tumuisse animo, quam rana, superbo,
Atque sibi soli mentem & partes sapientis
Contemptis aliis committere: protinus ira
Quidquid ob adversum ebullire, ac poscere poenas:
Velle omnes servire sibi, se subdere nulli.

Nodorum series horum est vincenda, priusquam
Osculâ, vota, preces populi mereatur imago;
Et siquis superest nævus, quo nemo carere
Est unquam visus, nisi pauci Numine pleni;
Expolias, patiensve feras. Fac denique de te
Auxilio Superûm, quod fecit rite Sacerdos
De pruno, & melior prima nova fama redibit;
Sectantem at fugiet levis, æternumque latebit.

LIBER

^a Propensæ ad Religionem secundum
significationem Christianæ Legis.

^b Potest quidquam esse absurdius,
quam quo minus via restat, eo plus via-

tici querere? Cat. Mag.

^c Gloria umbra virtutis est: fugien-
tes magis ac magis sequitur. Sen. de
Benet. c. 1.



LIBER TERTIUS

SERMO PRIMUS.

Laudat BENEDICTUM XIV. P. O. M. præcipue ob animi nitorem, ac sinceritatem. Transit hinc ad perstringendam simulationem, ac fraudes, quarum causæ præcipuæ sunt avaritia & ambitio: deinde ad Pontificis laudes regressitur.



P RIMA Te quanquam dignum,
 BENEDICTE, Thiara
 Omnia constituent, præscio de
 sanguine origo ^a
 Scilicet, & vultus Majestas
 & vigor ævi
 Et Patris bonitas & rebus na-
 ta gerendis
 Dexteritas & vita bonas tra-
 ducta per artes

Et probitas & Religio, qua cedere nulli
 Suevisti a puero: tamen his magis omnibus una

L 2

Me

^a Lambertus Nobilis Germanus cum præclarissimæ Gentis Lambertinæ auctor fuit. Vid. Hist. Boconien.

Me movet, atque rapit Virtus hoc tempore rara:
 Nempe animi nitor ille oculis manifestus & ore,
 Illa tenax veri sententia, quæ Tibi in omni
 Constat officio, media & concrevit in aula.

Hæc, BENEDICTE, Deo similem Te præstitit æque,
 Atque Petri Solium rerumque Suprema Potestas.
 Namque Deum nobis ostendit in omnia plenum
 Non magis imperium, quam quod verum omne fideli
 Pectore conclusit, nec quemquam fallere novit.
 Nostri o prodigium seculi! quo fucus obumbrat
 Omnia, nec sensus animorum verba revelant,
 Verba fide prisca vacua & contraria factis.

Majorum sanctos mores sinceraque dicta
 Turpis avaritia ^a infecit, corruptit iniqua
 Ambitio ^b: vitium quod utrumque cupidine fervet
 Immensa, atque ad se trahere omnia nititur, ad quæ
 Quum jus deficiat virtus & vera, necesse est
 Fraudes atque dolos moliri, fingere vultus,
 Pingere sermonem, verborum invertere sensum.

At procul est pestis Regum assentatio ^c nostri
 Principis a folio, sanctisque Penatibus. Ille est
 Veræ laudis amans, hæc falsæ prodiga sensim
 Incustoditas Magnorum illabitur aures,
 Pervaditque animos, & dulci corda veneno
 Imbuit. Ut nacta est male pronum pectus in iram,
 Vindictam laudat, compellit & ultro volentem
 Ulcisci: si quem transversis aspicit hircis
 Vultuque incessuque animi testarier ignem
 Incesti, pharetram gerit ipsa Cupidinis, arcum
 Concutit, infligit nullo medicabile vulnus

Tem-

^a Corrupti sunt depravatique mores
 admiratione divitiarum. 2. Offic.

^b Maxime adducuntur plerique, ut
 eas iustitia cupias oblivio, cum in bono-
 rum cupiditatem inciderint. 1. Offic.

^c Diogenes interrogatus, quam
 bestiam mortium haberet omnium nocen-
 tissimum, respondit: Si de feris inter-
 rogas, est obrectator, si de mansuetis,
 adulator. Lært. 1.9.

Tempore. Mentitis rationibus urget iniquam
Causam, ubi propendet iudex; ubi sacra profano
Ore quis attingit, convellit & impius, Obben
Induit, & foedo Spinosa pectore manat.^a
Ausu nefas tantum, quod crimen grande putabit?
Cum lurcone gulosa vorat, vacuatque trientes
Cum potore; rapit, vel coeco subtrahit ungue
Cum latrone, facit cumque omnibus omnia. Solam
Temnit egestatem, nec ledere parva veretur
Corpora. Suspicio de me siqua incidit Aulo,
Deque Lyco, melior mihi quo, nec anicior alter,
Hac fingente nefas, aut amplificante minuta,
Protinus efficimur Gyaris, aut carcere digni.

Ex nigro quid non album facit, aut ex albo
Nigrum? Adolescentes prognati sanguine claro
Vix primo tacti rationis lumine vitæ
Omnibus obseptum hinc vitiis, virtutibus illinc
Ingrediuntur iter: jam illorum sedulus hæret
Palpator lateri; discrimen turpe & honestum
Nullum inter reputans connivet, si illecebrosis
Principiis ætas improvida flagitiorum
Se dederit, si ludo si dapibusque meroque:
Frangi animum turpi concedit inertia, amor
Dat veniam, credit quæcunque licere juventæ.
Heu quam his feminibus patriæ seges ampla malorum
Imminet, hinc habitura quot est Respublica monstra!

Cur potius juvenes, animus quibus integer atque
Nativus rubet ore color, quum quidlibet audent,
Vir mulierve gravi non increpat ore, secaturque
Radicem vitii in duram quercum olim abituri,
Quam solum valido prosternet turbine lethum?

Cur

^a Semper augeat assentatio id, quod esse magnum. Cic. in Læl.
is, cujus ad voluptatem dicitur, vult

Cur nemo dicat, quæ res est tantula, verum? ^a
 Ne tantam recti trahat ignorantia turbam
 In scelera & fraudes. Verum non audiit unquam
 Picta & olens multa balanitide, nocte dieque
 Septa viris Lalage, quam Numinis instar adorant,
 Ni quod adorantes reverentia longius arcet
 A statuis Divûm. Verum non audiit unquam
 Anfatus, tumidis buccis, sermonis avarus,
 Qui solus pulcher, dives, sapiensque beatusque
 Est sibi Fronto; sumus nos turba & inutile vulgus.
 Pauca quis hæc vacuas utrique susurret in aures:
 Quod sic, Fronto, tumes, odium es juvenumque senumque.
 Tu famæ, Lalage, studiosior esto secundæ.
 Hoc nude dictum, sincero & pectore curat
 Sæpe graves morbos ^b. Est tanta potentia veri.

At verum illud ubi est? Spes lucri siqua refulget,
 Merx antiqua nova est, corrupta annona salubris,
 Luscus cernit equus, corrosus tabe valet bos.
 Nam quæ sunt avidis injusta negocia avaris?

Utile mentiri docet hos, mercede minori
 Mos alios docet urbanus civilis & usus.
 Omnia mancipiis sunt plena ad cuncta paratis
 Servitia: obsequiis fervet via, fervet & aer
 Nomine amicitia repetito iterumque iterumque.
 Hisce a mancipiis, ab amicis hisce venustis
 Posce aliquid; color ore fugit, vox faucibus hæret
 Conspecto velut angue; domi cras esse negabit
 Servus herum, quum pulsabis, frustra que redibis.

O qui-

^a Quia hæc sola esse videntur, ex quibus verum sapissime auditur; pueritia, somnus, imprudentia, vinolentia, insania. Cic. in Topic.

^b Est interdum ita perspicua veritas, ut tam infirmare nulla res possit. Pro

Quintio. C. Augusto sedenti pro tribunali ac mortis sententiam in multos pronuncianti redditæ sunt per manus multitudinis tabellæ Mæcenatis inscripto hoc monito: Surge carnifex. Surrexit illico Augustus, vitamque omnibus condonavit.

O quibus in latebris clausa est nitidissima Zona,
 Zona auro pretiosa magis purisque lapillis,
 Quam fugiens terras Dea veri ^b pulsa reliquit?
 Serpere nam falsum quum cerneret undique, fertur
 Paucos antiqua virtute, fideque vocatos
 Sic effata. Palam mihi vivere in orbe negatur,
 Vertitur & vitio verum. Mens est remeare
 Sedes ad superas. Ne sueti fallere, fallant
 Vos quoque, linquo meam vobis, ac divido Zonam.
 Incedet siquando animis formido, dolose
 Nequis agat dicatve, premet sub pollice partem
 Quisque suam, quoties labiumque manumque movebit.
 Quisquis is est, illum coget nova dicere verum
 Quæstio, & urgebit tormentis valdius ipsis.
 Namque insensibiles in conscia pectora trudit
 Particulas vero prægnantes perspicuoque,
 Evulsiße habiles falsum ab radicibus imis.

Illi consilio firmati & munere Divæ
 Noverunt fraudum artifices, vulpesque dolosas
 Altum riserunt jejuno ventre abeuntes.

Horum erat in numero juvenis prudensque probusque,
 Cui puero abstulerant nummosque domumque propinqui.
 Nec mora: prædones notos in jus vocat, Illi
 Soliciti ad testes concurrunt causidicosque,
 Addicuntque sibi pretio. Nec enim ardua res est
 Verba emere, & modico perjuria cogere lucro.
 Ergo die dicta partes se iudice coram
 Sistunt, turba ingens hinc, inde juvenculus unus.
 Incipit Hermogenes clarissima jura clientum
 Pectore facundus proferre & maximus ore.
 Tum iussus causam juvenis defendere, dextram
 Inserit in oculos tacitus, premit atque potentem

Fu-

^a Per Zonam hanc rationem & conscientiam intellige, cujus præcipua lex | est: *Non violare homines*. 1. Offic.
^b Veritas.

Funiculum. Rifu dignum & mirabile visu!
 Pallet caulidicus, vocesque in pectore tentat
 Claudere, sed frustra: invito labuntur ab ore.
 Ergo se orditur contra, & sua dicta refellens,
 Non cadet hic, inquit, causa. Bona namque propinqui
 Pupillo rapuere, & magna dicere contra
 Mercede hos homines meque induxere ^a. Parabant
 Talia dicentem jugulare; adeo ira pudorque
 Mentem incendebant. Zona at cogente, fatemur,
 Illi ajunt: falsum testes juravimus, ajunt:
 Imo crucem meritum se clamat hic, ille triremem. ^b

Forte quis expectat, quid Judex fecerit. Ipse
 Palluit & judex sese accusare paratus
 Multorum. Sed enim juvenis reverentia dextram
 Continuit, posita qui Zona ablata recepit,
 Eque foro mirum! quod adiverat unus inopisque,
 Victor multorumque opulentorumque recessit.

O Zona! o de te quis filum mi dabit unum,
 Quisve meis, genti ingenuæ, dabit alterum amicis,
 Quod circumpositas possit dissolvere fraudes,
 Et parasitorum nostro de limine turbam
 Pellere? Continuo premerem, quum Gellius ad me
 Ventitat, & Proceres numerat longo ordine, queis est
 Junctus amicitia, recitat quos nomine nudo,
 Et facit auctores longorum, quæ mihi narrat
 Nunc super Urbe, super nunc Cæsare, commentorum.
 Continuo premerem, quum schedas Gargilianus
 Dat mihi pro nummis, vel quum me poscit in aurem
 Mutua pauca dies in sex, septemve Mamercus.
 Quam sævis tunc aspicerent me luminibus, quam
 Torva fronte! Tamen majora pericla caverem,

Hos

^a Adversumne illum causam dicerem,
 cui veneram advocatus? Terent. in
 Adelph.

^b Nam se Judice nemo nocens absol-
 vitur. Juv.

Hos & feligerem, queis possem fidere tutus.

At venti mea vota ferunt. Fraus pestis ad instar
Aera corrumpit verbis effusa, monetam
Inticit & pannos, subrepat in interiora
Tecta hominum, violat penetralia sancta Deorum.
O quis nos miseros monstro servabit ab illo?

Tu, PRINCEPS, fraudes contra & perjuria nostrum es
Præsidium, fontesque dabunt Te vindice pœnas.
Falli non patitur tua Te sapientia. Quanti
Consent res hominum novisti, quamque caducis
Sint tibicinibus subnixæ: hinc fingere tota
Nil usquam vita didicisti, quod Tibi vero
Nil usquam visum est majus meliusve. Potestas
In populos, Regesque nihil mutavit in aureis
Moribus: exiguos homines affaris, ut ante,
Nec pateris tristes a Te discedere. Namque est
Ante alias res una animo Tibi fixa, Supremum
Quod non Pontificem faciunt Diademata terna,
Nec stipatorum longissimus ordo, beata
Nec vita inter opes, aurata palatia, pronos
Vertice, quum transis, homines, genibusque minores:
Sed pura in Superos pietas, constansque carensque
Labe animus, populum Patris complexus amore,
Et populus Patrem complexus amore vicissim
Certatim qui clamat io! sua gaudia testans
Sincero plausu, quoties datur ora tueri
Pontificis, qui pene sui rerumque suarum
Oblitus totas in publica commoda curas
Versat, & exemplo durum superare laborem
Usque suo docet urbanis juvenesque senesque
Rebus præfectos; Vir talis denique, quem non
A recto & vero fractus deterreat orbis.

SERMO SECUNDUS.

Sub persona Fabii probi senis deplorat parentum oscitantiam in educandis liberis, quorum licentiam arguit. Ostendit quot ac quanta mala ex prava educatione proveniant.



NTIQUE exemplum probita-
tis honorque senectæ,
Ille Tibi Fabius par, ANGE-
LE^a, moribus aureis,
Doctrina longo sed dissitus in-
tervallo,
Me convenit heri vultum de-
jectus honestum,
Imo & multa trahens suspiria
pectore sedit,

Et mihi vix totam tremulo dedit ore salutem.

Pallidus hortor ego fari, quid triste bidental^b
Moverit. Ille animis paulatim & voce recepta:
Nunc, inquit, capitis nulla est reverentia cani,
Nullus honor Superum pueris. Furit improba turba
Nunc quoque non procul hinc, & saxa fudesque præustas
Conjicit. In medios illapsus, ut huc veniebam,
Frustra objurgavi, frustra hunc illumque tenere
Sum nisus; nam de manibus mihi plura minantes
Evasere: tuas veni vix salvus in ædes:
Densa adeo lapidum grando est, & tempora circum
Sibilat aura. Senem multis consolor, & imam
Derivo in plebem facinus, tutatus honestæ
Gentis progeniem. Sed negligit ille loquentem,

Lon-

^a Michael Angelus Jacomellus Sum-
mi Pontificis Cappellanus secretus Vir
liberalibus quibulque disciplinis erudi-
tione omni omni que humanitate Clariss.

^b Quid infausti acciderit. Duorum
bidentum sacrificium fiebat pro expian-
dis locis fulmine tactis, & avertendo
malo gmine.

Longum imo orditur sermonem, ac talia fatur.

Quis vecors, quis mentis inops non ferveat ira
Tam iusta? Sobolem Lucina parentibus auget,
Et studium sobolis formandæ minuunt, &
Ad Nomades sensim & fuscas migravit ad Indos
Cura juventutis. Pauci sumus & prope balbi,
Qui juvenum vitiis obistere nitimur, & qui
Pullis hisce togis & solo nomine patres
Stentorea veros agitamus voce parentes,
Ut vigilent: sed deprensi minus accola Nili
Surdescit. Quid id est? Torpebimus, atque sedentes
In lapide obstipi ut lapides spectabimus? Euge,
Majores sumunt neglecta incendia vires:
Nemo suis non injiciat pro viribus undam.

Natus ut in magnis nitidisque Penatibus infans
Implorare suæ vagitibus atque querelis
Incipit auxilium matris, veluti reus ausus
Ingentis, patriis tectis expellitur exul,
Ut perturbator somni, mammaeque tenellæ.
Cur igitur natura ipsam turgescere mammam
Jussit lacte novo? num forte malagmatis^a esset
Ut cibus, an pueri? Nostræ sua pignora matres
Ab se abigunt: pudor o! generisque infamia nostri!
Et vaccæ cornu vitulos armoque tuentur,
Audet siquis eos propius mulcere. Bubulci
Aut cerdonis ei nutrix datur uxor. Horati,
Clama, & matronis Venusinam ostende lucernam:
„ Quo semel est imbuta recens, servabit odorem
„ Testa diu^b. Fratrî saxo, quod forte tenebat,
Tempora collisit, quum moenia Romulus Urbi
Poneret. Anne sapit feritas hæc ubera furvæ

M 2

Sæva

^a Medicamenti genus, quod matrum | gir & exsiccat.
lactibus applicatum, lac sensim exu- | ^b Lib. 1. epist. 2.

Sæva lupæ, quibus ille avido puer ore pendit? ^a

Ergo haud nascuntur mores, sed lacte bibuntur
Cum tepido, venisque fluunt, intrantque medullas,
Primo molle cibo quando coalescere corpus
Incipit. Ad Chionem redeamus, vel Telethufam,
Quæ nato Curii nutrix, natove Metelli
Contigit. Est animus primum levis atque pusillus,
Et qui pro picto cum Bassa litiget ovo
Acriter atque diu. Colus hinc & acus procul, una
Ars est nutricis fabella licenter amores
Insinuans, astus, triscuria, qualia vatum
Fex impura dedit pictis cantare flabellis,
Aut populo monstrat media Bagoa platea.

Dic modo, quos animos, quam mentem tam mala nutrix
Assaraci magni dabit, Enææque nepoti? ^b
Condimus in sulcis sterilis qui semen avenæ,
Et lolii, frustra segetem expectamus opimam &
Horrea Sardinia: sterili vescemur avena
Et lolio. Glandes antiquas non meret atas
Nostra; alios etenim mores ea pabula alebant.

Sed puer ecce uda bimus, trimusve culina,
Aut rure inter oves vaccasque caprasque salaces
Nutritus vultu fusco redit atque tument
Ventriculo, similis proli, quam rustica mater
Ligna domum referens enixa sub arbore fudit.
Agrestem at subito mutabit in urbe colorem,
Exuet arva. Utinam coleret camposque casasque
Rusticus æternum, ne luxum disceret urbis,
Neve domus pudibunda suæ. Vix reddere voces
Scit miser, ore vomit jam sesquipedalia verba,

Quæ.

^a Corpus infantis benigne ingenitis
primordiis inchoatum insitivo degene-
rique alimento lactis alieni corrumpi-
tur. Phavor. apud Aul. Gel. l. 12. c. 17.

^b Scilicet expellat, ut nutrix tra-
das honestos,
Atque alios mores, quam quos habet
Juv. Sat. 5.

Quæ proferre pudet. Didicit tamen illa docente
Osceno famulo, cui collo sarcina pendet
Sæpe, genisque genas jungens atque oribus ora,
Criminis ante lucem, crimen quam noverit esse,
Imbibit. Ipso etiam didicit, quis crederet? ipso
Patre, afflat crebris olidos quum vocibus hircos.
O pater! o tunica dignissime serve molesta! ^a

Parte domus alia cum matre puellula cantat,
Quas iterum mollis repetebat Apogonus ^b odas,
Quum plenis Bacchi resonarent festa theatri.
Spicula scit quot amor gerit, & quot vulnera fecit,
Quo calet igne Helene, quo Dido. Posce quid alti
Lex Vaticanæ jubeat nos credere, quodve
Sit dubitare nefas ablutis Flumine sacro:
Ungues rodit inops verbis, tam garrula primum,
Pallet, nescit. Erant quum ignita forcipe crines
Vibrandi, cerussa genis pingenda, vel imæ
Plurimus & sensim succrescens ordine quino
Circulus aptandus pallæ, quo cedere lata
Nos jubet una via mulier, mala perdidit horas
Pontia sæpe duas, & avitæ dogmata legis
Vel nunquam natam docuit, vel stans pede in uno
Dimidiis dixit duo vel tria verbula labris.
Scilicet hoc natam, quod nesciat ipsa, docebit.

Heu quos ad mores devenimus! Abdidit olim
Ut sacrum Cereris sua pignora sedula mater,
Secum asservavit conclusa in pariete eodem,
Quamquam nullus adhuc digitis, & nullus ocellis
Sermo esset, spissas repetito corde tabellas
Nec dum ferret anus. Viguit sanctissimus olim
Mos, ne proferret jam grandis virgo fenestra.

Ad

^a Tunica molesta ignis alimentis illi-
ta, ac mox succensa obvolutos nocentes
amburebat. Juv. & Seuec.

^b Nomen græcum, cujus significatio,
sine bagba, vel imberbis.

Ad murmur quodcunque caput : ne sciret in omnem
 Filius ire viam, quanquam barbatus, & illi
 Otia, amicorum longissima turba, popina,
 Alea, erant teneri prope barbara nomina amores.

At nunc liberior juvenis, quum Luna renidet,
 Mussat ad ædículas & limina nigra, vel undam
 Quantum hydrops, potat calidam, versatque fritillum.
 Auratis gaudet crepidis patulaque puella
 Tibia in omne foro, festo in quocunque videri;
 Tussit ad hunc, illi ridet loquiturque videndo.
 I modo, & ex animo pelle omniem suspicionem.
 Nulla hoc Penelope, nulla hoc Lucretia fecit.

Non sat erant igitur privata pericula? Perge,
 Plurima sæpe domo congesta videbis in una.
 Prostant expositi venientibus ultro libelli
 Et numeris & lege soluta poemata versus,
 Atque pudicitia^a, quæ forte Propertius, & qui
 Illi adjunguntur, magis erubuisse docerent.
 Quis Veneris tabulas dicet, quis signa Priapi
 Nudos & Satyros Nymphas & in amne natantes,
 Sulphureas, plusquam Phlegeton, revomente favillas?

Hæc sunt muta malæ instrumenta libidinis. Ore
 Prædita vix numeres. Parasitus, scurra, choraules,
 Comoedus, cantor Proculejæ qualibet hora in
 Ædes conveniunt, nec cuiquam janitor obstat.
 Occurrunt pueri, virguncula & ipsa salutem
 Accipit & reddit; matrem dumque occupat ille,
 Hospitibus nati colludunt. Gelliola aures
 Tendit & os, auctas^b nuper dum vellicat Ollus
 Psalterii chordas protensis unguibus instar
 Accipitris. Terram Cospus majorque fororum

Alatis

^a Poëmata prosaica, Italice Romanzi, plerunque libidinum ac facinororum plena.

^b Non pridem egregius siccen antiquis psalterii chordis novas addidit, quæ multo jucundiores sonum efficiunt.

Alatis pulfant pedibus simul: alea pernox
Luditur inde: pater nato, qui ludit & ipse
Coram, Numinibus convicia torquet ab ore
Sacrilego. Medium quum nox pertransiit axem,
Ad coenam, sibi qua linxisset Apicius unctos
Absterfis patinis digitos, puerique virique
Foeminaque accumbunt mixti, dapibusque meroque
Indulgent, donec vicina e turre Cucullus
Adventare diem Campano præmonet ære.

Et querimur prisce si non vestigia recti
Ulla manent? nostri si vincunt improbitate
Nequitiaque senes pueri innuptæque puellæ?
Nos ipsi, quibus hæc tumidum faciunt, & acuta
Bile jecur mordent, nos ipsi mole trahentis
Exempli rueremus in omnia, niquis ab illo
Gurgite nos miserans Deus eripuisset: & uda
Mollior argilla juvenum natura resistet
Nunc oculis vitio, nunc auribus insidiant
Viribus Herculeis? Limum ad præcordia Titan
Quemlibet efformanda paret, peccare timentem
Particulam insinuet Jovis ipsius. Ire deorsum
Posse ignes credam, posse ire & flumina sursum:
At non exemplis coram tam turpibus ullum
Immunem vitiis fore credam, aut labe carentem.

O nati! o Divis jam turba invisæ parentum
Ob scelera & fraudes! O terque quaterque beati,
Si catulos, vel equos vobis natura dedisset
Esse! Canem pectit, gremio fovet, amne lavat, nec
Blandiri quemcunque sinit Cæsonia: nutrit
Ipse suos Lepidus mannos, caudamque jubaque
Crispat, & arguto detergit pectine sordes.

» Vos viles pulli nati infelicibus ovibus *

Vos

Vos soli manibus patriis cultuque caretis. ^a

At patres natorum hostes sævæque novercæ,
Vos quanta mihi voce datum est, vos bile senectæ
Fatidica alloquor admoncoque. Mihi arrigite aures.
Illa dies veniet, qua philtro percita vappæ
Filia nubet, onusta prius, vestrique suique
Dedecus; atque aliquo discedet cum nebulone.
Psallit enim, saltat, callet citharam, atque cicutam. ^b

Si tanto est animo, tanta si fronte puella,
Quid non audebit frater? Non dissipta lux est
Illa, nec ad Græcas me vate ferenda kalendas, ^c
Solvendo qua non æquus patrimonia vendet,
Inque diem vestes a foædo quæret Apella, ^d
Incolet & magnam nitida pro sede popinam,
Commistus nautis caloniibus & fugitivis;
Ille idem, qui nunc nil præter nomina magna
Ampullasque sonat, qui censum fundit equestrem
In vestes, currus, epulas, famulosque canesque.
Desino; namque meo jam terreor omne vates.

Ut Stygiæ Eumenides natorum admissa agitant
Confectos vitiis & longa ætate parentes,
Optantesque mori. Tetricæ sed flamina ducent
Ultiora Deæ, quibus inter mortis amorem
Atque odium vitæ suspensi culmine ab alto
Procubuisse domum videant & fata suorum
Communi culpa communi clade ruentum;
Ut tandem pectus transfixi vulnere acerbo
Nec surdum esse Deum, nec Tirefiam ^e fateantur.

Hic

^a Majorem asinorum & equorum, quam filiorum curam habemus. S. Jo. Chrylost. hom. 60. in Matth.

^b Semproni didicerat psallere & saltare elegantius, quam necesse est proba. Silii.

^c Græci nullas kalendas habent.

^d Judæo.

^e Tirefias vates Thebanus fuit oculis captus. Ponitur pro cæco: ut Juv. Sat. 13.

Nec surdum, nec Tirefiam quemquam esse Deorum.

SERMO SECUNDUS.

97

Hic tandem senior finem dedit ore loquendi.

Quæ memini, retuli tibi, JACOMELLE, calenti
Igne pari studioque, malos ut & ipse parentes
Excultas, promens meliori tela pharetra.

SERMO TERTIUS.

*Bassum rigidum aliorum censorem reprehendit, & hortatur
ut primum de se iudicium instituat. Addit utilia monita.*



ASSE, novi quid ab urbe? bo-
nus si nuncius intras,
Sterno tibi limen myrto lau-
roque virenti.
Sin prisco de more venis que-
siturus, & affers
Mille mihi causas, quas non
ego pondero, nec tu
Legitimus iudex, hodie mihi
gratus abibis.

Nam mihi sunt, quanquam non magna negocia, & illud
Præcipuum, pugnis quod tundere pectora nolo,
Scindere nolo miser vestes. Sit fortis oportet,
Hæc qui non faciat te narratore. Libido
In vetitos egit thalamos hunc, impulit illum
Turpis avarities aconito efferre parentem,
Iste fidem violavit, opes sacri hospitis ille
Abstulit; & reliquas dum fraudes atque pudenda
Facta hominum recitas, mihi perdita labitur hora,
Vulnus & infixum sub corde diutius hæret,
Quum non posse mihi hanc detur fulcire ruinam,
Nec meus apta malo medicamina proferat hortus.

BASSE, peto hanc veniam: quoniam te sæpe querentem
Perversos hominum mores, altumque gementem

N

Audi-

Audiui: stimulabat enim reverentia amorque
 Me meus erga te; patienter ut ipse vicissim
 Utiliora feras meditantem dicere, teque
 Pauca monere, quibus ducas tranquillius ævum.

Humanum est peccare. Lues ab origine nostri
 Sanguinis hæc fluxit, pervasit & ima nepotum
 Viscera, nequidquam & munitas osse medullas.
 Ex hac quisque penu vitiorum qualibet haurit
 Multa die, præceps & pondere fertur avito.
 Totum percurras hominum genus: optinus ille est,
 Quem pudet admissi^b, vel providus ante pudorem
 Abstinent magnis. Immenso si duo tresve
 Excipis e numero, sordebit cetera turba,
 Nec tu immunis eris, si te bene concutis ipsum.

Verum, BASSE, hodie tibi dicit amicus: æqui
 Consule. Nos vitiis ipsi, qui carpimus omnes,
 Non sumus expertes. Sæpe est, quem lege severa
 Damnamus, nobis melior: namque hunc sua saltem
 Demissum facit improbitas; at nostra superbos
 Nos facit, atque sibi trux arrogat omnia virtus.^c

Cur indignamur vitiis, odioque scelestos
 Insequimur, nisi quod sanctis parere recusant
 Legibus, & molles sibi quidquid amica cupido
 Suaferit, indulgent large virtute relicta?

At lex prima jubet, quos ædes accipit una,
 Quos urbs una suis concludit moenibus, illos
 Ut communis amor nodo devinciat arcto;^d

Par-

^a Chilo dicere consueverat: Cave a te ipso. Omnes sibi cavent ab aliis: at nemo magis est hostis homini, quam homo sibi, dum libidinem, iram, ambitionem, aliasque cupiditates addibet in consilium. Lært. l. i. c. 4.

^b Quem pœnitet peccasse, pene est innocens. Sen. in Agamem.

^c Meliora sunt peccata cum humilitate, quam innocentia cum superbia. Opt. Milevit. l. 2. contra Donat.

^d Natura nos cognatos edidit, cum ex iisdem & in eadem gigneret. Hæc nobis amorem indidit mutuum, & sociabiles fecit. Sen. ep. 93.

Parcat ut hic vitiis illius, ut omnia de se
Quæ dici metuit, de quovis dicere servo
Abstineat; demum ut stomacho moderetur acerbis,
Iram & contineat. Quæ si bona demseris, ædes
Claude tuas, urbis portas claudamus, & antra
Tutius ingrediamur; erit nam nil ibi tantum
Quod formidemus ^a. Tetigi jam vulnus; amicam
Ne fuge, BASSE, manum. Morbo vexaris eodem
Quo illi ipsi, quibus indignaris. Quid ni ita? Nunquam
Mitis enim bilem cohibes. Hic paret amori,
Ille gulæ, pares stimulis tu tristibus iræ.
Ergo es mancipium, sola est diversa tyrannis.

Nemo sapit tibi, nemo placet. Damnare triremi
Nunc Lepidum velles, nunc Paulam carcere nuper
Erecto ad Tiberim, triplici quo sæva libido
Crate coercetur ^b. Statuis sed tu tibi nullam
Pro ingenti hoc fastu pœnam, sævoque reorum
Contentu ^c. Cedo, reus est & iniquus uterque,
Quem damnas; sed tu non insons, BASSE, nec æquus,
Qui sine rubrica pratoris crimina plectis.

Adde quod in multis ingentia tubera amicis
Fers me teste, aliis verrucas objicis, ipsos
Vertis & in faciem nævos, & in ora Medusæ.
Usque adeo verum est, quod nos vitia ipsa aliorum
Delectant, aliorum virtutem odimus ipsam. ^d

N 2

Heu!

^a Fera potius, quam ira, unde homi-
ni cohabitandum est: nam illa quum se-
mel mansucfacta fuerit, suam servat
legem: hunc autem quoties mitigave-
ris, rursus effratur. S. Jo. Chrysost.
hom. 29. ad pop.

^b Carceris facies exhibet inscriptio-
nem hanc:

CLEMENTI. XII. PONT. MAX.
CORCENDÆ. NVLLIVM. LICENTIÆ
ET. CRIMINIBVS. VINDICANDIS

ANNO. 1735.

^c Ut quisque est vir optimus, ita dis-
ficillime esse alios improbes suspicatur:
Cic. ad Q. Fratr.

^d At nos virtutes ipsas invertimus,
atque

Sincerum cupimus vas incrustare.

Probus quis

Nobiscum vivit, multum est demissus
homo: illi

Tardo cognomen pingui damus &c.

Hor. l. 1. Sat. 3.

Heu! qui castigatque auditque dolos ab amore
 Liber & invidia, non hac te lance nec hoc te
 Pondere discutiet. Facies hunc nulla movebit,
 Nullum thus mistum nigra pice. BASSE, sed ad nos
 Jam redeamus. Inest nobis genitricis ab alvo
 Ambitio quædam, qua possumus omnia soli,
 Soli recte agimus^a, sapimus, solique caremus
 Omni labe. Fit hinc ut quod non suasimus ipsi,
 Longe quidquid id est, a libra atque ungue recedat,
 Quod non consulimus, recto aut sermone docemus,
 Id commune bonum labefactet, moribus obstit.

Sunt, qui forte putent ex nostris hisce querelis
 Æqui nos pretio tangi, & virtutis amore: ^b
 At sunt nare alii sicca magis atque sagaci,
 Qui nos perpetua sub veste latente lucerna
 Vestigare putant aliquod jus imperiumque
 In populum. Mihi dic, hos fallit opinio, an illos?
 BASSE, laboramus, quum verum se objicit ultro.

Ergo qui tumidi sumus ambitione, superbi,
 Iracundi, acres, capitosi, quidquid & isti
 Cognatum est vitiis, totas efflabimus iras
 In miseros, multa qui nos virtute probisque
 Moribus interdum superant? damnabimus omnes,
 Omnes perdemus nobis impunibus hisque,
 Quos, quod adulantur, præstantve quid utile, amamus?
 O probrum! o duras super omnia marmora frontes!

Æquam nulla tulit lex poenam talibus ausis.
 Credidit ingenuo quod forte pudore luemus,
 Occultoque animum quatiemus verbere tantæ
 Fraudis participem. Sed me indignatio agebat

Im-

^a Homine imperito nunquam quidquam injustus,
 Qui, nisi quod ipse fecit, nihil re-
 dum putat. Ter. in Adelp.

^b Non ex singulis vocibus philosophi
 spectandi sunt, sed ex perpetuitate at-
 que constantia; resque spectari oportet,
 non verba. Cic. 5. Tulc.

Improvisa animo. Musæ, clementius œstrum
Inspirate mihi. Fama est animalia quondam
Convenisse simul, quo se quodcunque tueri
Contra vim posset sociorum, & ferre querelas
De furtoque doloque malo. Sedet ore severo
Arrectisque júbis leo judex; undique circum
Stat turba, e silvis pars plurima, plurima ab agris.

Ut tandem facta est dicendi cuique potestas,
Hirtum & parvum animal, cui nomen ericius, ante
Surgit equumque bovemque: tumet, sput, excreat ora
Componens ad verba. Canem, qui proximus illi
Sederat, accusat primum male mobilis iræ;
Deinde lupum famis omnivoræ, leporemque timoris
Imprudens, ovem stolidam, vulpemque dolosam,
Socordemque asinum. Demum mala bestia nulli
Parcit: quin lacrimans subdit sibi quodque malignum
Parte nocere aliqua, vel quum ab sede aggrediuntur
Pellere, vel multo quum parta labore rapaci
Dente petunt. Referens hæc tota exæstuat ira.

Dudum at divisus brutorum hinc, inde ferarum
Grex frendebat. Equus nutu veniaque leonis
Occipit, & multis ex ordine multa refellit.
Addit plura senex rauco pulmone jugo bos
Tritus & assiduo. Sed nullum vulpe resolvit
Clarius ambiguam litem. Confederat imo
Illa tribunali, sese & surdescere fingens,
Accedat propius, quæso inquit, ericius; aures
Nam stupere mihi, voxque est exilior illi.

Imperat hunc subito judex procedere. At ecce
Judicis ante oculos dum repit, sauciat omnes.
Jamque propinquarat demissa & fronte leonem
Pronus adorabat, quum figens oscula fixit
Spicula multa. Pedem retrahit leo fervidus ira,
Hocque est, hoc, inquit, monstrum, quod bruta, ferasque

Au-

Audet me coram accusare? Apagete pusillum
Hinc animal, sed grande malum, detrudite subtus
Terram: ne posthac conturbet qualiacunque
Utlibet in nostro fiunt commercia regno.

Dixit, & extemplo fuit in scrobem ericius altam
Trusus, ubi latitat, potis est nec lædere quemquam,
Seque ferunt, vel ab hoste cavent animalia noto.

Fabula, BASSE, feret tibi commoda plura, pilosos
Qui carpis multa vestitus cuspide. Primum

Stultum est, contra omnes privatum nitier, alba
Ex nigris facere & moderari cuncta volentem.

Hoc nulli sceptro licuit, nec fascibus ullis,
Multaque prætereunt laquei, rigidæque secures.
Mendis quid si idem multis scatet, audet & ollam
Appellare nigram, & ridere nigerrimus ipse?

Deinde malos homines juvat inter vivere, sicut
Inter deformes. Nam suscitamus ora videre,
Qualia, Dj Superi! sima, atra, pudenda, quibus non
Æthiopes possint, non invidisse Lapones.
Sed præstat media Sapientem excedere turba,
Inque salubri ægram mentem curare recessu,
Et quas in nobis fastidit, tollere rugas.

Denique, BASSE, nefas si nullum admissimus, ausi
Nec fumus, expurgent quæ Centum-crimina-Cellæ,^a
Debemus Superis grates. Hi sæpe superbis
Hanc statuunt poenam, patrent ut turpia nocte,
Postera lux retegat. Qui lapsus errore, lutove
Præ fragili ridet facile, cras fiet adulter,
Tota & cantabit cum compare rumor in urbe.

Postremum monitum memor esto ante omnia mente
Condere. Nos inter tenues, queis publica non sunt
Munera, censor erit vitiorum æquissimus ille,
Qui tacet, & sola morum probitate perorat.

SER-

^a Centum-cellis triremibus aut ergastulo criminum penas luunt flagitiosi.

SERMO QUARTUS.

103

CLEMENTIS XII. vitam imitandam proponit Nobilibus Adolescentibus in Ecclesiasticis Dignitatibus initiandis.



E Custos hominum, CLEMENS,
Te **Maxime** Regum,
Parque Diis Superis, humili
celebrare camœna,
Et novus audebo Vates? At
Jupiter **ipse**
Non semper tauros aurata
fronte venire
Ad sua sacra videt. Proceres
maestent hecatomben: *

Far dabit & fruges modici possessor agelli,
Nec tamen ille minus veniet Djs carus ad aram;
Quam Proceres, si pura feret munuscula dextra.
Hoc ego deductum meditatus arundine carmen
Offero, Magne Pater. Forſan Te digna loquentur
Arcades imbuti toto præcordia Phœbo:
Sed non me studio, laudum nec amore tuarum
Vincent, hoc cæli testor spirabile lumen.
Ergo mihi, CLEMENS, adſis Deus alter, & audi
Vera quidem de Te vatis licet ore loquentem.

Quum Titan hominem fragili componere limo
Constituit, naturam inter brutumque Deumque
Mente agitans mediam, Divinæ particula auræ,
Æthere vel rutilo, certe est cælestis origo
Illi, animum finxit puris virtutibus aptum,
Deque Diis multum referentem. Tum grave coepit
Corpus humo madida, conjunxit & undique partes

Dis-

* Sacrificii genus, in quo centena-
bus generis victimarum, v. g. centum-
boves maestabantur: ut Juven. Sat. 12.
Exsunt, qui promittant hecatomben.

Dissectas variis animalibus, unde cupido,
 Unde timor, nostrorum ingens & turba malorum
 Profluxit. Tamen ille luto meliore creavit
 Quosdam, nec tantum terrestre irrepere pondus
 Mollia concessit sub pectora, posset ut illam
 Divinæ lucem mentis vel corpore tardo,
 Vel vltii illecebris tetra & caliginæ culpæ
 Obruere. Heroas semper comitatur amicū
 Tutaturque aliquod Numen vel ab ubere matrum.

Ergo **CORSINUM** antiquo quum sanguine cœpit
 Formare Heroem, Deus adfuit ille Virorum
 Nobilium Deus: hunc gens prisca vocavit Honorem.
 Adfuit incorruptus Honor. Si patria nomen
 Illustrat, nasci Regalem vidit ad Arnum,
 Quo qui fonte bibunt ad honestas promptius artes
 Ingeniumque ferunt, veræque cupidine laudis
 Et maria & terras & sidera gentis Etruscæ
 Fama impleverunt. Sed te pulcherrima rerum,
 Te Regum & Divūm magnam, Florentia, matrem
 Non opis est celebrare meæ, quam fertilis Arni
 Ad ripas dicunt centum, & modulantur olores.

Pergite, Pierides. Si mores donat avorum
 Sanguis, Honor gentis maternæ hinc, inde paternæ
CORSINO priscumque genus * nomenque superbum
 Præstitit & mistum Superis. Date lilia plenis,
 Romulidæ, manibus, date plenam thuris acerram.
ANDREAS magno supera de sede Nepoti
 Magnus avus plaudit, divini habiturus Honoris
 Illum participem, quum integrum expleverit avum.

Huc ades, o primo lætissima flore Juventa;
 Jam Puer ingenuus tibi crescit, & atria lustrat
 Ornata Heroum signis & imagine multa

Vir-

* Vid. inter alios *Genealogr. Gambur. in Nob. Fam. vol. 3. p. 143.*

Virtutis patriæ. Stupet intentusque videndo
Nunc hujus nomen, nunc postulat illius arma.

Tum pater ostendit clypeos hastasque sagittasque
Et veterum monumenta ducum, qui vulnera passi,
Dum patriam servant, inimica vel oppida cingunt,
Victores ostendit avos, fusa agmina narrat
Attonito simili, Martisque accendit amorem,
Et tenero jam laus in pectore bellica fervet.

At fulvum infantem retrahens subtuibida mater,
Ne mea vita, inquit, ne lux mea, amaveris istos
Tam sævos vultus indutaque pectora ferro.

Hos potius. Placidas frontes atque ora verenda
Pontificum monstrat, quorum pars splenduit ostro,
Splendet & erectus super athera plurimus ordo.

Matris Honor votis respondet; & ægide & hasta
Deposita, qualisque solet se ferre videndam
Coetibus Arcadiæ vultuque animoque serenam,
Pallada se talem CORSINO offerre bonisque
Artibus informare jubet. Non fluminis alveum
Pervolat ulla ratis, quum prono labitur amne,
Vix remo tangente solum, vix carbasa vento,
Ut facili ingenio studii genus omne peregit
Assiduus Juvenis victo pede, sive soluto
Dicere, vel dubias rerum perquirere causas,
Vel sacra jura libet, non ulli laude secundus.

At qualem variis junxit vitæ integer usque
Virtutem studiis! quos mores quamque pudicos!
Sic opifex ebore in laevi nitidoque smaragdus,
Aut rutilo includit gemmas Garamantides auro.

O juvenes, juvenes! quorum labor unus, & una est
Cura comæ ferro crispandæ, vultus amici
Censura speculi pingendus, odore Sabæo
Ungendum caput, & perdendi temporis index
Lata monstrandus vitta flavaque rubraque,

O

Clas-

Clavicula feriente oculos duplicique sigillo:
 Me numerare pudet ludos, convivia, amores,
 Et quibus in vitiis robur consumitis ævi.
 Ite gynecæis aptissima turba, nec ullam
 Pascite spem populi post tot commissâ regendi.
 Res alios homines hæc poscit & arte subactum
 Longa animum & plenum generoso pectus honesto.
 Vos molles animæ... Sed quo me Phoebus agebat?

Parce decus magnæ, *CORSINE*, & gloria Romæ,
 Parce; tuis me tam contraria moribus ætas
 Obliquum abstulerat: virtus tua sideris instar
 Errantem revocat. Vix Te deduxit in Urbem
 Ille tuo lateri custos affixus in omne
 Tempus Honor, rosei divina modestia vultus,
 Candor & integritas animi, fidumque colendæ
 Pectus amicitiz Tibi conciliavit amorem
 Romulidum. Quæ turba tuas non fluxit in ædes
 Nocte dieque? tuæ quem non cultissima lingua
 Gratia devinxit? Venit, qui rostra diserto
 Personat ore, lyra qui carmina fundit eburna,
 Venit Eques nitidus, Patres venere togati.
 Quisque tua melior, vel doctior æde recessit,
 Nemo nimis facilem te questus, nemo severum.

Sic ubi vere novo genialis floruit hortus,
 Undique cogit apes odor æthere fusus aperto.
 Illæ nectareos flores & olentia nactæ
 Pascua perque rosas funduntur perque ligustra:
 Quum tandem ceraque graves & melle volatu
 Se denso attollunt, & grato murmure parvos
 Ad foetus referunt & odoras munera cellas.

Quid moror? Heroem dum clara celebrat in Urbe

Fama,

^a Qui voluptatibus ducuntur, & se
 victorum illecebris & cupiditatum le-
 neciis dederunt, missos faciunt honores, nec attingant Remp.; patiantur viros
 fortes labore suo perfrui. Cic. pro Sest.

Fama ; trahitque homines, adfunt quoque Numina . Leges
Et res humanas Themis offert , Sacra Deosque
Religio insigni pietate & fortibus ausis
Commendatque Viro , crinesque biventice mitra
Ornat , & Assirio fulgere nitentius ostro
Imperat . Inviſto quid dignum Interprete legum
Dicere , quid tanto Sacrorum Præſide , Muſæ
Poſſumus , Heſpiades Muſæ ? Nil ſanctius ore ,
Quum pia vota facit , nil dextra largius , aris
Cum dona imponit , templiſque inſtaurat honores .
At nos inceſſumque gravem vultumque decorum ,
Nos pietas veſtes Phrygiam miramur & artem ,
Vos ſoli latebras animi , vos corda videtis
Interiora , Dii . Quanta eſt in pectore virtus ,
Quantus amor ! Divos movet hæc pietasque fideſque ,
Non mitra , non vittæ , non pingui de grege tauri .

At Sacris functus ſanctarum oracula legum
Dicturus procedit . Io , properemus egentes ,
Turba ſoluta metu . Liſtore ſeverior omni
Noſtra hoc paupertas non nos ab limine pellet .
Nomine nam ſolo diſſert a divite pauper
Judice CORSINO . Nil foeda pecunia lites ,
Nil metus , aut odium , nil gratia promovet , una
Certa patrocinii cauſa eſt , quæ nititur æquo .

Discite juſtitiam , quibus eſt agitare poteſtas
Faſque neſaſque * . Tegunt ingentia crimina ſæpe
Nobilitas & opes : reus eſt , cui deficit aurum .
Heu pudor ! heu diro vadimonia prodita lucro !
Talia CORSINI non vidit monſtra tribunal ;
Judice , cui ſemper Themis adfuit altior ipſo .

O dignam imperio virtutem ! o nata coronæ
Tempora ! Jam dudum mens dextera rebus agendis ,

O 2

Pro-

* Cum Juuſci dicenda ſententia eſt , mentem ſuam , qua nihil homini dedit
meminerit ſe Deum habere teſtem , id eſt , ipſe Deus divinius . 3. Offic.

Propositive tenax & vultu semper eodem
Fortunam excipiens variam, jam Palladis artes
Et res ambigua Latique negocia regni
Hunc exposcebant Regem. Communia cives
Detulerant positæque procul suffragia gentes,
Ante sacer ferret quam vota fidemque Senatus.
Jam Princeps, jam dictus erat patriæ Pater ante,
Quam fieret. Nostris extremo hoc tempore Divi
Præsidium rebus nostræ columenque salutis
Tutelamque animæ servarunt. Ipse Tiam
Innumeris metitus Honor virtutibus annos,
Imposuit capiti, & terra, inquit, & alma senescat
Sub Duce Roma suo, simul aurea secula ducat.
Semper ego sistam veræ in vestigia laudis,
Sufficiamque pares animos nomenque decusque.
Dixit, & ingenti plausu nova gaudia cives
Testantur, cælum læto clamore resultat.

Tum CLEMENS hominum curam subit imperiumque
Non alio vultu, quam quo grave pondus Olympi
Cepit Atlas humeris, latera ardua nixus, & artes
Et prius experiens iterumque iterumque valerent
Quid vires. Subiit tandem, fortisque ferendo
Fit magis, & facili jam sidera vertice fulcit.

Salve, Magne Pater, quo sospite Vaticanum
Sospes erit, septemque dabit longa otia colles
Ducere, & antiquæ monimenta resurgere Romæ,
Atque per Ænotriæ reduces dominarier urbes
Iustitiam doctasque artes vitæque beatæ
Commoda. Salve iterum, mundi decus, inelyta Divûm
Progenies: Phryxi Tibi vellere stamina Parca
Dum nebunt, radiosque suos intextet Apollo;
CLEMENTEM atque iterum CLEMENTEM publica vota,
Et communis amor CLEMENTEM ad sidera tollent,
Sidera cognatum resonabunt aurea Nomen.

SER-

SERMO QUINTUS.

Friderico Electorali Principi Saxonie in Academia Arcadam variis floribus & frondibus coronato defert animorum imperium. Docet de instituto & de rebus Arcadiae, cujus laudes cum ejusdem Principis laudibus prosequitur.



ULTIPLICI nitidos quoniam,
FRIDERICE, capillos
Nostri ornaverunt Tibi flore
& fronde Poëtae;
Non etenim possunt alias da-
re rura coronas:
O Flos Saxonici purissime,
Sanguinis atque
Austriaci, cape sceptrum novi
florentia Regni,

Non quæ Saxonie Gens inclita gessit ab annis
Innumerabilibus, non quæ gessere vetusti
Induperatores de Gente tua^a, generosæ
Nec quæ gessit Avus Scythiæ, nec quæ gerit & nunc,
Et longæva ætate geret Pater optimus; at quæ
Plausibus & lætis hodie Tibi vocibus omnes
Arcades uno ore, uno animo, uno corde tulerunt.
Ecquid enim, quid non, FRIDERICE AUGUSTE, mereris?

Ingrederere^b, o felix, nec nostra mapalia temne,
Nostri Rex animi, nostrorum Rex & amorum
Ingrederere. At pendes, & circum lumina volvis,
Quod fortasse Tui dignum nihil undique cernis.

Per-

^a Henricus I. Otho Magnus, Otho II. Otho III. & Lotharius II. Vid. *Virdichil.* in Chron. Sax. Sigeb. Frising. & alios Script. Vit. Imp.

^b Adiverat Academiam Latinam haberi solitum in Aedibus Custodis Gen.

Arcadiæ, ubi maximo plausu frequentissimi Coetus exceptus & omni carminum genere celebratus inter Arcades minime dubia cum voluptate acclamatus est, ac dictus Lufatius Argireus.

Perge tamen, Juvenum pulcherrime, vilia quamvis
Exteriora Tibi Arcadiæ videantur, & agros
Despicias & pecudes & aratra: introspecte nostros
Eja animos, ubi facta Tibi regnare potestas.

Nos intra meliora latent. Concordia nostræ est
Gentis Stemma ^a. Probos ea primum junxit in unum
Pastores, fumus unde sati, facilesque parentum
Servamus mores ^b. Sincero pectore quisque
Quemque colit; nemo rebus macrescit opimis
Alterius, nemo ferus ambitione vel ira
Turbat amicitiam: rixas & jurgia vultu
Phylacidas placido arceret, nec eo duce quisquam
Deviis erraret ^c. Nos continet unus honesti
Limes, & una simul ducit nos semita iusti.

Jamne tui, o Princeps fortunatissime, Regni
Incipis agnovisse bonum pretiosius auro,
Clarius argento, gemmis præstantius ipsis?
Incipit en oculis nobis connivet amicis, ^d
Nosque sua egregius virtute & moribus aureis
Meritur. Grandes animæ sic non bona cœcæ
Expendisse solent fortunæ, non quid in arca
Claudat is, ille quibus distendat jugera metis:
Sed quam quisque tenax sit recti cultor & æqui.

Ergo Tibi, Princeps animo æque candide & ore,
Nostra hæc simplicitas ævoque simillima prisco
Vita placet, placet atque ideo nobis magis ipsis,

Hanc

^a *Fistula disparibus septem compassa
ticiis*. Virg. Æcl. 2.

^b Arcades non nomen solum pasto-
rum, sed & ingenuos mores & pasto-
ralem simplicitatem suis in consiliis
præferunt. Academiam hanc XIV. Il-
lustres Viri sub finem superioris seculi
maximo literarum ac bonarum artium
emolumento instituerunt, & colonias
per multas Europæ urbes propagarunt.

De ea vid. inter alios egregium Lib.
Carminū Mich. Josephi Morei Viri de li-
teris Academicisq; nostris optime meriti.

^c Inter præcipuas leges Arcadiæ uoa
est, quæ eos, qui turbas excitant, de
gradu Academiaque movet.

^d *Illud bonis, quod in aliis cer-
nimus, nos movet, atque illas, in qui-
bus inesse videtur, amicos facit*. 1. Offic.

SERMO QUINTUS. III

Hanc quod amas. Sed perge, & adhuc meliora videbis.

Interea virtutis iter percurrito apertum,
Et magnos imitatus Avos gere digna superbo
Nomine Saxonidum. Populos in pace tueri
Suesce, hostesque procul retinere a finibus: olim
Quum Victor venies spoliis Orientis onustus,
Et per Te regio Septen-subjecta-Trioni
Jus Vaticani una Relligione Fideque
Nobiscum intemerata colet, Sanctumque Parentem
Utraque communi gens una vocabimus ore:
Ingenti Te laude ferent super Arcades astra,
Majoresque dabunt animos, aliasque coronas
Æterna innectent Tibi circum tempora lauro.

O si illos nebunt mihi Parcæ stamina in annos,
Quot rebus monumenta tuis erecta videbo!
Quot mihi festivis resonabunt plausibus imæ
Valles Arcadiæ, quot dignis versibus alti
Colles, quamque pater sublimi voce Lyceus!

Tunc vel in extrema robur juvenile senecta
Induam, & ante tuos, Victor generose, jugales
Unda actus populi turbaque elatus ovanti
Ibo manu plaudens, dicamque io io venit ecce
Mavortis FRIDERICUS honor terrorque tyranni
Odrysii, Axiacæ restauratorque salutis.

Tum lati repetent io io juvenesque senesque,
Respondebit io cunctis e vallibus echo.

Nam mos Arcadiæ est Heroum dicere gesta,
Et magna stimulos currentibus addere laude.

O FRIDERICE, capit jam Te, reor, ista voluptas,
Exultasque animo totus mihi, jamque triumphas.

Si Tibi non fatis est Musarum plausus^a, habemus

For-

^a Habita est Academia hæc in Capitolio, ubi de more Nob. Artium Sculpturæ Architecturæ & Picturæ specimi-

na coram S. R. E. Cardinalibus ac Sereniss. Principe exhibita sunt, ac præmiis pro cuiusque merito donati Auctores.

Forte aliquid majus: namque Arcades omnia nôrunt.

Quandoquidem statua non est Te dignior alter,
Hic Bronte & Sterope melior Te fundet in ære
Urgentem spumantis equi calcaribus armos;
Ille Tibi statuam niveo de marmore ponet ^a
Inter & Henricos & Magnos inter Othones,
Atque alia Augustis clarissima Nomina Fastis,
Quorum in Te virtus puro cum sanguine fluxit.

Artis Apellæ si Te magis occupat ardor,
Centum hic Parrhasii centum Te Zeuxides ^b amplis
Certatim in tabulis pingent, Juvenemque decorum
Plenum efformabunt & majestate & amore,
Qualem Narcissum, qualem spectamus Adonin.
Namque pudicitia quem longe vincis, Adoni
Non cedis forma: Narcissum fulgidus æquas,
Consiio vincis. Vis aurea ponere tecta
Regalesque domos regalibus addere & aulam
Uxori fabricare novam natisque futuris?
Non hic Artifices defunt; nam mille Vetrurvj ^c
Inter nos priscae renovant miracula Romæ.

At sapis, & non hæc tua sunt ardentia vota.
Namque ædes, tabulas, atque ærea signa vetustas
Invida dente petet, turpi & confundet acervo
Omnia. Sola hominem Virtus, FRIDERICE, beatum,
Sola immortalem facit. Hanc animosus in unam
Nitere ^d, & æterno tua laus æquabitur ævo.

SER-

^a Multi sunt Arcades egregij Sculptores, ut Equ. Camettus, Rufconius, Amerianus, Othonius, Monaldus, Mainus &c.

^b Græcis ipsis non invident Pictores nostri Eques Conca, Trevisanus, Equites Voghius & Ghezzius, Nelli, Mancinus, Ricciolinus, Muradorius &c.

^c Sunt & antiquis Architectus non im-

pares March. Theodulus, Nic. Salvius, Equites Valerius & Derisetus Lugdunen. Fontana, Michettus, Cirollius &c.

^d Omnes bene vivendi rationes in virtute sunt collocanda, propterea quod sola virtus in sua potestate est. Omnia præter eam, subjecta sunt fortune dominationi. 4. ad Heren.

SERMO SEXTUS.

113

Consolatur Com. Petrum Marazzanum in obitu Cl. Viri Com. Philippi Antonelli ejus leviri. Commendat utriusque virtutem. Describit beatitudinem, qua Philippum cum pramortua uxore sua potiri auguratur. Laudat superstites ex Familia.



PETRE nos miseros! Vis ergo
resistere nulla,
Nulla potest virtus Libitinæ?
Nostraque vota
Nostras & lacrimas contemnit.
Te quoque quamvis
Sanguine prognatum claro, fun-
ctumque superbis
Muneribus, notum pietate &
fortibus ausis,

Et lugenda aliis multum & lugenda propinquis
Te quoque fata manent, PETRE Optime; nam tuus ille,
Præstans illustri genere & virtute PHILIPPUS
Vivere Nestoreos annos dignissimus unus,
Proh dolor! occubuit. Frons illa serenior olim,
Illi acres oculi vultusque decore virili
Plenior heu! nigra tegitur caligine, morsque
Robustos agilesque olim depascitur artus
Non secus, ac medio quum forte in tramite fessum
Nacta viatorem fera dejecit, & super hærens
Membra vorat circum, simul & rimatur aduncis
Unguibus, atque avido discerpit viscera rostro.
Dementes heu! PETRE, sumus, qui fidimus istis
Viribus, & speciem formæ sectamur inanem.
Momento perit illa, velut rosa flantibus austris

P

In-

a Nihil meū est, aut cuiusquam, quod auferri, quod eripi, quod amitti potest. Parad. 4.

Investoque super pallentia sole ligustra.*

Si Te, quum vestris tulit in regionibus arma,
Imperioque animoque potens & flore juventæ
Vinxit amicitia, digno quod gratior ore
Ibat, eratque decus Martis comitumque suorum,
Et longa nitidi crines cervice fluebant;
Horum quid superest hoc tempore, PETRE? vel horum
Siquid adhuc superest, antiquum inspirat amorem,
Aut individue renovat tibi gaudia vitæ
Pristina? Pro verbis imo suspiria corde
Ducis, & in fletus solvis pia lumina. Cernis
Namque animo, quo sæva loco detrulit amicum
Parca tuum, furto quam ditia sustulit uno
Munera naturæ, quam longe corpore ab uno
Corpus abesse aliud cogit, gratoque carere
Alloquio jubet æternum. Sed parce loquuto
Talia. Non animos tam mollia vincula vestros
Junxerunt: nec enim rebus venerabile fluxis
Gaudet amicitia nomen: jus fasque piumque
Illa colit, solo & nitendum credit honesto.

Talis amor juvenile licet conjunxit utrumque
Pectus, idem studium virtutis, laudis iidem
Moverunt stimuli ^b. Semper dum fata sinebant,
Velle & nolle ambobus idem fuit; hocque solum
Parte aliqua fœdus ne forte dehisceret, arcto
Sanguinis assertum est vincolo. Nam candida Virgo,
Virgo soror germana oculis tibi carior ipsis

Di-

a *Anceps forma bonum mortalibus
Exigui donum breve temporis
Ut velox celeri pede laboris
Non sic præta novo vere decentia
Æstatis calida dispoliat vapor,
Sævis solstitio cum medius dies,
Et nocte brevis præcipiat rotis;
Languescunt folio lilia pallido,
Et grata capiti deficiunt rose;*

*Ut fulgor, teneris qui radiat genis
Momento rapitur, nullaque non dies
Formosum spoliū corporis abstulit:
Res est forma fugax Sen. in Hippolyt.
b Nihil est, quod tam attrahat, &
allicit amicitiam, quam similitudo,
qua fit, ut bonos boni diligant, asci-
cantque sibi quasi propinquitate con-
junctos atque natura. Cic. in Lab.*

Divitibus quæſita diu, multiſque petita
Patriciis uni conceſſit nupta PHILIPPO,
Quem non illa minus, non plus quam frater amabat.

Lata virum conjux Superorum in ſede reſiſit
Nuper. Nam membris exuta volaverat ante
Arces ad ſuperas, noſtro quas eminus orbe
Denſa licet caligo premat, totumque profundum
Nos interjeſtum late diſterminet; illos,
Illos, PETRE, tamen video, quos non metus angit
Interitus, non membra gravant, nec acumina mentis
Obtundunt hebetes ſenſus, non denſa malorum
Agmina noſtrorum perturbant amplius. O par
Illud ubi eſt? latis quam coetibus intermixtum!

Par illud meritis, illud virtutibus æquum
Semper habet ſine ſine quies, ſine ſine voluptas.
Nulla intemperies vexat, nox nulla, nec umbra
Quos ſpatiantur agros, veſtit ſed flore perenni
Ver placidum: nullæ capiuntur in aure querelæ,
Sed reſonat purum melos & Rectoris Olympi
Laus immortalis, repetunt quam vocibus ambo
Dictam aliis, aliis repetendam rurfus & ambo
Occinuiſſe altum gaudent, qua cuncta reſultant
Atria, feſtivo & ſocii clamore ſequuntur.

Par iterum, PETRE, illud ubi eſt? Mihi præripit uber
Copia rerum oculos, neque celſum Muſa volatum
Jam feſſa aſſequitur. Merguntur in amne, profundo
Amne voluptatis; rapit unda, & volvit in illum,
Omnia qui cernit, qui continet omnia ſolus,
Omnis quique boni, quique eſt virtutis origo.
Ut pluviis quum forte tumet nivibusque ſolutis
Abreptas fluviuſ ſinuoſo in vortice cymbas
Ducit agens circum, mediumque volutat in æquor.

Ergo, PETRE, tui felici ſorte PHILIPPI
Gaude; nec funus lacrimis, aut queſtibus urge

Perpetuis, ne forte aliqua videaris amici
 Invidisse bonis ingentibus. Ille suorum
 Luctu dignus obit, qui nulla laude, nec ullis
 In patriam meritis vixit, quemque obruit idem,
 Qui corpus tumulus ^a. Noster non totus obivit,
 Imo sui multa est nos inter parte superstes.

Vivit adhuc sincera fides, mens conscia recti
 Vivit adhuc, duris multa & patientia rebus,
 Vivit consiliis patriæ decor additus, inque
 Magna suos pietas & munificentia cives.
 Clara animi vivunt monumenta, domesticus ille
 Et nitor eloquii vis & facunda Minervæ
 Etruscos vel inire modos, vel inire latinos
 Apta, vel ambiguas rerum disquirere causas.

Rapti quin etiam superest genitoris imago
 Sanguine digna suo proles ^b, & idonea sanctis
 Moribus antiquæ Gentis. Non cura paterna
 His deerit. Superest nam Frater ^c cetera Fratri
 Par, ætate minor, quo non mihi carior alter,
 Non alter claris sapientior artibus, ore
 Græco sive libet percurrere, sive Latino.
 Illum Purpureis Patribus facit atque Supremo
 Pontifici carum doctrinæ rara supellex,
 Et constans probitas & vera modestia dotum
 Et decus & pretium tantarum. Laudibus istis
 Roma novas addet, jamque addidit. Ille PHILIPPI
 Inque locum munusque boni succedat amici:
 Nam tibi eo melior post Fratris funera nemo est.

SER-

^a Mors terribilis est iis, quorum
 cum vita omnia extinguuntur, non
 quorum laus emori non potest. Cic. in
 Parad.

^b Quatuor Liberi optima educatione

futuri non Patri Patruoque dissimiles.
^c Nicolaus egregius Præsul Canoni-
 cus Basilicæ Lateranen. multis Pontificum
 Curiz Muneribus ornatus.

*Narrat morbum lethalem, ex quo convaleuit opera & arte Viri
præstantissimi Jacobi Toyon Piëtaviensis, Chirurgi ac Me-
dici Ducis Sancti Aniani Paris Francia & Legati Regis
Christianissimi apud Sanctam Sedem.*



VASI tandem lectum, mor-
bumque malignum,
Quo me invisisti absumtum,
prope, quoque repræsti
Vix, o amice MARI ^a, lacri-
mas. Cruciabar acutas
Hoc inter febres, moriens quod
linquere Te ipsum
Deberem, mihi quem multum
Pater optimus olim,

Quem probitate & murice clarus Avunculus ^b, & quem
Plus commendârat frons pura parentibus ipsis.

Illi animo casti mores prudensque subibat
Simplicitas, amor ille bonas incensus in artes,
Illa tenax rerum mens, illa subibat honestas
Vultus atque animi, cui nemo negaret amorem.
Te non, aiebam, Juvenis generose, videbo
Romuleis clarum violis jus dicere, lites
Dirimere, atque viam majori sternere famæ;
Quem vidi raptis indigna morte propinquis, ^c
Quos lacrimis merito, quos semper honore colemus,
More senum rexisse domum, legesque paternis
Ponere rebus, eodem & tempore discere leges,
Jungere amicitias Procerumque Virûmque bonorum,

Aucto-

^a Marius Compagnoni^{us} Patritius
Macerat. Francisci Viri integerr. filius.

^b Prosper Marsilius S.R.E. Card.

^c Avunculo, Patre, & Patruo Julio
Cæsare Episc. Septemped. uno pene tem-
pore mortuis.

118 LIBER TERTIUS

Auctores *priscos miscere recentibus*, atque e-
 Volvere continuo, sapienter dicere: demum
 Consilio ætatem longo prævertere cursu?
 Sumta ex Te claris exempla sodalibus ullo haud
 Tempore proponam, seu deterrere ruentes
 Tentabo incautos in aperta pericula, sive
 Arcere a vitiis solido virtutis amore
 Grande opus aggrediar? Sed qui pudor ingenuus jam
 Ore Tibi fervet, quæque est mihi reddita Divum
 Munere amica salus dicta hæc abrumpere cogunt.
 Vivimus, o jucunde MARI, per tot mala docti
 Forte mori melius, pedibus quum sera magis niors
 Falcem impinget. Utrum at mecum lussisse putandum est
 Nuper, & interitus solum incussisse timorem?
 Mitior illa fuit, quum multos funere mersit.
 Audi igitur tragicam rem forti pectore, nec me
 Dicentem indignere. Ex tempestate recepto
 In terram dulce est narrare pericula amicis.

Frigore concretum virus labente Decembri *
 Oppleto femur in lævum mihi ab hepate fluxit,
 Atque dies morbi vidit me prima jacentem
 Viribus afflictis, sævoque dolore moveri
 Difficilem, totas sitientem Tibridis undas.
 Tanta mihi salium mordebat copia pectus.
 Peccatum est fortasse, mihi quod vena lacerti,
 Vel pedis haud subito ferro est incisa, nec humor
 Teter ea minui potuit ratione: reperto
 Ast aditu totus disfluxit, eoque fibrillæ
 Contractæ venas & vasa exilia lymphæ
 Presserunt. Sanguis novus & nova lymphæ meatus
 Vasorum obstrufos nequaquam intrare potentes,
 Circum obsederunt refluï, stagnoque quierunt.

Sic

* Anno 1736. Immanis quidem narratio, sed forte non omnibus futura inutilis.

Sic obicem rapidi quum quis torrentis in alveo
Extruxit, ripam superenatat humor utramque,
Vicinisque sedet fossis, & multus inundat
Planitiem, pestemque vehit cerealibus agris.

Ergo penetravit femur unda soluta diebus
Ter septem, intumuitque horrendum sanguine coxa,
Et fuit una mei pars major me prope toto.
Applicuere diu fomenta, expellere apertis
Forti rati poris ^a latitantem in gurgite pestem.
Illa sed elusit medicamina, vimque recepit
Majorem pugnando. Febri consumor & æstu.

Hinc omen capiunt lævum, alternique susurrant
Me procul. Ecquid id est? inquam, communiâ verba
Solut ergo ignorem? Metuunt mihi dicere verum,
Cujus erat nauci jactura. Potentibus atque
Imperio claris quis mortis nuncius audet
Esse, MARI? audentem vel quis finit ire? Laborant
Mente prius plerique, sciant quam funeris horam
Instare, ac rigidos ad portam vergere calces.

Tandem mecum aliter: nam nunciat esse migrandum
E vita nulli cedens Vir in arte Richardus ^b
Pascere verbo animas, celsoque inducere cælo.
Hic mihi cum vita visum est finire dolorem
Dulce, MARI, fatear: sed terreor ora propinqui
Judicis aspiciens: nil morbus me meus angit,
Incipit & levis esse dolor, quum mente voluto
Me gravibus presum vitiis, me crimine multo
Jam coram infracto sistentem Judice, verba
Omnia qui pensat, qui sensus discutit omnes.
Me ista, MARI, febribus magis omnibus urit imago,
Vixque bonus senior, qua pollet, speque fideque

Est

^a Transpiratio est insensibilis per poros diffusio excrementorum fuliginosorum, seu fumosorum flatus. Ravest.

verb. Transp.
^b Senex religiosus. Cler. Reg. Scholæ
zum Piarum.

Est potis hortando ingentem superare timorem.

Heu quotus evadet tam sævo e gurgite sospes!

Panditur interea via non incerta salutis.

Nam subit in mentem Toyonus Jasides ^a alter,

Qui mutas agitat, sed non inglorius artes.

Hunc voco: quandoquidem letho me cetera turba

Destinat. Extemplo Juvenis me constitit ante,

Poscit multa, malum tentat, linguamque manusque.

Nec mora sese operi solers accingit, & uda

Amovet anodyna ^b, quibus noctuque diuque

Permadvit male putre femur, vestitque referto

Pluribus & suppuranti cataplasmate ^c. Quarta

Lux aderat, multum febrisque dolorque remitti

Cœperat; & puncto tumor assurgebat in albo.

Ergo signatur crucis instar linea duplex,

Altera dimidio palmo, toti altera ferme

Æqualis ^d. Putrem Toyonus vomere terram

Scindit signa sequens, & acuta immergit in imos

Tela sinus. Fugiant huc, illuc humida palmis

Lumina stringentes, aderant qui forte; sedebat

Longe hic pallidior buxo, defecerat ille

Spiritu: erant, qui Te, præstans Toyone, vocabant

Crudelem & Congo in medio, vel Canade natum,

Quique mihi taciti lympham feretrumque parabant.

Hos ego cernebam, moribunda & voce vocabam.

Vivebam siquidem, me vivere sive putabam

Aut igne in medio, aut mucrones inter acutos:

Nam scindebatur dum musculus unus & alter,

In

^a Japis excellens chirurgus apud Virg.
Æneid. 12.

^b Medicamenta sunt, quæ ad sedan-
dos dolores sensum stupefaciendo, pa-
rantur. Ravest. Verb. Anod.

^c Medicamentum molle, quod conco-
quendo, resolvendo, laxando, vacuan-

do, sedandoque dolori adhibetur. Idem.
^d Majores sinus latius incidendi
sunt, dandaque opera, ut imus sinus
exitum habeat, ne quis humor intus
subsidat, qui proxima & adhuc sana
rodendo sinuet. Cels. l. 7. c. 2.

In femore, obsecindique genu cerebrumque putabam;
Sunt adeo toto conjuncti in corpore nervi.

Quid multa? efficitur latissima fossa: chirurgis
Nam lex est, aperire sinus, & scindere lato
Vulnere. Mensuram cognoscere si cupis, ungue
Vulsa fuere levi tenuissima vellera lini,
Quot capit inverse plenus pressusque galerus,
Quæque super digitis tribus eminuere; tot antrum
Illud enim abstersum glomerato sanguine cepit.
Si quoque vis carnis sensum cognoscere sectæ,
Illam pungebant tenuissima vellera, sicut
Nudum spina pedem, teneram vel acicula frontem.

Uno horæ quadrante chalybsque manusque chirurgi
Discerpsere mihi fibras; a vulnere jamque
Longe aberant, dolor idem, eadem punctura manebat
Seu parte in læsa, seu viva in imagine mentis,
Quæ cædenti veluti præsentem exhorruit ultra
Horam, deinde nigrum phantasma expellere nisi est;
Sed redit expulsum interdum, renovatque dolorem.
Hinc ad me gravis indignabundusque vetabam,
Dissector propius quatuor ne accederet ulnis,
Ni mihi monstraretque manus manicasque sinumque:
Nam ferro armatum haud admittimus amplius ullum.

Oppletum lino vulnus revoluta ligârat
Tania, jamque viam mediam nox humida cælo
Attigerat, quum me circum omnia plena cruore
Sentio. Adest subito Toyonus, opemque vocanti
Porrigit, ambiguus ne forte incisa secando
Mi foret arteria. Abstergit, medicatur, & arcte
Nectit vincla; cruor sequitur novus & nova cura.
Spemque metumque inter binis distillo diebus,
Et nigrum apparet vulnus, cancroque propinquat.

Sacra dies aderat, qua VIRGO Puerpera NATUM
Deposuit tremulas cani Simeonis in ulnas:

Q

Hanc

Hanc ego præsidium mihi semper rebus in arctis
Voce animoque voco, compello hanc nomine Matris.

Quæ non VIRGO suos, quæ nullum temnit egentem,
Audiit alma preces. Nec enim Tibi gloria, VIRGO,
Ulla unquam per me minuetur, nec mihi per Te
Spes ulla. Expediunt humentia sanguine puro
Vincla, caroque rubens & viva in vulnere circum
Inque imo apparet. Primum risitque, serenamque
Osteudit frontem Toyonus; latior olli
Ipse ego arrisi, simul arrisere propinqui
Lati omnes, & laude virum super astra ferentes.

Credideris finem tantorum hic esse laborum.
Falleris: est etenim bellum hoc ferrumque sequuta
Atra fames*, qualem vix secula prisca tulerunt,
Solvissimque libens uno pro mure philippum.
Est quoque lex sævis vel in ipsa pace chirurgis,
Ut dira esurie medicentur vulnera passis.
Legem observavit, legi & parere coegit
Me Toyonus inexorabilis; ardor edendi
Cuncta licet misero popularetur mihi membra.

O! quoties, rogo te dixi, Toyone, per ista
Brachia, perque manus, quæ turpia sub cute monstrant
Ossa, per hunc ventrem tam longo tempore inanem:
Da dextram misero, da frustum panis amico.
Quid juvat eripuisse uno de funere, cogis
Si me alio periisse? Immobilis atque supinus
Ecce duos jaceo menses: mea lumina somnum
Quinque per hebdomadas nullum cepere: quietem
Nullam habui, neque te sum passus habere. Laborem
Posco per hunc, per opus durum, quod sponte subisti.
Da pulli mihi particulam, da crura palumbi:
Non refricabit enim obductum res tantula vulnus.

Sed surdo canimus. Solo me jure per unum

Men-

* Si grave vulnus est, abstineat quantum viri patiuntur, cibo debet. Cels. l. 5. c. 26.

Mensem aluit : jus mi hoc visum est contra omnia jura.

Ast aliter sapiens juvenis momenta pependit
Filo animæ tenui suspensæ. Nam cibus arcto
Ingestus stomacho humores renovasset inertes
Fœcundumque nova mœssset prurigne vulnus.

Ex tot vulsellis reduci tantaque ruina
Tristia Vulcani mihi vates fata canebant ;
Scilicet aut captum fore viribus ima movendi
Membra, aut more anatum progressurum male claudum.
Omen & id duplici nixi ratione ferebant :
Seu quod vastassent ingentia vulnera nervos ,
Sive quod incurvus terno jam mense rigeret
Interius poples strictus multiplice nodo.

Sed me damna juvant. Extremum audito laborem,
Sique potes risum cohibe. Subiit mihi vires
Explorare novas. Aberant custos & amici.
Surgo igitur solus paulatim, circumeoque
Ter lectum quanquam claudus, Vulcanus ut alter,
Et mihi plaudo, putans me imitari heroas eundo.*
Dumque ita turgescō demens, offendo scabrosum
Nescio quem in laterem, & præceps cado pondere toto.
Est adeo tutus, quemcunque superbia fulcit.
Horrendum doleo: pudet acclamare. Quid ergo
Actum est? Irrepro leviter, manibusque prehensans
Fulcra & lodices supero conatibus arcem
Morphei, & intidias laterum vito altior ipsis,
Inferiora velut sublimis retia turdus.

Paulatim dolor ut cessavit, crura pedesque
Metitus reperi, proh mirum! æqualia crura
Æqualesque pedes, toto & me corpore salvum.
Casus enim fecit curvato e poplite rectum.

Testis es ipse, MARI, quo coram incedo solutus,

Q 2

Gra-

* Videbatur tam male affecto alii se & ambulare. Adeo precipue sunt viri quid esse veluti herpeticum movere se possent carencibus.

Gratulor atque mihi veteri me redditum amico.

Quid nostro de more isto ab sermone feremus
Utilitatis? Amuletum morbos Tibi contra
Mille duplex scribo. Studium vitare memento
Coenatus pransusque: graves dein excute curas.
Præstat namque bene, ignorantem multa, valere,
Quam Senecam tussire, vel ægrotare Platonem.
Præstat multa suo volvenda relinquere fato,
Quam male torqueri, frustra retinere volentem.
Hæc facito, MARI Amice, diuque quod opto, valebis.
Aut si unquam, avertant quod Numina, corripiet Te
Par morbus, Tibi sit præsto idem, parve chirurgus.
Nam mites interficiunt humaniter ægrum.

SERMO OCTAVUS.

Respondet Jo. B. Guilielmino gentili suo, Castellano Vennensi, qui se ad reditum in patriam sollicitaverat. Exponit causas, cur sibi non redeundum putet.



UIELMINE, aliis qui æquum
jus dicis, iniquum
Mî dicis, remeare jubens ad
patria tecta.
Poenituit rediisse semel. Tibi
scire volenti
Causas simpliciter narrabo, pe-
ricula primum
Enumerando viæ, dein multa
obstacula, quæ mî

Opponit natale solum, prohibetque reverti.

Septembri medio digressus ab Urbe malignum * ob

Aera

a Digressis ab Urbe sub finem æsta-
tis ad dimidium usque autumnum puta-
tur mortiferum dormire intra spatium

quadraginta aut quinquaginta M.P. Op-
tima sunt remedia vigilia, ignis, sub-
litus, diæta.

Aera nil prima dormivi nocte, secunda
 Turbârunt somnum longissima iurgia propter
 Turdum, quem tulerat secum hospes, caupo negabat,
 Nomine in Italia, re perfidus hostis ^a ubique.
 Tertia erant nobis gens circumfusa Canopi ^b
 Multa, statura humilis, facie nigra, corpore toto
 Foeda, & si credis famæ, divina futuri.
 Scrutari at loculos melius, quam sidera nôrunt.
 Nemo dormisset monstra inter talia tutus.

At mihi nullus erit finis, si dicere noctes
 Insomnesque gravesque velim plenasque timore.
 Nam ternus mihi mensis itu redituque cucurrit,
 Resque novo semper gravis est decumbere lecto.
 Nox tamen una aliis fuit anteferenda, jacebam
 Qua sacco paleis & sicca fronde referto
 Alpibus in mediis ^c; quod nempe jacere putarem
 Me primum egregio in thalamo securus ab omni
 Vermiculo & contagio: luem nam sæpe cubile
 Affricat incautis, cogitque exolvere poenas
 Sontis alius. At hoc penitus non esse sinebat
 Felicem, quod vel leviter quum membra moverem,
 Obstreperent sicca frondes, somnumque fragore
 Præcipiti excuterent, sua vulnera forsitan ulta.
 Cui sunt deliciae tales, incommoda per Te
 Conjice quot tulerit. Missis majora minutis
 Persequar. In pelagum tranquillum mane Liburno
 Solvimus exigua puppim, Thetidemque secamus.

Sol medium faciebat iter, quum vertere proram
 Ad litus Lucensè Charon ^d jubet, æquore quamvis
 Immoto: nautis namque est præsaga mali mens.

Flare

^a Caupo Italice Oste.

^b Natio ab Ægypto oriunda, Tartarorum more vaga, omnia secum portans. Italice Zingari.

^c Cum de solis noctibus agatur hic, perturbat ordinem narrationis: nam hoc contigit in reditu in Italiam.

^d Nauclerus.

Flare autem sensim Notus incipit. Instat anhelis
 Navita remigibus; nam longe diffita nobis
 Est Via Regia ^a. Aquis innascitur æstus, & undæ
 Horribili strepitu resonantia litora pulsant.
 Quo propius terris jactamur, eo minus oram
 Cernimus, & quoties dorsum superamus aquarum,
 Stentorea nautæ conclamant voce vocantes
 Auxilium, & manibus geminantes signa. Coloni
 Litoris accurrunt, contosque uncosque ferentes
 Ferratasque sudes, quæ cœcum intrare canalem
 Cymbam adigant dubiam, mediumque tenere: per utrum
 Nam latus irruimus certo gens debita letho.

Ergo duas nudorum hominum collabimur inter
 Alas: hæc muro stat dextero & illa sinistro,
 Distantem nimis hæc retrahens, nimis illa propinquam
 Depulsans cymbam, lumbis tenus utraque collo &
 Summerfa interdum. Nisi ingentique labore
 Ingressi tandem curva deducimur æsta
 Incolumes, sed aqua madidi gelidique timore.

Pellimus igne gelu. Interea qui forte sedebat
 In Laribus senior, queritur ridetque. Quid hoc est
 Monstri, ajo? gaudet, dolet uno & tempore. At ille,
 Punctus ait podagra doleo, sed jam prope sanus
 Gaudeo; namque instat jejuno quarta dies mi,
 Et finis podagræ, cœuries cui sola medetur.
 Nos est mane senex comitatus passibus æquis
 Ad cymbam, jussit multum & salvere abeuntes.
 Quando laborabis podagra, jejunia serva;
 Hinc etenim pedibus mordax subducitur humor.

Sed nostrum repetamus iter, pelagoque sequamur.
 A modico liber majori occurro periclo.
 Nam grandem Ligurum conscendo in litore ^b pinum

Massi-

^a Oppidulum in ditione Lucensi, cu-
 jus canalem intrant minora navigia.

^b Januæ.

Massiliam petiturus. Unelia * nocte secunda
Nos videt immotos, nisi quod verrunt duo remi.

Nocte fere media flare incipit Eurys, & Euro
Vela damus lati, modico sed tempore: namque
Savior increfcens turbat cælumque falumque.
Amplius haud vidi nisi ruptos nubibus ignes,
Nil nisi rugitumque maris gemitumque rudentum
Audiui, & clamores terrificos nautarum.

Quantum extra navim favirent omnia, frustra
Dicere coner. Ab his intellige, quæ miseri intra
Pertulimus. Modica nostris cum rebus ad octo
Sistimus in cella. Pendens e fune lucerna
Horribili impingit motu ad laquearia, lucemque
Eripit ex oculis. Paries me hic dejicit, illum
Mi ad frontem paries alius collidit, & udo
Volvimur ambo solo: multi glomeramur in unum
Rursus nunc sursum jactati, nuncque deorsum.
Hinc onus impellit, plena illinc mercibus arca
Dejicit in morena testudinis omnia ubique
Obvia; miscetur pede pes densusque viro vir,
Et scamna & lances & vasa & athena. Redimus
In chaos antiquum, simul & confundimur. Algent
Sparsa maris spuma crebraque aspergine membra,
Insilit os imber falsus naresque oculosque:
Nautarum plangor sociorum & flebile murmur
Terrorum ingeminant, quatiuntque immaniter aures.
Denique mortis adest quocumque impellor, imago,
Proque patet tumulo mihi plurimus æquore gurgis.

At cui sæpe datum est tumidos compescere fluctus,
Atque suos JOSEPH tuto deducere portu
Naufragio abreptos, mihi terque quaterque vocatus
Adfuit, & nota sese pietate parentem

Mon-

* Civitas Liguriæ sub Rege Sardinia, Principatus cognominis caput.

Monstravit. Siquidem cum nocte procella refedit,
 Et salvos portum Telonis ^a vidit inire
 Nos aurora. Adeo volat Euro concita navis;
 Nempe plagis Ligurum Telonem quattuor horis. ^b

Mercator, Phrygias qui vestes & muliebrem
 Mundum arca clausum cera atque bitumine tecta
 Litus ad Hispanum Ausoniis vectabat ab oris,
 Luserat audaci cum virgine sæpe quieto
 Æquore. Tritonem hunc ægre nymphamque ferebant
 Nauta, importunos ossi gens frigida amores.

En tibi Massiliæ sua quum deponit ab alno
 Pondera quisque, arcam videt hiscere noster amator
 Partibus in multis. Aperit. Proh vulnus acerbum!
 Proh dolor! unda maris natat inter serica, pallent
 Puniceum & croceum fusco mutata colore:
 Auro distinctas situs & rubigo figuras
 Confundunt, faciuntque aurum jam vile metallum.
 Dum gemit horrendum mercator, & ungue revellit
 Cirratos crines, venit en gravis ore manuque
 Neuta senex: &, nostræ hæc est, ait, ultio navis.
 Namque locus sacer est, quem nemo impune profanat.
 Perge age, & æquoreos posthac reverere Penates.
 O dignum, urbanas qui pro rate dirigat ædes!

At laudabo procul semper mare, classica, nautas.
 Est aqua namque mihi contraria. Ab æquore liber
 Naufragium passus sum pene minoribus undis.
 Primum intentavit furibunda Druentia ^c, fugit
 Quæ liquidas Alpes, latoque immergit in alveo
 Sæpe ratem improvisa ruens & turbida cœno.
 Alterum in Helvetia lacus Altorfensis, in ampla

Quem

^a Portus Galliz amplissimus ac toto orbe celeberrimus.

^b Emensum scilicet maris spatium. 45. circiter Leucarum, ut dicunt, nem-

pe 140. M. P. horis quattuor, aut non multo secus.

^c Fluvius Provinciæ Romanorum, gallice la Durance.

Quem trabe cum bobus tranavimus. At nisi veluti
Accelerâset iter, hominesque bovesque profundo
Trabs inversa lacu merisset; tanta repente
A fundo latices tempestas miscuit imo.
A puppi ad litus perneciter ire laborans
Densa boum quadrupes ^a repsi per terga. Timore
Horrebat pavitans mutum pecus, & caput inter
Crura abscondebat, laxam solvebat & alvum.
Mox imitatum homines certatim in litora saltu
Defiliebat, & inspecto post terga periclo
Perflabat nares fugiens, caudamque movebat.
Ridebam armentum spectans in litore, abegit
Sed me unda, inspergens multo mihi flumine lumbos.

Jure averfor aquas igitur ^b, discoque periculum
Exemplo nostri quondam evitare catelli.
Is primum egressus patrio de stramine fontem
Esse solum ratus, ingreditur; sed cedere sensit
Ut liquidum plantis metuens immergier, auras
Latratu implevit; porrecto fuste reduxi
Ad ripam. Excussis villosa ab tergore guttis
Allatravit aquæ, dentesque ostendit acutos,
Grandior & fontes & flumina credidit hostes,
Et procul objurgavit atrox quemcunque fluentem.

Nunc ad iter venio terrestre. Cadavera vidi
Prateriens Alpes ^b glacie concreta, minaces
In me oculos veluti tendentia, quod nimis audax
Postridie illorum mortem juga dira subirem
Haud ventos metuens niviumque volumina & iras.
Nam denso adversos ferientes turbine vultus
Conclufere animas miserorum in faucibus imis.
Silvam alibi ^c ingresso, quercum hanc, auriga colore

R

Mu-

^a Nempe manibus & genibus.

^b . . . Non vercle dici potest,
Tantum, quam re ipsa navigare in-

commodum est. Ter. in Hecyr.

^b In jugo, quod S. Gothardi vocant.

^c In continis Infubriz.

Mutato, vide, ait: grassator multus heri tres
 Ferro hic stravit; adhuc madidæ sunt sanguine glebæ.
 At me primo aditu in silvam, stultissime rerum,
 Ista mones? Nullum nemo unquam obscurius isto,
 Horridius nullum vidi. Brevis est Arduenna,
 Terminus Hercyniæ non sic protenditur; hora
 Infandum nemo hoc quanquam prætervehor una.

Sed quibus in silva tres ^a non occurrimus, unus
 In patulo occurri sævis latronibus agro.
 Non procul a Dola gradienti in equo mihi bini
 Obveniunt pedites, hic canus, subniger ille,
 Torvus uterque oculisque minax. Tum, quo via ducit
 Hæc? ajunt. Dolam. Nobis tecto capite? inquit
 Junior, affiliunt & utriusque. Pericula fortes
 Theristas faciunt quandoque. Cito omnia tenfa
 Fræna manu immittens ferio calcaribus armos.
 Dejecit hunc equus atque illum, panditque viam vi,
 Et velut admonitus communis utriusque salutis
 Ocior alitibus celeri volat ocior Euro,
 Meque propriis fures fremituque sequuntur inani.

Sed ne forte putes Æneæ me, vel Ulyssis
 Velle pares casus totidemque referre labores,
 Cetera prætereo, majora & vera loquutus.
 Dic mihi nunc, cur non post vincla, ergastula, remos,
 Hoc quoque supplicio fontes damnantur, ut errent
 Per maria & terras? Fraterna cæde cruentum
 Primum errare hominem jussit, longeque vagari
 Justitiæ exemplar primævæ Conditor orbis. ^b
 Cur non in vestro est scripta hæc quoque Codice poena?
 Quidquid id est, præstat in sede morarier una.

Quæ a vobis bona, forte malis pejora, recepi,
 Jam loquar: iccirco ne ingrati crede: recordor

Quæ

^a Auctor, Piccol. Neapolit. & auriga,
 qui illac quoque pridie transiverat.

^b Vagus & profugus eris super terram. Gen. 14.

Quæ mihi Tu, reliqui quæ sanguine juncti & amici
Officia exhibuistis. At ut Sophos ille monet: Ne
Quid nimis. An modicas mihi cœnas ipse parasti?
An modicas alii? Consuetum vivere parvo
Vestrae accumbentem plus æquo tempore mensæ
Tædebat, mihi nec quanquam humanissimus hospes
Tædia pellebat, nec doctus sermo, nec ode
Mista frequens. Ita fastidimus cuncta coacti.

Nec satis hoc. Gustare novas post fercula plura
Multi suadebant epulas, nec grandia multi
Pocula spernebant, nec multa, iterumque iterumque
Mique meisque propinantes. Quid vina Polycni
Sequanicæque dapes saturo potoque decenter?
Plus sapiunt, quam nos, animalia muta; comedit
Quum satis, & potavit equus, potumque cibumque
Præbe, haud illecebris, haud virga sumere coges.

Adde istuc: hodie cœnavi lautus apud Te:
Cras, inquit conviva alius, cœnabis apud me.
Inde alii Lunæque diem Martisque Jovisque
Ordine distribuunt. Ego denique semper opimo
Semper in omni epulo converfor Apicius alter,
Invitatori si forte venire recuso
Nec diverticulo satis apto callidus utor,
Dicor inurbanus, Clochis præpono Rinaldos:
Atque ita me urbanus neco. Sanus enim nequit ullus
Esse diu conviva, frui nec munere vitæ.

Præterea incusant multis materque sororque
Tam sæpe absentem. Cur, ajunt, ergo redisti,
Si matremque domumque fugis, nec cura tuarum
Ulla tibi est? Tantum a nobis hoc tempore distas,
Quantum distabas trans longinquissimus Alpes.
Solicite abscondunt vestes exire paranti,
Nec reddunt, nisi me rediturum ad prandia secum
Pollicear, dextraque data contestor. At cheu!

Illabor miser in Scyllam vitando Charybdim.
Namque domum rediens aliquo comitatus amico
Convivas alios me non prudente vocatos
Invenio. Totas urbani moris habenas
Hic laxare opus est, comitesque præire bibendo:
Parcus enim hospitibus gravis est, & sobrius hospes.

At solum me finge domi, soloque meorum
In comitatu. Omnes circumstant me, studioque
Occidunt nimio. Vis hoc? ait ille, vel illud?
Hæc: heu tussit: hiems nostro est magis aspera cælo,
Quam quo fœvit: eget medico, medicum euge, vocato.
Illa nihil fatagit præter mea; nec, fuit uni,
Currit, obit, lustrat, credit me semper egere
Multis; nunquam ideo venit ad me dextera inani.
Quodque est ridendum, flet, si sua negligo dona.

Quæ jam narravi bis terque, reposcit & urget
Morosum, gaudetque iterum spectare minutim
Rerum adjuncta parens, & cuncta pericula nôsse.
Horret & interdum veluti præsentia; cumque
Me videt hiscentem: non nôsti viscera matrum,
Inquit, nec potis es naturam vincere. Perge;
Namque suas lacrimas, sua habet lamenta voluptas.
Pergere mandatum cogit, reverentia sensum
Dissimulare animi non mollia ferre potentis.
Esse odio miserum est, miserum est vehementer amari.

Nemo ad vos redeat tam forti pectore demum,
Quem vestræ non deliciae, non gaudia frangant.
Captatis fidibus variis & cantibus aures,
Lumina munditie nitida lariumque hominumque,
Et vultu sincero animos & pectore puro,
Officiis pleni certatim atque ubere dono.
Cum me illuc revocas, si rem bene pendis, amice,
Mergere vis vel aquis miserum, vel perdere luxu.
Ergo mentem alio converte. Nihil mihi amœna

De

De valle & latis Russei collibus, aut de
Chryfopoli ^a templis & magnis ædibus aucta; ^b
Nil mihi de vestris rescribito rebus, ut hamo hoc
In patriam retrahas: etenim piscabere frustra.
Esse volunt inter nos Alpes fata. Valet &
Este mei memores, ut vestri sum memor usque,
Sum **memor** atque viz infinitorumque laborum.



INDEX

^a Vesontio Urbs Gallie antiquissima
Metropolis Sequanorum dicta Chryfopo-
lis, quod hujus Urbis portas **puro** quon-
dam auro contextas fuisse constas. Geor.
Bruin l. 1. de Urbib. pag. 16. Hinc Poët.
Lig. ad Frideric. II. Imp.

Has tibi **Metropoles** & primi nomi-
nis Urbes,

Chryfopolim placidam, **Lugdunum**,
sive **Viennam**:

Chryfopolim Dubis, reliquas **perlabi-**
tur annis

Maximus **Allobrogum** **Rhodanus** do-
minator aquarum.

^b Addit. ibid. Geor. Bruin *Quam-
vis Vesontina Monarchia tanta non fue-
rit dignitatis, quanta olim Romana;
tamen publicorum ædificiorum magnifi-
centia proxime ad ejus gloriam accessit.
Vetusta siquidem in hac Urbe monumen-
ta, qualia Roma conspiciuntur, quæ
Pantheon, Campus Martius, Diana,
Minerva, Luna, & Columnæ vulgo
semper latine dicta. Præfens Vesontio
ædificiis novis ac magnificis pristinam
pene æmulator. Vid. de hac Urb. Gæll.
de Bel. Gall. & Chiff. in Vesont.*



THE
JOURNAL
OF
THE
ROYAL ANTHROPOLOGICAL INSTITUTE
VOLUME 10
PART 1
1880

CONTENTS
PAGES
The Human Skeleton, by J. H. B. S. 1
The Human Skull, by J. H. B. S. 1
The Human Brain, by J. H. B. S. 1
The Human Heart, by J. H. B. S. 1
The Human Lungs, by J. H. B. S. 1
The Human Liver, by J. H. B. S. 1
The Human Stomach, by J. H. B. S. 1
The Human Intestines, by J. H. B. S. 1
The Human Kidneys, by J. H. B. S. 1
The Human Bladder, by J. H. B. S. 1
The Human Uterus, by J. H. B. S. 1
The Human Vagina, by J. H. B. S. 1
The Human Penis, by J. H. B. S. 1
The Human Testes, by J. H. B. S. 1
The Human Prostate, by J. H. B. S. 1
The Human Sperm, by J. H. B. S. 1
The Human Egg, by J. H. B. S. 1
The Human Embryo, by J. H. B. S. 1
The Human Fetus, by J. H. B. S. 1
The Human Infant, by J. H. B. S. 1
The Human Child, by J. H. B. S. 1
The Human Adolescent, by J. H. B. S. 1
The Human Adult, by J. H. B. S. 1
The Human Old, by J. H. B. S. 1

I N D E X

135

R E R U M.

- A** Academiæ Romæ celebres
Arcadum & Infœcundorum . 49.
Academia Nobilium Artium in
Capitolio a Clem. XI. P. M.
fundata . 41. 111.
Adulatio turpissimum vitium.
38. pestis Principum & No-
bilium. 84. 85.
Ærumnæ humanæ vitæ. 18. 19.
Alexander Magnus homo om-
nium ambitiosissimus . 52.
Alexiovitz Petrus Dux Mosco-
rum excellens Imperator. 29.
Ambitio impellit ad flagitia. 13.
furiosa & insatiabilis. 52. cor-
ruptrix morum. 84.
Amici nomine multi . 86.
Amicitia improborum fugien-
da. 8. Optimatum procuran-
da & quibus modis. 15. vera
in virtute fundata. 114.
Amor perniciæ adolescentium.
10. 14. 53. 54. fortunis spo-
liat. 65. cum carnifice com-
paratus. 67.
Animæ dignitas. 43. 103.
Animi perturbationes valetu-
dini noxiæ. 19.
Animi bona sola in homine
consideranda . 32.
Antiquitas vitæ magistra. 73.
Antiquorum mores. 93. & seq.
Antonellus Com. Philippus &
Nic. Rom. C. Prælat. lauda-
ti. 113. & seq.
Architecti celebres. 112.
Architectura laudatur. 42.
Arrogantia vitium intolerabi-
le. 62.
Ars longa, vita brevis. 57.
Ars culinaria non valde amica
virtuti. 78. 79.
Artes bonæ virtutis admini-
stræ. 43.
Artium auctor Deus. 42.
Avaritia semper crescit. 51. 52.
fraudulenta. 84. 86.
Avaro defunt omnia. 40. nulla
negocia injusta. 86. nulla fi-
des. ibid.
Avarus odio omnibus. 52.
Auctores boni *simplex dumtaxat & unum* agunt. 57.
Augustinus S. scriptor vitio-
rum suorum. 5.
Augustus Cæs. clemens factus
monito Mæcenatis. 86.
Aulicola comitior descriptus. 31.
descriptus neglectior. 32. quo
cultu corporis esse debeat.
33. quam patiens. ibid. debet
disimulare aliena vitia. 37.
te-

136 INDEX RERUM.

tegere sua . ibid. prospicere
futurum. 36. promovere res
suas probitate. 39.

Aurum leges non movet. 14.
neque bonos Judices. 107.
potens in foro advocatus.87
Aurum in opere Phrygio aqua
maris corruptum. 128.

B

Beatitudo nulla in caducis
bonis . 51. & seq. Cælestis
descripta. 115.

Bellum multa habet incommo-
da. 27. gerendum in vitia.26.

BENEDICTI XIV.P.M. laudes.83.
84. 89.

Beneficentia virtus sapientis .
19. Beneficus non totus mo-
ritur. 116.

Bibliomania quoddam morbi
genus. 55.

Bidental sacrificium duarum bi-
dentium cur fieret. 90.

Boni rari. 98.

Bonum nullum sine virtute.51.
& sequen.

Borellius Alphonsus excellens
Mathematicus. 56.

Bruta docent nos nonnulla. 38.
indocili homine præstantio-
ra.61. 62. fugiunt pericula.
129. 130.

C

Calafantius Ven. P. Funda-
tor Schol. Piar. 46.127.
Canus Melchior egregius Theo-

logus. 56.

Carcer mulierum nuper Romæ
ædificatus. 99.

Cartesii sententia de natura ho-
minis. 16.

Cato obscenos comædos ad-
ventu suo in theatrum fu-
gat. 13.

Cavendum a se ipso. 26.98.

Cavendi qui ? 8.

Censor quandoque iis , quos
reprehendit, pejor . 98. ira-
cundus . 99. injustus . ibid.
ambitiosus. 100. ad eum mo-
nita. 101. 102.

Character Adulatoris . 84. 85.
ambitiosi. 13. 52. 79. ar-
delionis . 76. avari . 51.
52. 86. jactabundi . 37.
impii. 58.85. inepti & so-
cordis. 67. & seq. morosi.
99. & seq. probi . 19. 23.
24. probitatem simulantis.
78. & seq.

Domini boni . 34. imperiosi.
ibid.

Judicis æqui. 107.

Juvenis amore capti . 64. &
seq. indocilis . 60. & seq.
otiosi. 105. probi. 7. 15.
117. prodigi. 10.96. scio-
li. 75.76. studiosi. 16.57.
& seq. superbi. 63.80. 86.

Militis gloriosi. 26.

Militis strenui. 26. & seq.

Mulieris probæ . 22. invere-
cundæ . 86. 93.

Principis optimi . 83.89.

Puel-

Puellæ impudentis. 65. 94.
 in officiis sollicitæ. 132.
 Puerorum sese sponte natura in quibusdam artibus exercentium. 41.
 Chirurgus excellens. 120. & seq.
 Chirurgus mitis ægrotum necat. 124.
 Cibi leves non satiant. 48. nimii efficiunt. 56. modici ac boni juvant. 56.
 Circulatio sanguinis opus Dei admirabile. 72.
 Clementis XII. P. M. laudes. 44. 103., & seq.
 Cœnæ lautiores salutis noxiæ. 27. 131.
 Cœtus doctorum utiles. 3. 54. 106.
 Conscientia magistra morū. 73.
 Consolatio in funere amicī. 113. & seq.
 Corporis bona fluxa. 21. 113. 114.
 Corpus mancipium animæ. 78. molliter curatum funestum virtuti. 78. 79.
 Corfinus Eduardus Scholarum Piarum præstans Philosophus. 56.
 Creatio hominis. 103.
 Crescimbenius Marius Gener. Custos Arcadiæ. 9.
 Critice præpostera. 62.
 Cupiditas insatiabilis. 51.
 Cupido nihil boni suadet. 21. dementes facit. 64. redigit ad inopiam. 65.
 Cura gravis noxia. 19.

D

Eus ante omnia colendus. 13.
 Deus Auctor artium. 42.
 Dei iustitia. 43. 100. 119.
 A Deo, quod desideramus, petendum. 13.
 Dei-Patris efficax patrocinium. 122.
 Deliciæ corruptrices humani generis. 10. 78. 79.
 Dies duo jucundissimi. 23.
 Divitiæ non dissipandæ. 10. quæ veræ. 40. qua arte comparantur. 14. 51. non coacervandæ. 52.
 Docile ingenium præstat excellenti. 63.
 Doctrina juvenum parvificiendæ. 10. ubi comparandæ. 9. ostentatorum ridicula & falsa. 72. & seq. sine probitate perniciofa. 59.
 Dominus imperiosus. 34.
 Dominus bonus. 34.
 Domini solent errores suos in domesticos rejicere. 35. sæpe iis, quos amant, nocent. 36. parent aliquando servis. 68.
 Dona amantium profusa. 65.
 Dos præstantissima virtus sponsæ. 22.
 Dos in vultu & voce res misera & periculosa. 65.

E

Educatio bonum præstantissimum. 50. neglecta parit

138 INDEX RERUM.

rit damna ingentia.90.& seq.
Educationis bonæ exempla.

22. 93.
Eloquentiæ decus & utilitas. 47.
Excusatio frivola. 10.
Exempli mali vis & damna. 92.
& seq.

F

F Abula de asino Oeni. 11.
de cornice alienis plumis
induta. 31. de pruno in Nu-
minis effigiem conversa. 81.
de zona verum ab invitis e-
liciente. 87. de ericio accu-
satorum aliorum animalium. 101.
Fallaciloquentia ingens malum
humanæ societatis.84.& seq.
Fama bona res sacra. 5. ei de-
trahere scelus. L.
Fama res valde incerta.77. bo-
na quomodo acquirenda.82.
mala homini exitiosa. 54.
Fames salutaris. 122.
Felicitas in caducis bonis nul-
la. 51.& seq. collocanda in
virtute. 39. 54. 112.
Florentia laudatur. 104.
Forma commendatoria ad om-
nes nationes epistola. 15.
res valde caduca. 21. 114.
Formæ cum virtute conjunctæ
laus. 15. 22.
Fortunæ non fidendum. 51.
Fraudes ubique gentium. 89.
Friderici Saxonie Principis
laudes. 109.& seq.
Frugalitas salubris. 56.

G

G Alli Mareh. Petrus Augt.
olim discip. 76.
Gloria magna a militia. 28.
Gloria fugit sequentem. 82.
Gula ingens hominis probrum.
79.

H

H Erculanus Joseph. U.S.R.
&c. L.
Homo est res cogitans. 16. ex
foliis animi bonis æstiman-
dus. 32. natus ad exercen-
das artes. 41. ad commune
bonum.48.quinam optimus.
98. deliciosus Remp. non
adeat. 106.
Homini difficile vitia sua tege-
re. 35. 77.
Hominis stupidi & inepti vi-
ta. 67. & seq.
Hominum officia inter se. 98.
99.
Honores qua via adeundi. 13.
53. quibus moribus sustinen-
di. 83. 84. 89. 107. 108. si
meritis negantur, patienter
ferendum. 13. 53.
Honores non mutant mores
Viri probi. 89. ne mutarent,
cautum a Romanis. 20. non
explant animum ambitio-
sum. 52.

I

I Acomellus Michael Angelus
Cap. Sec. Pont. M. &c. 90.
Jactatio indicium levis animi.

37. superbi & arrogantis. 79.
 Ignorantia superbi invincibilis. 62. & seq.
 Ignorantia senis prodigiosa. 75.
 Ignorantia veri causa multorum vitiorum. 86.
 Imitatio indita pueris a natura. 41. 93. & seq.
 Imperium bonum miscet dulci amarum. 71.
 Impietas ex prava lectione. 58.
 Improbi sunt nonnulli, ut aliis placeant. 38.
 Improborum rumores contemnendi. 39.
 Improbitas manifesta potior simulata probitate. 78.
 Impudentia fœminarum scopulus adolescentium. 65. 94.
 Ingenium certis studiis continendum. 57. docile præstat perspicaci. 63. magnum admistum superbia. 62.
 Ira perturbatrix humanæ societatis. 99. est interdum calcar virtutis. 68. quomodo ea utendum. ibid.
 Iter longum brevi tempore confectum. 128. obitum per multa pericula. ibid.
 Iudicis partes. 14. 107.
 Iudicium extremum pictum a M. A. Bonarota. 43.
 Iurisprudentiæ necessitas & utilitas. 14.
 Jus fanæ bonæ sacrum. 5.
 Jus vinculum humanæ societatis. 14.
 Jus quo animo dicendum. 107.
 Juvenis probi laus. 6.
 Juvenis censura aliorum abstinere. 15.
 Juvene sciolo nihil intolerabilius. 76.
 Juventus folicite educanda. 2. mobilis quolibet vento. ibid. arcenda a maledicentia. 5. ab improborum societate. 8. adulatione decipitur. 85. malis exemplis corrumpitur. 92. & seq.
 Juvenum indoles. 28. quæ primæ eorum studia esse debeant. 49.
 L
 Labor inutilis. 11. 17.
 Laconis moderatio singularis. 53.
 Lambertus Nobilis Germanus Lambertinæ Fam. Auctor. 83.
 Laurentinus Franciscus Gen. Custos Arcadiæ. 26. 110.
 Leges sanctæ. 14. Iudici ante oculos habendæ. ibid. & 107.
 Liber nemo vitiosus. 99.
 Libri multi adolescentibus noxii. 55. 56. mali exitiosi. 47. 58. 94. quinam feligendi pro ethica. 73.
 Libro in lucem edito quid metuendum. 46.
 Libros Sacros non est fœminarum volutare. 74.
 Loquaces vitandi. 8. molestissimi

- mi, qui & vulgo *ficcatores*. 75. 76.
 Loquacitas indicium fatuitatis. 61.
 Loquacis cum pſittaco comparatio. 61. hic illo conſultior. ibid.
 Loquendum de nobis in neutram partem. 5.
 Loquendum, quum ſuppetit aliquid melius ſilentio. 38.
 Lucatelli March. Joān. Petrus, itemque Joſeph U. S. R. ejus conſobr. 3.
 Ludo & relaxatione animi quouſque utendum. 24.
 Luxus fax domorum & familiarum. 10. 70. 96. 105. 106.
 Luxus in epulis ſaluti pernicioſus. 55. 56. 131.
 M
 Magiſter ignorantiffimus. 74.
 Malis ſubitum remedium adhibendum. 70. quando mora utilis. ibid.
 Marazzanus Comes Petrus de Vicecomitibus. 115.
 Mareſcuſus Proſper S. R. E. Card. Pont. Max. Vic. 117.
 Matrimonium qua ætate ineundum. 25. ineundum inter pares. 64. initum inter impares plerunque infelix. 67.
 puellarum egentium artes ad aucupanda matrimonia cum diuitibus. 65. 94.
 Matres lactare debent *filios*. 91. negligentes in iis educandis. 94. malo exemplo corruptrices filiarum ſuarum. 93. & ſeq. anxie in perquirendis ſpectantibus ad *filios*. 132.
 Medicus nemo bonus ſine experientia. 72.
 Mediocritas in omnibus optima. 51.
 Meditatio quæ utilis. 17.
 Medium tenuere beati. 51.
 Mendacium multos perdidit. 15. plurimos quotidie decipit. 84. & ſeq.
 Mente captorum ſermone interdum delectamur. 62.
 Mens ſemper cogitans. 16.
 Metaſtaſius Petrus Poeta celeberrimus. 56.
 Miles glorioſus. 27.
 Miles ſtrenuus. 27.
 Militiæ decus, & emolumenta. 28.
 Militis multa incommoda. 26. & ſeq. leges. 27.
 Militaris ars diſcenda exercitatione. 30.
 Moderatio ſingularis Laconis. 53.
 Modestiæ laus. 13. 15. 23.
 Monſtrum ſingulare. 63.
 Moralis pernicioſa. 73.
 Moreus Mich. Joſeph. 110.
 Mortis meditatio vera philoſophia. 17.
 Quorum mors lugenda. 116.
 Moriantur Optimates multi an-

antequam sciant esse moriendum. 119.

Mulieres inter rara concordia. 25.

Mulieris probæ laus. 22. 23.

Mulieris ornatus splendidior pudicitia. 23.

Mulieres non decet studium sacrarum literarum. 74. earum officia. ibid.

Musæ inopes. 40. 47. sufficiunt poetis contentis vivere parvo. 40.

N

Navis locus facer. 128.
Navigationis incommoda & pericula. 126. & seq.

Nautæ præfagi futuri. 125.

Nautæ sapiens effatum. 128.

Nequid nimis. 131.

Nobilitas unde acquiritur. 28.
qua lege traducta ad posteror. 24. contempta a sapientibus. 80. sustentanda bonis moribus. 24. 51.

Nobiles quandoque mechanica exercent. 26. plerunque otiosi & deliciis dediti. ibid.

Nocet sibi, qui nocet aliis. 2.

Quid vere nostrum. 32.

Nostrum non est, quod auferri potest. 113.

Nox domi tuto transigitur. 9.

Nuptiarum solemnitas. 21. quid
in ea reprehendendum. ibidem.

Nutrix vilis & plebeia non pro-

batur. 91. mores suos infundit in alumnus. 92.

O

Oculis infunt multa pericula. 15. 67.

Officia adolescentium. 6. & seq.

12. & seq. conjugum. 22.

& seq. Nobilium. ibid. militum. 27. & seq. aulicorum.

32. & seq. hominum inter se. 98.

Officia nimia molesta. 131.

Officiosi verbis multi, re pauci. 86.

Otii damna. 8. 68. & seq. 105. 106.

P

Patientia maxime necessaria aulicis. 33.

Paulini a S. Joseph orationes laudantur. 47.

Peccato Adami tota natura infecta. 60.

Pecuniæ potentia. 51. 107.

Phylacidas: vide, Laurentinus.

Philosophia variabilis. 16.

In philosophia plurima incerta. 17.

Philosophiæ quæ pars maxime excolenda. 17.

Philosophi qui vere sapiant. 19.

Philtrum amoris. 38. 39.

Pictores celebres. 112.

Pictura laudatur. 42. 112.

Pietas in Deum virtus prima. 13.

142 INDEX RERUM.

13. 59. in miseros indicat
verum sapientem. 19. in pa-
triam optimum civem. 23.
116.
- Plausus vulgi metuendus. 39.
publicus laus maxima Prin-
cipis. 89.
- Pœna inevitabilis animus con-
scius. 4. 54.
- Pœna peccati comes. 9. 54.
- Pœna mali poetæ carmina con-
dere. 46.
- Pœna a Deo Cain imposita.
130.
- Pœnitentia fera, dubia. 4.
- Pœta natus non remorandus.
49.
- Pœta *nubes* & *inania captans*.
74.
- Pœtis quorum judicium fit
metuendum. 46.
- Pœtarum patrimonium Musæ.
40. 47.
- In Pœsi quousque fit adole-
scentibus progrediendum.
48. 49.
- Pœsi quomodo sapientes viri
utantur. 49.
- Probitas amorem conciliat. 39.
- Pudet magis dici, quam esse vi-
tiosum. 38.
- Quem* pudet peccati, est fere in-
nocens. 98.
- Pudor color pulcherrimus. 62.
- Pueri sponte natura ædificant
& pingunt. 41. alias artes
nesciunt. 69.
- Puerorum plebeiorum pravi
mores. 90. Nobilium multa
pericula. 85. & seq. 91. & seq.
- Q**uæstio nova. 87. quæstus
contentus magnæ divi-
tiæ. 40.
- R**egnum felix. 110.
- Regulæ Collegii Nazare-
ni. 50.
- Religio ante omnia colenda. 13.
- Remedium amoris. 15. 67.
- Remedium subito malis adhi-
bendum. 69. aliquando mo-
ra utilis. ibid.
- Remedia pro debili stomacho.
72. pro aere insalubri. 124.
pro podagra. 126.
- Richardus a Salvat. S. P. 119.
- Roma laudatur. 12. 18.
- Romuli ferocitas a nutrice. 91.
- Rumores improborum conte-
mnendi. 39.
- S**acra religiose peragenda.
107.
- Sapientis mores. 19. 39.
- Sapientes opinione sua multi.
71.
- Satyræ in homines contra jûs
& fas omne. 1. 2. quænam
sint licitæ. 1. 5.
- Saxoniz Princeps Fridericus
laudatur. 109. & seq.
- Scholarum, Piarum Ordo a quo
& quem

& quem ad finem institutus. 46.

Scioli imponunt imperitis. 72.
& seq.

Sciolus juvenis intolerabilis. 75. 76.

Scientia juvenum non magni
facienda. 10. Scientia falsa.
72. & seq.

Sculptores celebres. 112.

Scriptori quid curandum. 57.
58.

Scriptura sacra fœminis non
permittenda. 74.

Scurram agere opus pudendum. 61.

Sequani officiosissimi. 131. 132.

Sermo quid sit & unde dictus. 2.

Servi rerum negligentis domini
non boni custodes. 68.

Serva domino immitans. 68.

Simia imitatrix hominum. 62.

Socii improbi perniciosi. 8.

Socratis modestia. 71.

Stemmata Nobilium unde. 28.

Studiorum methodus, ratio
potissima discendi. 57.

Studium ethices necessarium.
17.

Stupiditas hominis singularis.
70.

Stupor animi & vecordia prudentia
interdum vocantur.

70.

Superbia ignorantia alit. 63. ex
homine monstrum facit. ibid.

Superbus sibi omnia. 86. odio
omnibus. 80. 86.

T

Temperantia magistra juven-
tutis. 50. & seq.

Tempestas descripta. 127.

Tempore nihil pretiosius. 70.

De Tencin Petrus S.R.E. Card.

Archiep. Lugd. 16.

Timor in milite ridiculus. 27.

Timor ubi valde nocet. 38. ubi
utilis. 22.

Toyonus Jacobus Chirurgus
præstantiss. 120. & seq.

Tullia immanitas. 13.

Tunica molesta supplicii ge-
nus. 93.

V

Valetudo continentia, &
frugalitate sustentatur. 8.

56.

Veritas latet in puteo. 16. una
est. 17.

Veritas æque ac potentia Deum
nobis manifestat. 84.

Verum vix quis audet dicere.
86. dissimulatum causa vi-

tiorum. ibid. sincere dictum

corrigit quandoque malos.

ibid. a quibus auditur. 86.

Versus Pescennini infames. 21.

Versus turgidi irridentur. 74.

Vesontio, quæ & Chrysopolis
& Maxima Sequanorum apud

Cæsarem. 139.

Vir probus ab æquo & vero
nunquam discedit. 89.

Vir probus non totus mori-
tur. 116.

Vi-

- Virum nobilem quæ deceant. Vitia naturæ in aliis ridere & 23. 24. simulare, improbum. 61. 62.
 Virtus una superstes in morte. Vitia familiaritas detegit. 78.
17. Vitia dissimulata crescunt. 85.
 Virtus majorum imitanda. 24. 86. aliena quisque videt, ne-
29. unicum honorum pretium. 13. 53. sola inter hominis bona immortalis. 112. mo sua. 98. 99. 100.
 Vitam privatam agere tutum. Voluptas juvenum pestis. 9. 53.
32. Vitam beatam quæ faci- 54. veniens suavis, recedens
 ciunt. 54. quæ breviorem. 19. amara. 53.
 Vitia reprehendere est Religio- Voluptas quæ vera. 39. quæ li-
 si hominis & Sacerdotis. 1. cita. 54.
 Uxor qualis ducenda. 21. 64.
 quæ sint ejus officia. 22. 23.

F I N I S.

EXCUDEBANT ROMÆ
 NICOLAUS ET MARCUS PALEARINI
 BIBLIOPOLÆ ET TYPOGRAPHI
 AD THEATRUM POMPEII
 ANNO MD. LXXX. XLII. MENSE JULIO
 SEDENTE
 BENEDICTO XIV. PONT. OPT. MAX.
 ANNO II.

MAG 2022/198



[

3

4



